


# કૈલાસ-પદ્મ સ્વાધ્યાય સાગર

ૐ જૈનમઃ



દ્વશવૈકાલિક સૂત્ર,  
બૃહત્સંગ્રહણી, લઘુ ક્ષેત્રસમાસ




પ્રકાશક : શ્રી મહાવીર જૈન આરાધના કેન્દ્ર, ડોબા

# શ્રમણ ભગવંતોની શ્રુત ઉપાધના





श्री महावीर स्वामी, कोणा  
सूर्यकिरण तिलक  
२२ मे. ज्योति २.०७ मिलिट




योगनिध आचार्य  
श्रीमद् बुद्धिसागरसूरीश्वरज



श्री गौतमस्वामी, कोणा



याश्विराजसूरी आचार्य  
श्री कैलाससागरसूरीश्वरज



राष्ट्रसंत आचार्य  
श्री पद्मसागरसूरीश्वरज



शिल्पशास्त्रज्ञ आचार्य  
श्री कल्याणसागरसूरीश्वरज



स्वाध्याय निमग्न  
उपाध्याय  
श्रीमद् धरदोन्द्रसागरज



स्वाध्याय सागर आद्य संपादक  
भुनि प्रवच  
श्री त्रैलोक्यसागरज

## સમર્પણ



જિનશામનના મહાન પ્રભાવક

શ્રુતસમુદ્ધારક, યુગભાસ્કર

રાષ્ટ્રસંત આચાર્ય શ્રી પદ્મભાગવત્કૃષ્ણશ્વરજી ના  
સંયમજીવનના ૫૨ વર્ષના સુવર્ણ અવસર ૫૨  
તથા પૂજ્ય ગુરુભગવંતશ્રીના ૭૨માં વર્ષમાં  
પદાર્પણના પુનીત મંગલ અવસરે

“કૈલાસ-પદ્મ સ્વાધ્યાય ભાગવ” ના  
૯ ભાગ તેઓશ્રીના કવચમલમાં  
સમર્પણ કરતા આત્મિક આનંદ  
અનુભવીએ છીએ.

મુનિ પદ્મરત્નસાગર

**કેલાસ-પદ્મ**



**સ્વાધ્યાય સાગર**

**દશાવૈકાલિકસૂત્ર, બૃહત્સાંગ્રહણી  
લઘુસૂત્ર સમાપ્ત**

વૃક્ષોની શોભા ફલ ફૂલોં સે હોતી હે

સરિતાની શોભા પ્રવાહ સે હોતી હે,

સાગરની શોભા મર્યાદા સે હોતી હે,

સોચો! સંયમ ની શોભા સ્વાધ્યાય સે હોતી હે.

**: પ્રકાશક-પ્રાપ્તિસ્થાન :**

શ્રુતસરિતા (બુકસ્ટોલ)

શ્રી મહાવીર જૈન આરાધના કેન્દ્ર,

કોબા - ૩૮૨૦૦૯ (ગાંધીનગર)

ફોન નં. ૦૭૯-૨૩૨૭૬૨૦૪, ૨૦૫, ૨૫૨ .

ફેક્સ નં. ૦૭૯-૨૩૨૭૬૨૪૯

શ્રી વિશ્વમૈત્રીધામ જૈન તીર્થ-બોરીજ, ગાંધીનગર

ફોન નં. ૦૭૯-૫૫-૭૨૭૧૮૧, ૨૩૨૪૩૧૮૦

+ દિવ્ય આશિષ +

યો.આ.શ્રીમદ્ બુદ્ધિસાગરસૂરીશ્વરજી મ.

+ દિવ્યકૃપા +

અજાતશત્રુ ગીતાર્થ ગચ્છાધિપતિ આચાર્યદેવ

શ્રીમદ્ કેલાસસાગરસૂરીશ્વરજી મ.

+ આશિષ +

શિલ્પ મર્મજ્ઞ આચાર્યદેવ

શ્રીમદ્ કલ્યાણસાગરસૂરીશ્વરજી મ.

+ ગુરુકૃપા +

શ્રુતસમુદ્ધારક આચાર્યદેવ

શ્રીમદ્ પદ્મસાગરસૂરીશ્વરજી મ.

+ પ્રેરક +

મુનિશ્રી પ્રશાંતસાગરજી

+ સંપાદક +

મુનિશ્રી પદ્મરત્નસાગરજી

+ સહયોગી +

મુનિશ્રી પુનીતપદ્મસાગરજી

મુનિશ્રી પૂર્ણપદ્મસાગરજી

આવૃત્તિ : દ્વિતીય - ૧૦૦૦ નકલ

વિ.સં. ૨૦૬૩, ઇ.સ.૨૦૦૬

મૂલ્ય : બાહ્યમૂલ્ય - ૧૫-૦૦

આભ્યંતર મૂલ્ય - આત્મરમણતા

-: अहमनम :-

: गंगल कामना :.

(सुमे धर जानकर प्रसन्नता हुई है कि- कैलास-पद्म-स्वाध्याय-सागर" की द्वितीय आवृत्ति प्रकाशित होने जग रही है।

"स्वाध्याय" संयमी जीवन का परम साथी एवं कल्पमय मित्र है। सम्पूर्ण ज्ञान के प्रकार में व्यक्ति अपने कार्य के परिणाम को जान-सकता है। अपनी विकृति को संस्कृति में बदल सकता है। वासना को भावना में परिवर्तित करने की प्रक्रिया भी ज्ञान के द्वारा उपलब्ध होती है। स्वाध्याय के माध्यम से आत्मचिंतन के द्वारा मन के परिणाम का शुद्धिकरण होता है। परिणाम शुद्ध-होने पर ही सिद्ध बना जाता है।

इस स्वाध्याय सागर का संकलन एवं संपादन विद्वान् (दुर्निभै) पद्मसागरजी म. ने किया है, वह प्रशंसनीय है।

सुमे (आशा है कि इस पुस्तक के पढ़न-पाढ़न द्वारा उनके आत्मा विकास के पथ पर अपनी जीवन यात्रा में स्वयं का पूर्ण विराम प्राप्त करने के योग्य बनेगी।

सादरी भवनधर्मशाला  
पालीताणा (गुजरात)  
सिद्ध १३३

शुभेच्छुक:-

पद्मसागर सूरी

दि. २३-१०-०६९

नूतन वर्ष



## પ્રકાશકીય...

પૂજ્ય સાધુ સાધ્વીજી ભગવંતોને તથા મુમુક્ષુ આત્માઓને અત્યંત ઉપયોગી થઈ શકે તેમજ વિહાર આદિમાં રાખવા માટે સુલભતા રહે તે હેતુથી અલગ-અલગ વિભાગમાં 'કૈલાસ-પદ્મ સ્વાધ્યાય સાગર' પ્રકાશિત થાય એ અમારી ઘણા સમયથી મહત્તી અભિલાષા હતી, જે પૂર્ણ થતા અમને આત્મિક પરમાનંદ પ્રગટ થાય છે.

સ્વાધ્યાય સાગર ને જ સંશોધિત પરિમાર્જિત કરી કૈલાસપદ્મ સ્વાધ્યાયસાગરની દ્વિતીય આવૃત્તિ પ્રકાશિત કરતાં અત્યંત હર્ષ થાય છે. નવ ભાગોમાં પ્રકાશિત થઈ રહેલ આ પ્રકાશન અનેક પ્રકારનાં સુધારા વધારા તથા ઉપયોગી માહિતીથી સમૃદ્ધ કરવામાં આવ્યું છે. જેની નોંધ લેવી ઘટે તેમ છે.

આ ગ્રંથનું પ્રકાશન કરતા અમોને એ બાબતની પણ વિશેષ ખુશી થાય છે કે આ સાથે અમો અમારી એક લાંબા ગાળાથી પ્રતિક્ષિત એક જવાબદારી પૂર્ણ કરવા સમર્થ થયા છીએ.

પૂજ્ય આચાર્યશ્રીના વરિષ્ઠ શિષ્ય ઉપાધ્યાય પ્રવર શ્રી ધરણેન્દ્રસાગરજીની એમના કાલધર્મ પૂર્વે પ્રબલ ભાવના હતી કે સ્વાધ્યાય સાગરનું પુનઃ પ્રકાશન થાય... અને એ માટે તેઓશ્રીના સદ્ઉપદેશથી અમુક ધનરાશિની પણ વ્યવસ્થા



થયેલ. એ દ્રવ્યનો ઉપયોગ પ્રસ્તુત પ્રકાશનમાં થયેલ છે. અમો તે સહુ નામી-અનામી દાતાશ્રીઓનો અત્રે આભાર માનીએ છીએ.

વિશુદ્ધ ક્રિયાપાત્ર પૂજ્ય મુનિપ્રવર શ્રી ત્રૈલોક્યસાગરજીએ સાધુ-સાધ્વીજી ભગવંતોમાં વ્યાપક પણે આદર પ્રાપ્ત થયેલ સ્વાધ્યાય સાગર ગ્રંથ અત્યંત પરિશ્રમ લઈને આઘ સંપાદનનું કાર્ય કરેલ. એ મુનિપ્રવરનું સ્મરણ કરીને હાર્દિક અનુમોદના કરીએ છીએ.

આ ગ્રંથના પાઠશુદ્ધિ સંશોધનમાં તથા ગ્રંથ માટે મહત્વનું માર્ગદર્શન દર્શાવ્યું, તેવા મુનિવરો મુનિશ્રી હેમચંદ્રસાગરજી, મુનિશ્રી નિર્વાણસાગરજી તથા મુનિશ્રી અજયસાગરજીને તેમના સ્તુત્ય કાર્ય બદલ સંપૂર્ણ સાધુવાદ ઘટે છે.

આ સમગ્ર ગ્રંથના સંપાદન કાર્ય માટે પૂ. મુનિશ્રી પદ્મરત્નસાગરજી આદિ એ ખૂબ શ્રમ કરેલો છે તેની અમે અનુમોદના કરીએ છીએ.

આ ગ્રંથના પ્રુફ સંશોધનમાં યો. આ. શ્રી બુદ્ધિસાગરસૂરિ સમુદાયવર્તિની સા. શ્રી રત્નત્રયાશ્રીજી, સા. શ્રી નલિનયશાશ્રીજી તથા સા. શ્રી જયનંદિતાશ્રીજી એ પણ અમૂલ્ય સહયોગ કર્યો છે. તેમનું પણ ઋણ સ્વીકાર કરીએ છીએ.

આ. શ્રી કૈલાસસાગરસૂરિ જ્ઞાનમંદિર, કોબા સ્થિત પં. શ્રી નવિનભાઈ જૈન, પં. શ્રી જિગરભાઈ ધામી, પં. શ્રી આશિષભાઈનો પણ ખૂબ જ સુંદર સહયોગ મળ્યો છે, અમો તેમને સાધુવાદ આપીએ છીએ.

આ ગ્રંથના મૂલ મેટર તથા તેનું સંપૂર્ણ કંપોઝ તથા બટર માટે (કોબા) આ. શ્રી કૈલાસસાગરસૂરિ જ્ઞાનમંદિર સ્થિત કમ્પ્યુટર વિભાગમાં કાર્યરત શ્રી કેતન શાહ તેમજ સંજય ગુર્જરે અથાગ શ્રમ લઈને પ્રસ્તુત ગ્રંથને સુંદર બનાવવામાં મહત્વનું યોગદાન કરેલ છે, તે બદલ તેઓને હાર્દિક અભિનંદન ઘટે છે.

પ્રસ્તુત ગ્રંથમાં પાઠશુદ્ધિને પ્રધાન મહત્વ આપ્યું છે, છતાં અશુદ્ધિ તરફ ધ્યાન દોરાશે તો સહર્ષ સાભાર તે તરફ લક્ષ કેન્દ્રિત કરાશે.

ગ્રંથમાં નામી-અનામી દ્રવ્ય સહયોગી મહાનુભાવોના તથા મુદ્રણ માટે બિજલ ગ્રાફિક્સના મળેલ સહકાર સદૈવ સ્મરણમાં રહેશે.

પ્રાંતે આ ગ્રંથનો સદ્ઉપયોગ કરી જ્ઞાનાવરણીય કર્મનો ક્ષયોપશમ પ્રાપ્ત થાય એજ મંગલ કામના.

**પ્રકાશક**

## અનુક્રમણિકા

દશવૈકાલિકસૂત્ર (આચાર્ય શય્યાંભવસૂરિ) .....	૧
(૧) દ્રુમપુષ્પિકાધ્યયન .....	૧
(૨) શ્રામણ્યપૂર્વિકાધ્યયન .....	૧
(૩) ક્ષુલ્લકાચારાધ્યયન .....	૨
(૪) છજ્જીવણિકાધ્યયન .....	૪
(૫) પિણ્ડેષણાધ્યયન (પ્રથમ ઉદ્દેશઃ) .....	૧૫
(પિણ્ડેષણાધ્યયને દ્વિતીય ઉદ્દેશઃ) .....	૨૫
(૬) મહાચારકથાધ્યયન .....	૩૦
(૭) સુવાક્યશુદ્ધિનામાધ્યયન .....	૩૭
(૮) આચાર પ્રણિધિનામાધ્યયન .....	૪૩
(૯) વિનયસમાધિનામાધ્યયન (પ્રથમ ઉદ્દેશઃ) .....	૫૦
(વિનયસમાધ્યધ્યયને દ્વિતીય ઉદ્દેશઃ)	
(વિનયસમાધ્યધ્યયને તૃતીય ઉદ્દેશઃ)	
(વિનયસમાધ્યધ્યયને ચતુર્થ ઉદ્દેશઃ)	
(૧૦) સત્તિક્ષુનામાધ્યયન .....	૫૮
(૧) દશવૈકાલિકે પ્રથમા (રતિવકા) ચૂલિકા .....	૬૨
દશવૈકાલિકે દ્વિતીયા (વિવક્તચરિયા) ચૂલિકા .....	૬૫
બૃહત્સંગ્રહણી .....	૬૭
બૃહત્સંગ્રહણીમાં ઉપયોગી ગાથાઓ .....	૯૯
લઘુ ક્ષેત્રસમાસ .....	૧૦૨

## દશવૈકાલિકસ્તૂત્ર (આચાર્ય શય્યાંભવસ્તૂતિ)

### (૧) દુમપુષ્પિકાઘ્યયન

- ધમ્મો મંગલમુક્કિટ્ટઠં, અહિંસા સંજમો તવો;  
 દેવા વિ તં નમંસંતિ, જસ્સ ધમ્મે સયા મણો..... ૧
- જહા દુમસ્સ પુફ્ફેસુ, ભમરો આવિયઈ રસં,  
 ણ ય પુફ્ફં કિલામેઇ, સો અ પીણોઇ અપ્પયં..... ૨
- એમેએ સમણા મુત્તા, જે લોએ સંતિ સાહુણો;  
 વિહંગમા વ પુફ્ફેસુ, દાણભત્તેસણે રયા. .... ૩
- વયં ચ વિત્તિં લબ્ભામો, ન ય કોઇ ઉવહમ્મઇ;  
 અહાગડેસુ રીયંતે, પુફ્ફેસુ ભમરા જહા. .... ૪
- મહુકારસમા બુદ્ધા, જે ભવંતિ અણિસ્સિયા;  
 નાણા પિંડરયાદંતા, તેણ વુચ્ચંતિ સાહુણોઠ ત્તિ બેમિ. .... ૫

### (૨) શ્રામણ્યપૂર્વિકાઘ્યયન

- કંહ નું કુજ્જા સામણ્ણાં, જો કામે ન નિવારએ;  
 પએ પએ વિસીઅંતો, સંકપ્પસ્સ વસં ગઓ. .... ૧
- વત્થગંધમલંકારં, ઇત્થીઓ સયણાણિ અ;  
 અચ્છંદા જે ન ભુંજંતિ, ન સે ચાઇત્તિ વુચ્ચઇ. .... ૨
- જે અ કંતે પિએ ભોએ, લદ્ધે વિ પિટ્ઠિઠ કુવ્વઇ;  
 સાહીણે ચયઇ ભોએ, સે હુ ચાઈ ત્તિ વુચ્ચઇ. .... ૩

સમાઈ પેહાઈ પરિવ્વયંતો, સિઆ મણો નિસ્સરઈ બહિદ્ધા,  
 ન સા મહં નોવિ અહંપિ તીસે, ઇચ્ચેવ તાઓ વિણાઈજજ રાગં. ૪  
 આયાવયાહિ ચય સોગમલ્લં કામે કમાહી, કમિઅં ખુ દુકખં,  
 ઈંદાહિ દોસં, વિણાઈજજ રાગં; એવં સુહી હોહિસિ સંપરાએ. ૫  
 પકખંદે જલિઅં જોઈં ધૂમકેઉં દુરાસયં;  
 નેચ્છંતિ વંતયં ભોત્તું, કુલે જાયા અગંધણો. .... ૬  
 ધિરત્યુ તેડજસોકામી, જો તં જીવિયકારણા;  
 વંતં ઇચ્છસિ આવેઉં, સેયં તે મરણં ભવે. .... ૭  
 અહં ચ ભોગરાયસ્સ, તં ચડસિ અંધગવણિહણો;  
 મા કુલે ગંધણા હોમો, સંજમં નિહુઓ ચર. .... ૮  
 જઈ તં કાહિસિ ભાવં, જા જા દિચ્છસિ નારીઓ;  
 વાયાવિદ્ધવ્વ હડો, અટ્ટિઠઅપ્પા ભવિસ્સસિ. .... ૯  
 તીસે સો વયણં સોચ્ચા, સંજયાઈ સુભાસિયં;  
 અંકુસેણ જહા નાગો, ધમ્મે સંપડિવાઈઓ. .... ૧૦  
 એવં કરંતિ સંબુદ્ધા, પંડિયા પવિઅકખણા;  
 વિણિઅટ્ટંતિ ભોગેસુ, જહા સે પુરિસુત્તમો તિ ભેમિ. ૧૧

### (૩) ક્ષુલ્લકાચારાધ્યયન

સંજમે સુટ્ટિઠઅપ્પાણં, વિપ્પમુક્કાણ તાઈણં;  
 તેસિમેઅમણાઈજજં નિગ્ગંથાણ મહેસિણં. .... ૧  
 ઉદેસિયં કીયગડં, નિયાગ મભિહડાણિ ય;  
 રાઈભત્તે સિણાણો ય, ગંધમલ્લે ય વીયણો. .... ૨

- સંનિહી ગિહિમત્તે અ, રાયપિંડે કિમિચ્છએ;
- સંવાહણા દંતપહોયણા અ, સંપુચ્છણા દેહપલોયણા અ... ૩
- અટ્ઠાવએ અ નાલીએ, છત્તસ્સ ય ધારણટ્ઠાએ;
- તેગિચ્છં પાહણા પાએ, સમારંભં ચ જોઇણો..... ૪
- સિજ્જાયરપિંડં ચ, આસંદીપલિઅંકએ;
- ગિહંતરનિસિજ્જા ય, ગાયસ્સુવટ્ટણાણિ ય. .... ૫
- ગિહિણો વેઆવડિયં, જા ય અજ્જવવત્તિયા;
- તત્તાનિવ્વુડભોઇત્તં, આઉરસ્સરણાણિ અ. .... ૬
- મૂલએ સિંગબેરે ય, ઉચ્છુખંડે અનિવ્વુડે;
- કંદે મૂલે ય સચ્ચિત્તે, ફલે બીએ ય આમએ. .... ૭
- સોવચ્ચલે સિંઘવે લોણે, રોમાલોણે ય આમએ;
- સામુદ્દે પંસુખારે ય, કાલાલોણે ય આમએ. .... ૮
- ધૂવણે ત્તિ વમણે અ, બત્થીકમ્મ વિરેયણે;
- અંજણે દંતવણે અ, ગાયાબ્ભંગ વિભૂસણે. .... ૯
- સવ્વમેયમણાઇત્તં, નિગ્ગંથાણ મહેસિણં;
- સંજમંમિ અ જુત્તાણં, લહુભૂયવિહારિણં. .... ૧૦
- પંચાસવપરિણાયા, તિગુત્તા છસુ સંજયા;
- પંચનિગ્ગહણા ધીરા, નિગ્ગંથા ઉજ્જુદંસિણો..... ૧૧
- આયાવયંતિ ગિમ્હેસુ, હેમંતેસુ અવાઉડા;
- વાસાસુ પડિસંલીણા, સંજયા સુસમાહિયા..... ૧૨

પરિસહ રિઉદંતા, ધૂઅમોહા જિંઈદિઆ;  
 સવ્વદુકખપ્પહીણાટ્ઠા, પક્કમંતિ મહેસિણો. .... ૧૩  
 દુક્કરાઈં કરિતા ણં, દુસ્સહાઈં સહેતુ અ;  
 કેઇત્થ દેવલોએસુ, કેઇ સિજ્જંતિ નીરયા. .... ૧૪  
 ખવિત્તા પુવ્વકમ્માઈં, સંજમેણ તવેણ ય;  
 સિદ્ધિમગ્ગમણુપ્પત્તા, તાઈણો પરિનિવ્વુડેઠ ત્તિ બેમિ. .. ૧૫

### (૪) છજ્જવણિકાઘ્યયન

સુઅં મે આઉસં! તેણં ભગવયા એવ મક્ખાયં,  
 ઇહ ખલુ છજ્જવણિઆનામજ્જયણં સમણેણં ભગવયા;  
 મહાવીરેણં કાસવેણં પવેઇઆ સુઅક્ખાયા સુપણ્ણતા,  
 સેઅં મે અહિજ્જિઉં અજ્જયણં ધમ્મપણ્ણત્તી. .... ૧  
 કયરા ખલુ સા છજ્જવણિઆ નામજ્જયણં,  
 સમણેણં ભગવયા મહાવીરેણં,  
 કાસવેણં પવેઇઆ, સુઅક્ખાયા સુપણ્ણતા;  
 સેઅં મે અહિજ્જિઉં અજ્જયણં ધમ્મપણ્ણત્તી. .... ૨  
 ઇમા ખલુ સા છજ્જવણિઆ નામજ્જયણં,  
 સમણેણં ભગવયા મહાવીરેણં,  
 કાસવેણં પવેઇઆ સુઅક્ખાયા સુપણ્ણતા;  
 સેઅં મે અહિજ્જિઉં અજ્જયણં ધમ્મપણ્ણત્તી. .... ૩  
 તં જહા-પુઢવિકાઇઆ, આઉકાઇઆ, તેઉકાઇઆ,  
 વાઉકાઇઆ, વણ્ણસ્સઇકાઇઆ, તસકાઇઆ. .... ૪



- પુઢવી ચિત્તમંતમકૂખાયા, અણોગજીવા;  
 પુઢોસત્તા, અન્નત્થ સત્થપરિણાએણં. .... ૫
- આઉ ચિત્તમંતમકૂખાયા અણોગજીવા;  
 પુઢોસત્તા અન્નત્થ સત્થપરિણાએણં. .... ૬
- તેઉ ચિત્તમંતમકૂખાયા અણોગ જીવા;  
 પુઢોસત્તા અન્નત્થ સત્થપરિણાએણં. .... ૭
- વાઉ ચિત્તમંતમકૂખાયા, અણોગજીવા;  
 પુઢોસત્તા અન્નત્થ સત્થપરિણાએણં. .... ૮
- વણસ્સઇ ચિત્તમંતમકૂખાયા અણોગજીવા;  
 પુઢોસત્તા અન્નત્થ સત્થપરિણાએણં. .... ૯
- તં જહા-અગ્ગબીઆ, મૂલબીઆ, પોરબીઆ,  
 ખંઘબીઆ, બીઅરુહા, સંમુચ્છિમા તણાલયા  
 વણસ્સઇકાઇઆ સબીઆ, ચિત્તમંત મકૂખાયા  
 અણોગજીવા; પુઢોસત્તા અન્નત્થ સત્થપરિણાએણં. .... ૧૦

સે જે પુણ ઇમે અણોગે બહવે તસા પાણા, તં જહા-અંડયા  
 પોયયા જરાઉઆ રસયા સંસેઇમા સંમુચ્છિમા ઉબ્બિઆ  
 ઉવવાઇઆ, જેસિં કેસિં ચિ પાણાણં અભિક્કંતં પડિક્કંતં  
 સંકુચિઅં પસારિઅં રુઅં ભંતં તસિઅં પલાઇઅં  
 આગઈગઇવિનાયા જે અ કીડપયંગા, જા ય કુંથુ પિપીલિઆ,  
 સવ્વે બેઇંદિઆ, સવ્વે તેઇંદિયા, સવ્વે ચઉરિંદિઆ, સવ્વે  
 પંચિદિઆ, સવ્વે તિરિક્ખજોણિઆ, સવ્વે નેરઇઆ, સવ્વે

મણુઆ, સવ્વે દેવા, સવ્વે પાણા પરમાહમ્મિઆ, એસો ખલુ  
છટ્ઠો જીવનિકાઓ તસકાઓ ત્તિ પવુચ્ચઇ (સૂત્ર૦ ૧)

ઇચ્ચેસિં છણહં જીવનિકાયાણં નેવ સયં દંડં સમારંભિજ્જા,  
નેવડનેહિં દંડં સમારંભાવિજ્જા, દંડ સમારંભંતે વિ અન્ને ન  
સમણુજાણામિ, જાવજ્જીવાએ તિવિહં તિવિહેણં મણેણં  
વાયાએ કાએણં ન કરેમિ ન કારવેમિ, કરંતં પિ અન્નં ન  
સમણુજાણામિ તસ્સ ભંતે! પડિક્કમામિ નિંદામિ ગરિહામિ  
અપ્પાણં વોસિરામિ (સૂત્ર૦ ૨)

પઢમે ભંતે! મહવ્વએ પાણાઇવાયાઓ વેરમણં, સવ્વં ભંતે!  
પાણાઇવાયં પચ્ચકૂખામિ, સે સુહુમં વા, બાયરં વા, તસં વા,  
થાવરં વા, નેવ સયં પાણે અઇવાઇજ્જા, નેવડનેહિં પાણે  
અઇવાયાવિજ્જા, પાણે અઇવાયંતે વિ અન્ને ન સમણુજાણામિ,  
જાવજ્જીવાએ તિવિહં તિવિહેણં મણેણં વાયાએ કાએણં ન  
કરેમિ ન કારવેમિ કરંતં પિ અન્નં ન સમણુજાણામિ, તસ્સ  
ભંતે! પડિક્કમામિ નિંદામિ ગરિહામિ અપ્પાણં વોસિરામિ  
પઢમે ભંતે! મહવ્વએ ઉવટ્ઠિઠઓમિ સવ્વાઓ પાણાઇવાયાઓ  
વેરમણં (૧) (સૂત્ર૦ ૩)

અહાવરે દોચ્ચે ભંતે! મહવ્વએ મુસાવાયાઓ વેરમણં,  
સવ્વં ભંતે! મુસાવાયં પચ્ચકૂખામિ સે કોહા વા, લોહા વા,  
ભયા વા, હાસા વા, નેવ સયં મુસં વઇજ્જા નેવડનેહિં મુસં  
વાયાવિજ્જા, મુસં વયંતે વિ અન્ને ન સમણુજાણામિ,  
જાવજ્જીવાએ તિવિહં તિવિહેણં મણેણં વાયાએ કાએણં ન

કરેમિ ન કારવેમિ કરંતં પિ અન્નં ન સમણુજાણામિ, તસ્સ ભંતે! પડિક્કમામિ નિંદામિ ગરિહામિ અપ્પાણં વોસિરામિ, દોચ્યે ભંતે! મહવ્વએ ઉવટ્ઠિઓમિ સવ્વાઓ મુસાવાયાઓ વેરમણં (૨) (સૂત્ર૦ ૪)

અહાવરે તચ્યે ભંતે! મહવ્વએ અદિન્નાદાણાઓ વેરમણં, સવ્વં ભંતે! અદિન્નાદાણં પચ્ચકૂખામિ, સે ગામે વા, નગરે વા, રણ્ણો વા, અપ્પં વા, બહું વા, અણું વા, થૂલં વા, ચિત્તમંતં વા, અચિત્તમંતં વા, નેવ સયં અદિન્નં ગિણ્ણિજ્જા, નેવડન્નેહિં અદિન્નં ગિણ્ણાવિજ્જા, અદિન્નં ગિણ્ણંતેવિ અન્ને ન સમણુજાણામિ, જાવજ્જવાએ તિવિહં તિવિહેણં મણ્ણેણં વાયાએ કાએણં ન કરેમિ ન કારવેમિ કરંતં પિ અન્નં ન સમણુજાણામિ, તસ્સ ભંતે! પડિક્કમામિ નિંદામિ ગરિહામિ અપ્પાણં વોસિરામિ, તચ્યે ભંતે! મહવ્વએ ઉવટ્ઠિઓમિ, સવ્વાઓ અદિન્નાદાણાઓ વેરમણં (૩) (સૂત્ર૦૫)

અહાવરે ચઉત્થે ભંતે! મહવ્વએ મેહુણાઓ વેરમણં, સવ્વં ભંતે! મેહુણં પચ્ચકૂખામિ, સે દિવ્વં વા, માણુસં વા, તિરિક્ખજોણિઅં વા, નેય સયં મેહુણં સેવિજ્જા, નેવડન્નેહિં મેહુણં સેવાવિજ્જા, મેહુણં સેવંતે વિ અન્ને ન સમણુજાણામિ, જાવજ્જવાએ તિવિહં તિવિહેણં મણ્ણેણં વાયાએ કાએણં ન કરેમિ ન કારવેમિ કરંતં પિ અન્નં ન સમણુજાણામિ, તસ્સ ભંતે! પડિક્કમામિ નિંદામિ ગરિહામિ અપ્પાણં વોસિરામિ, ચઉત્થે ભંતે! મહવ્વએ ઉવટ્ઠિઓમિ, સવ્વાઓ મેહુણાઓ વેરમણં (૪) (સૂત્ર૦ ૬)

અહાવરે પંચમે ભંતે! મહવ્વએ પરિગ્ગહાઓ વેરમણં, સવ્વંભંતે! પરિગ્ગહં પચ્ચક્રખામિ, સે અપ્પં વા, બહું વા, અણું વા, થૂલં વા, ચિત્તમંતં વા, અચિત્તમંતં વા, નેવ સયં પરિગ્ગહં પરિગિણ્ણિજ્જા નેવડન્નેહિં પરિગ્ગહં પરિગિણ્ણાવિજ્જા, પરિગ્ગહં પરિગિણ્ણંતે વિ અન્ને ન સમણુજાણામિ જાવજ્જવાએ તિવિહં તિવિહેણં મણેણં વાયાએ કાએણં ન કરેમિ ન કારવેમિ કરંતં પિ અન્નં ન સમણુજાણામિ, તસ્સ ભંતે! પડિક્કમામિ નિંદામિ ગરિહામિ અપ્પાણં વોસિરામિ, પંચમે ભંતે! મહવ્વએ ઉવટ્ઠિઓમિ, સવ્વાઓ પરિગ્ગહાઓ વેરમણં (૫) (સૂત્ર૦ ૭)

અહાવરે છટ્ઠે ભંતે! વએ રાઇભોયણાઓ વેરમણં, સવ્વં ભંતે! રાઇભોયણં પચ્ચક્રખામિ, સે અસણં વા, પાણં વા, ખાઇમં વા, સાઇમં વા, નેવ સયં રાઇં ભુંજિજ્જા; નેવડન્નેહિં રાઇં ભુંજાવિજ્જા રાઇં ભુંજંતે વિ અન્ને ન સમણુજાણામિ, જાવજ્જવાએ તિવિહં તિવિહેણં મણેણં વાયાએ કાએણં ન કરેમિ ન કારવેમિ કરંતં પિ અન્નં ન સમણુજાણામિ, તસ્સ ભંતે! પડિક્કમામિ નિંદામિ ગરિહામિ અપ્પાણં વોસિરામિ, છટ્ઠે ભંતે! વએ ઉવટ્ઠિઓમિ સવ્વાઓ રાઇભોયણાઓ વેરમણં (૬) (સૂત્ર૦ ૮)

ઇચ્ચેઇયાઇં પંચમહવ્વયાઇં રાઇભોઅણવેરમણ છટ્ઠાઇં અત્તહિયટ્ઠયાએ ઉવસંપજ્જિત્તા ણં વિહરામિ (સૂત્ર૦ ૯)

સે ત્તિક્ખૂ વા ત્તિક્ખુણી વા સંજય વિરય પડિહય

પચ્ચક્ષુખાય પાવકમ્મે દિઆ વા, રાઓ વા, એગઓ વા, પરિસાગઓ વા, સુત્તે વા, જાગરમાણો વા, સે પુઢવિં વા, ભિત્તિં વા, સિલં વા, લેલું વા, સસરક્ખં વા કાયં, સસરક્ખં વા વત્થં, હત્થેણ વા, પાએણ વા, કટ્ઠેણ વા, કિલિંચેણ વા, અંગુલિઆએ વા, સિલાગએ વા, સિલાગહત્થેણ વા, ન આલિહિજ્જા ન વિલિહિજ્જા ન ઘટ્ટિજ્જા, ન ભિંદિજ્જા, અન્નં ન આલિહાવિજ્જા ન વિલિહાવિજ્જા ન ઘટ્ટાવિજ્જા, ન ભિંદાવિજ્જા, અન્નં આલિહંતં વા વિલિહંતં વા ઘટ્ટંતં વા ભિંદંતં વા ન સમણુજાણામિ, જાવજ્જીવાએ તિવિહં તિવિહેણં મણેણં વાયાએ કાએણં ન કરેમિ ન કારવેમિ કરંતં પિ અન્નં ન સમણુજાણામિ, તસ્સ ભંતે! પરિક્કમામિ નિંદામિ ગરિહામિ અપ્પાણં વોસિરામિ (૧) (સૂત્ર૦ ૧૦)

સે ભિક્ષુ વા ભિક્ષુણી વા સંજય વિરય પરિહય પચ્ચક્ષુખાય પાવકમ્મે દિઆ વા, રાઓ વા, એગઓ વા, પરિસાગઓ વા, સુત્તે વા જાગરમાણો વા, સે ઉદગં વા ઓસં વા, હિમં વા, મહિઅં વા, કરગં વા, હરતણુગં વા, સુદ્ધોદગં વા, ઉદઉલ્લં વા કાયં, ઉદઉલ્લં વા વત્થં, સસિણિદ્ધં વા કાયં, સસિણિદ્ધં વા વત્થં, ન આમુસિજ્જા ન સંકુસિજ્જા, ન આવીલિજ્જા, ન પવીલિજ્જા, ન અક્ખોડિજ્જા, ન પક્ખોડિજ્જા, ન આયાવિજ્જા ન પયાવિજ્જા, અન્નં ન આમુસાવિજ્જા ન સંકુસાવિજ્જા ન આવીલાવિજ્જા ન પવીલાવિજ્જા, ન અક્ખોડાવિજ્જા ન પક્ખોડાવિજ્જા, ન આયાવિજ્જા ન

પયાવિજ્જા, અત્રં આમુસંતં વા, સંકુસંતં વા, આવીલંતં વા  
 પવીલંતં વા, અફ્ખોડંતં વા પફ્ખોડંતં વા, આયાવંતં વા  
 પયાવંતં વા, ન સમણુજાણામિ જાવજ્જવાએ તિવિહં  
 તિવિહેણં, મણેણં વાયાએ કાએણં, ન કરેમિ ન કારવેમિ કરંતં  
 પિ અત્રં ન સમણુજાણામિ, તસ્સ ભંતે! પડિક્કમામિ નિંદામિ  
 ગરિહામિ અપ્પાણં વોસિરામિ (૨) (સૂત્ર૦ ૧૧)

સે ભિક્કખૂ વા ભિક્કખુણી વા સંજય વિરય પડિહય  
 પચ્ચફ્ખાય પાવકમ્મે દિઆ વા, રાઓ વા, એગઓ વા,  
 પરિસાગઓ વા, સુત્તે વા, જાગરમાણે વા, સે અગણિં વા,  
 ઇંગાલં વા; મુમ્મુરં વા અચ્ચિં વા, જાલં વા, અલાયં વા,  
 સુદ્ધાગણિં વા, ઉક્કં વા, ન ઉંજેજ્જા ન ઘટ્ટેજ્જા, ન ભિંદેજ્જા  
 ન ઉજ્જાલેજ્જા ન પજ્જાલેજ્જા ન નિવ્વાવેજ્જા, અત્રં ન  
 ઉંજાવેજ્જા ન ઘટ્ટાવેજ્જા ન ભિંદાવેજ્જા ન ઉજ્જાલાવેજ્જા ન  
 પજ્જાલાવેજ્જા ન નિવ્વાવેજ્જા, અત્રં ઉંજંતં વા ઘટ્ટંતં વા,  
 ભિંદંતં વા, ઉજ્જાલંતં વા, પજ્જાલંતં વા નિવ્વાવંતં વા, ન  
 સમણુજાણામિ, જાવજ્જવાએ તિવિહં તિવિહેણં મણેણં  
 વાયાએ કાએણં ન કરેમિ ન કારવેમિ કરંતં પિ અત્રં ન  
 સમણુજાણામિ, તસ્સ ભંતે! પડિક્કમામિ, નિંદામિ ગરિહામિ  
 અપ્પાણં વોસિરામિ (૩) (સૂ૦ ૧૨)

સે ભિક્કખૂ વા ભિક્કખુણી વા, સંજય વિરય પડિહય  
 પચ્ચફ્ખાય પાવકમ્મે, દિઆ વા, રાઓ વા, એગઓ વા,  
 પરિસાગઓ વા, સુત્તે વા જાગરમાણે વા, સે સિએણ વા,

વિહુયણેણ વા, તાલિઅંટેણ વા, પત્તેણ વા, પત્ત ભંગેણ વા, સાહાએ વા, સાહાભંગેણ વા, પિહુણેણ વા, પિહુણહત્યેણ વા, ચેલેણ વા, ચેલકણેણ વા, હત્યેણ વા, મુહેણ વા, અપ્પણો વા કાયં, બાહિરં વા વિ પુગ્ગલં, ન કુમેજ્જા ન વીએજ્જા, અન્નં ન કુમાવેજ્જા ન વીઆવેજ્જા, અન્નં કુમંતં વા વીઅંતં વા ન સમણુજાણામિ, જાવજ્જવાએ તિવિહં તિવિહેણં મણેણં વાયાએ કાએણં ન કરેમિ ન કારવેમિ કરંતં પિ અન્નં ન સમણુજાણામિ, તસ્સ ભંતે! પડિક્કમામિ નિંદામિ ગરિહામિ અપ્પાણં વોસિરામિ (૪) (સૂત્ર૦ ૧૩)

સે ભિક્ખૂ વા ભિક્ખુણી વા સંજયવિરયપડિહય-પચ્ચક્ખાયપાવકમ્મે, દિઆ વા, રાઓ વા, એગઓ વા, પરિસાગઓ વા, સુત્તે વા, જાગરમાણે વા, સે બીએસુ વા, બીઅપઇટ્ઠેસુ વા, રૂઢેસુ વા, રૂઢપઇટ્ઠેસુ વા, જાએસુ વા, જાયપઇટ્ઠેસુ વા, હરિએસુ વા, હરિઅપઇટ્ઠેસુ વા, છિનેસુ વા, છિન્નપઇટ્ઠેસુ વા, સચિત્તેસુ વા, સચિત્તકોલ-પડિનિસ્સિએસુ વા, ન ગચ્છેજ્જા, ન ચિટ્ઠેજ્જા, ન નિસીએજ્જા, ન તુઅટ્ટેજ્જા, અન્નં ન ગચ્છાવેજ્જા, ન ચિટ્ઠાવેજ્જા ન નિસીઆવેજ્જા, ન તુઅટ્ટાવેજ્જા; અન્નં ગચ્છંતં વા, ચિટ્ઠંતં વા, નિસીયંતં વા, તુયટ્ટંતં વા, ન સમણુજાણામિ, જાવજ્જવાએ તિવિહં તિવિહેણં મણેણં વાયાએ કાએણં ન કરેમિ, ન કારવેમિ કરંતં પિ અન્નં ન સમણુજાણામિ, તસ્સ ભંતે! પડિક્કમામિ નિંદામિ ગરિહામિ અપ્પાણં વોસિરામિ (૫) (સૂત્ર૦ ૧૪)



સે ભિક્ષુ વા ભિક્ષુણી વા સંજયવિરયપડિહય-  
 પચ્ચક્ષાય પાવકમ્મે, દિઆ વા, રાઓ વા, એગઓ વા,  
 પરિસાગઓ વા, સુત્તે વા, જાગરમાણે વા, સે કીડં વા, પયંગં  
 વા, કુંથું વા, પિપીલીઅં વા, હત્થંસિ વા, પાયંસિ વા, બાહુંસિ  
 વા, ઊરુંસિ વા, ઉદરંસિ વા, સીસંસિ વા, વત્થંસિ વા,  
 પડિગ્ગહંસિ વા, કંબલંસિ વા, પાયપુંછણંસિ વા, રયહરણંસિ  
 વા, ગોચ્છગંસિ વા, ઉંડગંસિ વા, દંડગંસિ વા, પીઢગંસિ વા,  
 ફલગંસિ વા, સેજ્જંસિ વા, સંથારગંસિ વા, અન્નયરંસિ વા,  
 તહપ્પગારે ઉવગરણજાએ તઓ સંજયામેવ પડિલેહિઅ  
 પડિલેહિઅ, પમજ્જિઅ પમજ્જિઅ, એગંતમવણેજ્જા, નો ણં  
 સંઘાયમાવજ્જેજ્જા (૬) (સૂત્ર૦ ૧૫)

- અજયં ચરમાણો ઉ, પાણભૂયાઇં હિંસઇ;  
 બંધઇ પાવયં કમ્મં, તં સે હોઇ કડુઅં ફલં. .... ૧
- અજયં ચિટ્ઠમાણો ઉ પાણભૂયાઇં હિંસઇ;  
 બંધઇ પાવયં કમ્મં, તં સે હોઇ કડુઅં ફલં. .... ૨
- અજયં આસમાણો ઉ, પાણભૂયાઇં હિંસઇ;  
 બંધઇ પાવયં કમ્મં, તં સે હોઇ કડુઅં ફલં. .... ૩
- અજયં સયમાણો ઉ, પાણભૂયાઇં હિંસઇ;  
 બંધઇ પાવયં કમ્મં, તં સે હોઇ કડુઅં ફલં. .... ૪
- અજયં ભુંજમાણો ઉ, પાણભૂયાઇં હિંસઇ;  
 બંધઇ પાવયં કમ્મં, તં સે હોઇ કડુઅં ફલં. .... ૫

- અજયં ભાસમાણો ઉ, પાણભૂયાઇં હિસઇ;   
 બંધઇ પાવયં કમ્મં, તં સે હોઇ કડુઅં ફલં. .... ૬
- કહં ચરે? કહં ચિટ્ઠે? કહમાસે? કહં સએ?;   
 કહં ભુંજંતો? ભાસંતો? પાવં કમ્મં ન બંધઇ?. .... ૭
- જયં ચરે જયં ચિટ્ઠે, જયમાસે જયં સએ;   
 જયં ભુંજંતો ભાસંતો, પાવં કમ્મં ન બંધઇ. .... ૮
- સવ્વભૂયપ્પભૂઅસ્સ, સમ્મં ભૂયાઇં પાસઓ;   
 પિહિઆસવસ્સ દંતસ્સ, પાવં કમ્મં ન બંધઇ. .... ૯
- પઢમં નાણં તઓ દયા, એવં ચિટ્ઠઇ સવ્વસંજએ;   
 અન્નાણી કિં કાહી? કિં, વા નાહીઇ સેઅપાવગં?..... ૧૦
- સોચ્યા જાણઇ કલ્લાણં, સોચ્યા જાણઇ પાવગં;   
 ઉભયં પિ જાણઇ સોચ્યા, જં સેઅં તં સમાચરે..... ૧૧
- જો જીવે વિ ન યાણઇ, અજીવે વિ ન યાણઇ;   
 જીવાજીવે અયાણંતો, કહં સો નાહીઇ સંજમં. .... ૧૨
- જો જીવે વિ વિયાણઇ અજીવે વિ વિયાણઇ;   
 જીવાજીવે વિયાણંતો, સો હુ નાહીઇ સંજમં. .... ૧૩
- જયા જીવમ જીવે ય, દો વિ એએ વિયાણઇ;   
 તયા ગઇં બહુવિહં, સવ્વજીવાણ જાણઇ..... ૧૪
- જયા ગઇં બહુવિહં, સવ્વજીવાણ જાણઇ;   
 તયા પુણ્ણં ચ પાવં ચ, બંધં મોક્ખં ચ જાણઇ..... ૧૫

- જયા પુણ્યાં ચ પાવં ચ, બંધં મોક્ષં ચ જાણાઇ;  
 તયા નિવ્વિંદએ ભોએ, જે દિવ્વે જે અ માણુસે..... ૧૬
- જયા નિવ્વિંદએ ભોએ, જે દિવ્વે જે અ માણુસે;  
 તયા ચયઇ સંજોગં, સબ્બિંતરબાહિરં. .... ૧૭
- જયા ચયઇ સંજોગં, સબ્બિંતરબાહિરં;  
 તયા મુંડે ભવિત્તાણં, પવ્વઇએ અણગારિઅં..... ૧૮
- જયા મુંડે ભવિત્તાણં, પવ્વઇએ અણગારિઅં;  
 તયા સંવરમુક્કિટ્ઠં, ધમ્મં ફાસે અણુતરં. .... ૧૯
- જયા સંવરમુક્કિટ્ઠં, ધમ્મં ફાસે અણુતરં;  
 તયા ધુણાઈ કમ્મરયં, અબોહિકલુસં કડં. .... ૨૦
- જયા ધુણાઈ કમ્મરયં, અબોહિકલુસં કડં;  
 તયા સવ્વત્તગં નાણં, દંસણં ચાભિગચ્છઇ. .... ૨૧
- જયા સવ્વત્તગં નાણં, દંસણં ચાભિગચ્છઇ;  
 તયા લોગમલોગં ચ, જિણો જાણાઇ કેવલી. .... ૨૨
- જયા લોગમલોગં ચ, જિણો જાણાઇ કેવલી;  
 તયા જોગે નિરં ભિત્તા, સેલેસિં પડિવજ્જઇ. .... ૨૩
- જયા જોગે નિરંભિત્તા, સેલેસિં પડિવજ્જઇ;  
 તયા કમ્મં ખવિત્તાણં, સિદ્ધિં ગચ્છઇ નીરઓ. .... ૨૪
- જયા કમ્મં ખવિત્તાણં, સિદ્ધિં ગચ્છઇ નીરઓ;  
 તયા લોગમત્થયત્થો, સિદ્ધો હવઇ સાસઓ..... ૨૫

સુહસાયગસ્સ સમણસ્સ, સાયાઉલગસ્સ નિગામસા ઇસ્સ;  
 ઉચ્છોલણાપહોઅસ્સ, દુલ્લહા સુગઇ તારિસગસ્સ. .... ૨૬  
 તવોગુણપહાણંસ્સ, ઉજ્જુમઇ ખંતિસંજમરયસ્સ;  
 પરીસહે જિણંતસ્સ, સુલહા સુગઇ તારિસગસ્સ..... ૨૭.  
 પચ્છા વિ તે પયાયા, ખિપ્પં ગચ્છંતિ અમરભવણાઇં;  
 જેસિં પિઓ તવો સંજમો અ, ખંતી અ બંભચેરં ચ. .... ૨૮.  
 ઇચ્ચેઅં ઇજ્જવણિઅં, સમ્મદિટ્ઠી સયા જએ;  
 દુલ્લહં લહિત્તુ સામણં, કમ્મુણા ન વિરાહેજ્જાસિંત્તિ બેમિ.૨૯

### (૫) પિણ્ડેષણાધ્યયન (પ્રથમ ઉદ્દેશઃ)

સંપત્તે ભિક્ષુપકાલંમિ, અસંભંતો અમુચ્છિઓ;  
 ઇમેણ કમ્મજોગેણ, ભત્તપાણં ગવેસએ..... ૧  
 સે ગામે વા નગરે વા, ગોઅરગ્ગગઓ મુણ્ણી;  
 ચરે મંદમણ્ણવ્વિગ્ગો, અવ્વક્રખિતેણ ચેઅસા. .... ૨  
 પુરઓ જુગમાયાએ, પેહમાણો મહિ ચરે;  
 વજ્જંતો વીઅહરિઆઇં, પાણો અ દગમદ્દિટ્ઠાં. .... ૩  
 ઓવાયં વિસમં ખાણું, વિજલં પરિજ્જએ;  
 સંકમેણ ન ગચ્છેજ્જા, વિજ્જમાણો પરક્કમે. .... ૪  
 પવડંતે વ સે તત્થ, પક્રખલંતેવ સંજએ;  
 હિંસેજ્જ પાણભૂઆઇં, તસે અદુવ થાવરે. .... ૫  
 તમ્હા તેણ ન ગચ્છિજ્જા, સંજએ સુસમાહિએ;  
 સઇ અન્નેણ મગ્ગેણ, જયમેવ પરક્કમે. .... ૬

- ઇંગાલં છારિઅં રાસિં, તુસરાસિં ચ ગોમયં;  
સસરક્રખેહિં પાએહિં, સંજઓ તં નઇક્રમે. .... ૭
- ન ચરેજજ વાસે વાસંતે, મહિઆએ વ પડંતિએ;  
મહાવાએ વ વાયંતે, તિરિચ્છસંપાઇમેસુ વા. .... ૮
- ન ચરેજજ વેસસામંતે, બંભચેરવસાણુ એ;  
બંભચારિસ્સ દંતસ્સ, હુજજા તત્થ વિસુત્તિઆ. .... ૯
- અણાયણે ચરંતસ્સ, સંસગ્ગીએ અભિક્ખણં;  
હુજજ વયાણં પીલા, સામણ્ણમિ અ સંસઓ. .... ૧૦
- તમ્હા એઅં વિઆણિત્તા, દોસં દુગ્ગઇવડ્ઢણં;  
વજજએ વેસસામંતં, મુણી એગંતમસ્સિએ. .... ૧૧
- સાણં સૂયં ગાવિં, દિત્તં ગોણં હયં ગયં;  
સડિમ્મં કલહં જુહં, દૂરઓ પરિવજજએ. .... ૧૨
- અણુન્નએ નાવણએ, અપ્પહિટ્ઠે અણાઉલે;  
ઇંદિઆઇં જહાભાગં, દમઇત્તા મુણી ચરે. .... ૧૩
- દવદવસ્સ ન ગચ્છેજજા, ભાસમાણો અ ગોઅરે;  
હસંતો નાભિગચ્છિજજા, કુલં ઉચ્ચાવયં સયા. .... ૧૪
- આલોઅં ચિગ્ગલં દારં, સંધિં દગભવણાણિ અ;  
ચરંતો ન વિનિજ્જાએ, સંકટ્ઠાણં વિવજજએ. .... ૧૫
- રત્તો ગિહવઇણં ચ, રહસ્સા રક્રખિઆણ ચ;  
સંકિલેસકરં ઠાણં, દૂરઓ પરિવજજએ. .... ૧૬

- પરિકુટ્ઠકુલં ન પવિસે, મામગં પરિવજ્જએ;  
 અચિઅતં કુલં ન પવિસે, ચિઅતં પવિસે કુલં..... ૧૭
- સાણીપાવારપિહિઅં, અપ્પણા નાવપુંગુરે;  
 ક્વાડં નો પણોલ્લેજ્જા, ઓગ્ગહંસિ અજ્જઇઆ. .... ૧૮
- ગોઅરગ્ગપવિટ્ઠો અ, વચ્ચમુત્તં ન ધારએ;  
 ઓગાસં ફાસુઅં નચ્ચા, અણુન્નવિઅ વોસિરે. .... ૧૯
- નીઅદ્ધુવારં તમસં, કોટ્ઠગં પરિવજ્જએ;  
 અચક્ખુવિસઓ જત્થ, પાણા દુપ્પડિલેહગા. .... ૨૦
- જત્થ પુફ્ફાઇં બીઆઇં, વિપ્પઇત્તાઇં કોટ્ઠએ;  
 અહુણોવલિત્તં ઉલ્લં, દટ્ઠૂણં પરિવજ્જએ. .... ૨૧
- એલગં દારગં સાણં, વચ્છગં વા વિ કુટ્ઠએ;  
 ઉલ્લંઘિઆ ન પવિસે, વિઉહિત્તાણ વ સંજએ. .... ૨૨
- અસંસત્તં પલોઇજ્જા, નાઇદ્ધુરાવલોઅએ;  
 ઉપ્પુલ્લં ન વિનિજ્જાએ, નિઅટ્ઠિજ્જા અયંપિરો..... ૨૩
- અઇભૂમિં ન ગચ્છેજ્જા, ગોઅરગ્ગગઓ મુણી;  
 કુલસ્સ ભૂમિં જાણિત્તા, મિઅં ભૂમિં પરક્કમે. .... ૨૪
- તત્થેવ પરિલેહિજ્જા, ભૂમિભાગં વિઅક્ખણો;  
 સિણાણસ્સ વ વચ્ચસ્સ, સંલોગં પરિવજ્જએ. .... ૨૫
- દગમટ્ઠિઅઆયાણો, બીયાણિ હરિઆણિ અ;  
 પરિવજ્જંતો ચિટ્ઠિજ્જા, સવ્વિંદિઅ સમાહિએ. .... ૨૬

- તત્થ સે ચિટ્ઠમાણસ્સ, આહરે પાણભોઅણં;  
 અકપ્પિઅં ન ગેણ્ણિજ્જા, પડિગાહિજ્જા કપ્પિઅં. .... ૨૭
- આહરંતી સિઆ તત્થ, પરિસાડિજ્જા ભોયણં;  
 દિંતિઅં પડિઆઇકખ્ખે, ન મે કપ્પઇ તારિસં. .... ૨૮
- સંમદમાણી પાણાણિ, બીઆણિ હરિઆણિ અ;  
 અસંજમકરિં નચ્ચા, તારિસિં પરિવજ્જિએ. .... ૨૯
- સાહટ્ટુ નિક્ખિવિત્તાણં, સચિત્તં ઘટ્ટિઆણિ અ;  
 તહેવ સમણટ્ઠાએ, ઉદગં સંપણ્ણલિઆ. .... ૩૦
- ઓગાહઇત્તા ચલઇત્તા, આહરે પાણભોઅણં;  
 દિંતિઅ પડિઆઇકખ્ખે, ન મે કપ્પઇ તારિસં. .... ૩૧
- પુરેકમ્મેણ હત્થેણ, દલ્લીએ ભાયણેણ વા;  
 દિંતિઅં પડિઆઇકખ્ખે, ન મે કપ્પઇ તારિસં. .... ૩૨
- એવં ઉદઉલ્લે સસિણિદ્ધે, સસરકખ્ખે મટ્ટિઆઉસે,  
 હરિઆલે હિંગુલએ, મણોસિલા અંજણે લોણે. .... ૩૩
- ગેરુઅ વન્નિઅ સેઢિઅ-સોરટ્ટિઠઅ પિટ્ઠકુક્કુસકએ ય;  
 ઉકિંકટ્ઠમસંસટ્ઠે, સંસટ્ઠે ચેવ બોદ્ધવ્વે. .... ૩૪
- અસંસટ્ઠેણ હત્થેણ, દલ્લીએ ભાયણેણ વા;  
 દિજ્જમાણં ન ઇચ્છિજ્જા, પચ્છાકમ્મં જહિં ભવે. .... ૩૫
- સંસટ્ઠેણ ય હત્થેણ, દલ્લીએ ભાયણેણ વા;  
 દિજ્જમાણં પડિચ્છિજ્જા, જં તત્થેસણિઅં ભવે. .... ૩૬



- દુણ્ડં તુ ભુંજમાણાણં, એગો તત્થ નિમંતએ;  
 દિજ્જમાણં ન ઇચ્છિજ્જા, છંદં સે પડિલેહએ. .... ૩૭
- દુણ્ડં તુ ભુંજમાણાણં, દો વિ તત્થ નિમંતએ;  
 દિજ્જમાણં પડિચ્છિજ્જા, જં તત્થેસણિઅં ભવે. .... ૩૮
- ગુવ્વિણીએ ઉવણ્ણાત્થં, વિવિહં પાણાભોઅણં;  
 ભુંજમાણં વિવજ્જિજ્જા, ભુત્તસેસં પડિચ્છએ. .... ૩૯
- સિઆ ય સમણાટ્ઠાએ, ગુવ્વિણી કાલમાસિણી;  
 ઉટ્ઠિઆ વા નિસીઇજ્જા, નિસન્ના વા પુણ્ણુટ્ઠએ. .... ૪૦
- તં ભવે ભત્તપાણં તુ, સંજયાણ અકપ્પિઅં;  
 દિત્તિઅં પડિઆઇક્ખે, ન મે કપ્પઇ તારિસં. .... ૪૧
- થણગં પિજ્જેમાણી, દારગં વા કુમારિઅં;  
 તં નિક્ખિવિત્તુ રોઅંતં, આહરે પાણાભોઅણં. .... ૪૨
- તં ભવે ભત્તપાણં તુ, સંજયાણ અકપ્પિઅં;  
 દિત્તિઅં પડિઆઇક્ખે, ન મે કપ્પઇ તારિસં. .... ૪૩
- જં ભવે ભત્તપાણં તુ, કપ્પા-કપ્પંમિ સંકિઅં;  
 દિત્તિઅં પડિઆઇક્ખે, ન મે કપ્પઇ તારિસં. .... ૪૪
- દગવારેણ પિહિઅં, નીસાએ પીઢએણ વા;  
 લોઢેણ વા વિ લેવેણ, સિલેસેણ વ કેણઇ. .... ૪૫
- તં ચ ઉબ્બિંદિઉં દિજ્જા, સમણાટ્ઠાએ વ દાવએ;  
 દિત્તિઅં પડિઆઇક્ખે, ન મે કપ્પઇ તારિસં. .... ૪૬

- અસણં પાણગં વા વિ, ખાઇમં સાઇમં તહા;  
 જં જાણિજજ સુણિજજા વા, દાણટ્ટઠા પગડં ઇમં. .... ૪૭  
 તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૪૮  
 અસણં પાણગંવા વિ, ખાઇમં સાઇમં તહા;  
 જં જાણિજજ સુણિજજા વા, પુણટ્ટઠા પગડં ઇમં. .... ૪૯  
 તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૫૦  
 અસણં પાણગં વા વિ, ખાઇમં સાઇમં તહા;  
 જં જાણિજજ સુણિજજા વા, વણિમટ્ટઠા પગડં ઇમં. .... ૫૧  
 તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૫૨  
 અસણં પાણગં વા વિ, ખાઇમં સાઇમં તહા;  
 જં જાણિજજ સુણિજજા વા, સમણટ્ટઠા પગડં ઇમં. .... ૫૩  
 તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૫૪  
 ઉદેસિઅં કીઅગડં, પૂઇકમ્મં ચ આહડં;  
 અજ્જોયર પામિચ્ચં, મીસજાયં વિવજ્જએ. .... ૫૫  
 ઉગ્ગમં સે અ પુચ્છિજ્જા, કસ્સટ્ટઠા કેણ વા કડં;  
 સુચ્ચા નિસ્સંકિઅં સુહં, પડિગાહિજ્જ સંજએ. .... ૫૬

- અસણં પાણગં વા વિ, ખાઇમં સાઇમં તહા;  
 પુષ્કેસુ હુજજ ઉમ્મીસં, ખીએસુ હરિએસુ વા. .... ૫૭
- તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૫૮
- અસણં પાણગં વા વિ, ખાઇમં સાઇમં તહા;  
 ઉદગંમિ હુજજ નિક્ખિત્તં, ઉત્તિંગ-પણગેસુ વા. .... ૫૯
- તં ભવે ભત્ત-પાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૬૦
- અસણં પાણગં વા વિ, ખાઇમં સાઇમં તહા;  
 તેઉમ્મિ હુજજ નિક્ખિત્તં, તં ચ સંઘટ્ટિઆ દએ. .... ૬૧
- તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૬૨
- એવં ઉસ્સકિક્કિઆ ઓસકિક્કિઆ,  
 ઉજ્જાલિઆ, પજ્જાલિઆ નિવ્વાવિઆ;  
 ઉસ્સિંચિયા નિસ્સિંચિયા,  
 ઉવ્વત્તિયા ઓચારિયા દએ. .... ૬૩
- તં ભવે ભત્ત-પાણં તુ, સંજયાણ અકપ્પિઅં;  
 દિંતિઅં પડિઆઇક્ખે, ન મે કપ્પઇ તારિસં. .... ૬૪
- હુજજ કટ્ઠં સિલં વા વિ, ઇટ્ટાલં વા વિ એગયા;  
 ઠવિઅં સંકમટ્ઠાએ, તંચ હોજજ ચલાયલં. .... ૬૫

- ન તેણ ત્રિક્ષુ ગચ્છિજ્જા, દિટ્ઠો તત્થ અસંજમો;  
ગંભીરં ઝુસિરં ચેવ, સવ્વિદ્ધિઅ-સમાહિએ. .... ૬૬
- નિસ્સેણિં ફલગં પીઠં, ઉસ્સવિતાણ-મારુહે;  
મંચં કીલં ચ પાસાયં, સમણટ્ઠા એવ દાવએ. .... ૬૭
- દુરુહમાણી પવડિજ્જા, હત્થં પાયં વ લૂસએ;  
પુઠવીજ્જવે વિ હિંસિજ્જા, જે અ તન્નિસ્સિઆ જગે. .... ૬૮
- એચારિસે મહાદોસે, જાણિઉણ મહેસિણો;  
તમ્હા માલોહડં ત્રિક્ષુ, ન પડિગિણહંતિ સંજયા. .... ૬૯
- કંઠં મૂલં પલંબં વા, આમં છિત્તં વ સન્નિરં;  
તુંબાગં સિંગબેરં ચ, આમગં પરિવજ્જએ. .... ૭૦
- તહેવ સત્તુ-ચુણ્ણાઇં, કોલચુણ્ણાઇં આવણે;  
સક્કુલિં ફાણિઅં પૂઅં, અન્નં વા વિ તહાવિહં. .... ૭૧
- વિક્કાયમાણં પસઠં, રએણં પરિકાસિઅં;  
દિંતિઅં પડિઆઇક્ખે, ન મે કપ્પઇ તારિસં. .... ૭૨
- બહુઅટ્ઠિઅં પુગ્ગલં, અણિમિસં વા બહુકંટયં;  
અત્થિયં તિંદુયં બિલ્લં, ઉચ્છુખંડં વ સિંવલિં. .... ૭૩
- અપ્પે સિઆ ભોઅણજ્જાએ, બહુઉજ્જિયધમ્મિએ;  
દિંતિઅં પડિઆઇક્ખે, ન મે કપ્પઇ તારિસં. .... ૭૪
- તહેવુચ્ચાવયં પાણં, અદ્ધુવા વારધોઅણં;  
સંસેઇમં ચાઉલોદ્ધગં, અહુણાધોઅં વિવજ્જએ. .... ૭૫

- જં જાણેજજ ચિરાધોયં, મધએ દંસણેણ વા;  
 પડિપુચ્છિણિણ સુચ્યા વા, જં ચ નિસ્સંકિયં ભવે. .... ૭૬
- અજ્જવં પરિણયં નચ્યા, પડિગાહિજજ સંજએ;  
 અહ સંકિયં ભવિજજા, આસાઇતાણ રોયએ. .... ૭૭
- થોવમાસાયણટ્ઠાએ, હત્થગંમિ દલાહિ મે;  
 મા મે અચ્ચંબિલં પૂઇં, નાલં તણહં વિણિત્તએ. .... ૭૮
- તં ચ અચ્ચંબિલં પૂઇં, નાલં તણહં વિણિત્તએ;  
 દિંતિયં પડિઆઇકુખે, ન મે કપ્પઇ તારિસં. .... ૭૯
- તં ચ હોજજ અકામેણં, વિમણેણ પડિચ્છિયં;  
 તં અપ્પણા ન પિબે, નો વિ અન્નસ્સ દાવએ. .... ૮૦
- એગંત મવક્કમિત્તા, અચિતં પડિલેહિઆ;  
 જયં પરિટ્ઠવિજજા, પરિટ્ઠપ્પ પડિક્કમે. .... ૮૧
- સિઆ ય ગોયરગ્ગ-ગઓ, ઇચ્છિજજા પરિભુત્તુઅં;  
 કુટ્ઠગં ભિત્તિમૂલં વા, પડિલેહિતાણ ફાસુઅં. .... ૮૨
- અણુત્તવિત્તુ મેહાવી, પડિચ્છન્નંમિ સંવુડે;  
 હત્થગં સંપમજ્જિજતા, તત્થ ભુંજિજજ સંજએ. .... ૮૩
- તત્થ સે ભુંજમાણસ્સ, અટ્ઠિઠઅં કંટઓ સિઆ;  
 તણકટ્ઠસક્કરં વા વિ, અન્નં વા વિ તહાવિહં. .... ૮૪
- તં ઉક્ખિવિત્તુ ન નિક્ખિવે, આસએણ ન છડ્ડએ;  
 હત્થેણ તં ગહેણિણં, એગંત મવક્કમે. .... ૮૫

- એગંતમ વક્કમિત્તા, અચિત્તં પડલેહિઆ;  
જયં પરિટ્ઠવિજ્જા, પરિટ્ઠપ્પ પરિક્કમે. .... ૮૬
- સિઆ ય ત્તિક્ખૂ ઇચ્છિજ્જા, સિજ્જમાગમ્મ ભુત્તુઅં;  
સપિંડપાયં માગમ્મ, ઉંડુયં પરિલેહિઆ. .... ૮૭
- વિણ્ણએણં પવિસિત્તા, સગાસે ગુરુણો મુણી;  
ઇરિયાવહિય-માયાય, આગઓ ય પરિક્કમે. .... ૮૮
- આભોઇત્તાણ નીસેસં, અઇઆરં જહક્કમં;  
ગમણાગમણો એવ, ભત્તપાણો વ સંજએ. .... ૮૯
- ઉજ્જુપત્તો અણુવ્વિગ્ગો અવ્વક્ખિત્તેણ એઅસા;  
આલોએ ગુરુસગાસે, જં જહા ગહિઅં ભવે. .... ૯૦
- ન સમ્મમાલોઇયં હુજ્જા, પુવ્વિં પચ્છા વ જં કડં;  
પુણો પરિક્કમે તસ્સ, વોસટ્ઠો ચિંતએ ઇમં. .... ૯૧
- અહો જિણોહિં અસાવજ્જા, વિત્તી સાહ્ણણ દેસિઆ;  
મુક્ખ સાહણહેઉસ્સ, સાહુદેહસ્સ ધારણા. .... ૯૨
- નમુક્કારેણ પારિત્તા, કરિત્તા જિણસંથવં;  
સજ્જાયાં પટ્ઠવિત્તાણં, વીસમેજ્જ ખણં મુણી. .... ૯૩
- વીસમંતો ઇમં ચિંતે, હિમયટ્ઠં લાભમટ્ઠિઓ;  
જઇ મે અણુગ્ગહં કુજ્જા, સાહ્ણ હુજ્જામિ તારિઓ. .... ૯૪
- સાહવો તો ચિઅત્તેણં, નિમંતિજ્જ જહક્કમં;  
જઇ તત્થ કેઇ ઇચ્છિજ્જા, તેહિં સદ્ધિં તુ ભુંજએ. .... ૯૫

અહ કોઈ ન ઇચ્છિજ્જા, તઓ ભુંજિજ્જા એગઓ;  
 આલોએ ભાયણે સાહૂ, જયં અપરિસાડિયં. .... ૯૬  
 તિત્તગં વ કડુઅં વ કસાયં, અંબિલં વ મહુરં લવણં વા;  
 એઅ લદ્ધમત્તથપઉત્તં, મહુ ઘયં વ ભુંજિજ્જા સંજએ. .. ૯૭  
 અરસં વિરસં વા વિ, સૂઠઅં વા અસૂઠઅં,  
 ઉલ્લં વા જઇ વા સુક્કં, મંથુકુમ્માસ ભોઅણં. .... ૯૮  
 ઉપ્પણં નાઇહીલિજ્જા, અપ્પં વા બહુ ફાસુઅં;  
 મુહાલદ્ધં મુહાજીવી, ભુંજિજ્જા, દોસવજ્જિઅં. .... ૯૯  
 દુલ્લહા ઉ મુહાદાઇ, મુહાજીવી વિ દુલ્લહા;  
 મુહાદાઇ મુહાજીવી, દોડવિ ગચ્છંતિ સુગ્ગઇં૦ તિ બેમિ. ૧૦૦

### (પિણ્ડેષણાઘયચને દ્વિતીય ઉદ્દેશઃ)

પરિગ્ગહં સંલિહિત્તાણં, લેવમાયાએ સંજએ;  
 દુગંધં વા સુગંધં વા, સવ્વં ભુંજે ન છડ્ડએ. .... ૧  
 સેજ્જા નિસીહિયાએ, સમાવત્તો ય ગોઅરે;  
 અયાવયટ્ઠા ભુચ્ચા ણં, જઇ તેણં ન સંચરે. .... ૨  
 તઓ કારણમુપ્પન્ને, ભત્તપાણં ગવેસએ;  
 વિહિણા પુવ્વઉત્તેણ, ઇમેણં ઉત્તરેણ ય. .... ૩  
 કાલેણ નિફ્ખમે ભિફ્ખૂ, કાલેણ ય પરિક્કમે;  
 અકાલં ય વિવજ્જિત્તા, કાલે કાલં સમાયરે. .... ૪  
 અકાલે ચરસિ ભિફ્ખૂ, કાલં ન પરિલેહસિ;  
 અપ્પાણં ય કિલામેસિ, સંનિવેસં ય ગરિહસિ. .... ૫



- સઘ કાલે ચરે ભિક્ષૂ કુજ્જા પુરિસકારિઅં;  
 અલાભુત્તિ ન સોએજ્જા, તવોત્તિ અહિઆસએ. .... ૬
- તહેવુચ્યાવયા પાણા, ભત્તટ્ઠાએ સમાગયા;  
 તં ઉજ્જુઅં ન ગચ્છિજ્જા, જયમેવ પરક્કમે..... ૭
- ગોયરગ્ગપવિટ્ઠો અ, ન નિસીએજ્જા કત્થઇ;  
 કહં ચ ન પબંધિજ્જા, ચિટ્ઠિઠ્ઠાણ વ સંજએ. .... ૮
- અગ્ગલં ફલિહં દારં, કવાડં વા વિ સંજએ;  
 અવલંભિઆ ન ચિટ્ઠિઠ્ઠાજ્જા, ગોયરગ્ગગઓ મુણી..... ૯
- સમણં માહણં વા વિ, કિવિણં વા વણીમગં;  
 ઉવસંકમંતં ભત્તટ્ઠા, પાણટ્ઠાએ વ સંજએ. .... ૧૦
- તં અઇક્કમિત્તુ ન પવિસે, ન ચિટ્ઠે ચક્ષુગોયરં;  
 એગંતમવક્કમિત્તા, તત્થ ચિટ્ઠિઠ્ઠાજ્જા સંજએ. .... ૧૧
- વણીમગસ્સ વા તસ્સ, દાયગસ્સુભયસ્સ વા,  
 અપ્પત્તિઅં સિઆ હુજ્જા, લહુત્તં પવયણસ્સ વા. .... ૧૨
- પડિસેહિએ વ દિને વા, તઓ તમ્મિ નિયત્તિએ;  
 ઉવસંકમિજ્જા ભત્તટ્ઠા, પાણટ્ઠાએ વ સંજએ. .... ૧૩
- ઉપ્પલં પઉમં વાવિ, કુમુઅં વા મગદંતિઅં;  
 અન્નં વા પુફ્ફસચ્ચિત્તં, તં ચ સંલુંચિઆ દઅં..... ૧૪
- તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇક્કખે, ન મે કપ્પઇ તારિસં. .... ૧૫

- ઉપ્પલં પઉમં વા વિ, કુમુઅં વા મગદંતિઅં;  
 અન્નં વા પુષ્કસચ્ચિત્તં, તં ચ સંમદિઆ દઅ. .... ૧૬
- તં ભવે ભત્તપાણં તુ, સંજયાણ અકપ્પિઅં;  
 દિંતિઅં પડિઆઇકુખે, ન મે કપ્પઇ તારિસં. .... ૧૭
- સાલુયં વા વિરાલિયં, કુમુઅં ઉપ્પલનાલિઅં;  
 મુણાલિઅં સાસવનાલિઅં, ઉચ્છુખંડં અનિવ્વુડં. .... ૧૮
- તરુણગં વા પવાલં, રુક્ખસ્સ તણાગસ્સ વા;  
 અન્નસ્સ વા વિ હરિઅસ્સ, આમગં પરિવજ્જઅ. .... ૧૯
- તરુણિઅં વા છિવાડિં, આમિઅં ભજ્જિઅં સઇં;  
 દિંતિઅં પડિઆઇકુખે, ન મે કપ્પઇ તારિસં. .... ૨૦
- તહા કોલમણુસ્સિન્નં, વેલુઅં કાસવનાલિઅં;  
 તિલપપ્પડગં નીમં, આમગં પરિવજ્જઅ. .... ૨૧
- તહેવ ચાઉલં પિટ્ઠં, વિઅડં વા તત્તડનિવ્વુડં;  
 તિલપિટ્ઠ પૂઇપિન્નાગં, આમગં પરિવજ્જઅ. .... ૨૨
- કવિટ્ઠં માઉલિંગં ચ, મૂલગં મૂલગત્તિઅં;  
 આમં અસત્થપરિણયં, મણાસા વિ ન પત્થઅ. .... ૨૩
- તહેવ ફલમંથૂણિ, બીઅમંથૂણિ જાણિઅ;  
 બિહેલગં પિયાલં ચ, આમગં પરિવજ્જઅ. .... ૨૪
- સમુઆણં ચરે ભિક્ખૂ, કુલમુચ્ચાવયં સયા;  
 નીયં કુલમઇક્કમ, ઊસઠં નાભિધારઅ. .... ૨૫

- અદીણો વલ્લભેસિજ્જા, ન વલ્લભેસિજ્જા પંડિએ;  
અમુચ્છિઓ ભોઅણંમિ, માયણણે એસણારએ..... ૨૬
- બહુ પરધરે અત્થિ, વિવિહં ખાઇમં સાઇમં;  
ન તત્થ પંડિઓ કુપ્પે, ઇચ્છા દિજ્જા પરો ન વા. .... ૨૭
- સાસણ વત્થં વા, ભત્ત પાણં વ સંજએ;  
અદિત્તસ્સ ન કુપ્પિજ્જા, પરચ્છપ્પે વિ અ દીસઓ. .... ૨૮
- ઇત્થં પુરિસં વાવિ, ડહરં વા મહલ્લગં;  
વંદમાણં ન જાઇજ્જા, નો અણં ફરુસં વએ. .... ૨૯
- જે ન વંદે ન સે કુપ્પે, વંદિઓ ન સમુક્કસે;  
એવમન્ને સમાણસ્સ, સામણ્ણમણ્ણિટ્ઠઇ. .... ૩૦
- સિઆ એગઇઓ લહ્હં, લોભેણ વિણિગૂહઇ;  
મામેયં દાઇયં સંતં, દટ્ઠુણં સયમાયએ..... ૩૧
- અત્તટ્ઠા ગુરુઓ લુહ્હો, બહુ પાવં પકુવ્વઇ;  
દુત્તોસઓ અ સો હોઇ, નિવ્વાણં ચ ન ગચ્છઇ..... ૩૨
- સિઆ એગઇઓ લહ્હં, વિવિહં પાણભોઅણં;  
ભદ્દગં ભદ્દગં ભુચ્ચા વિવન્નં વિરસમાહરે. .... ૩૩
- જાણંતુ તા ઇમે સમણા, આયયટ્ઠી અયં મુણ્ણી;  
સતુટ્ઠો સેવએ પંતં, લૂહવિત્તી સુતોસઓ..... ૩૪
- પૂઅણટ્ઠા જસોકામી, માણ સમ્માણકામએ;  
બહુ પસવઇ પાવં, માયાસલ્લં ચ કુવ્વઇ. .... ૩૫

- સુરં વા મેરગં વા વિ, અન્નં વા મજ્જગં રસં;  
 સસક્ખં ન પિભે ભિક્ખૂ, જસં સારક્ખ મપ્પણો. .... ૩૬
- પિયા એગઇઓ તેણો, ન મે કોઇ વિઆણઇ;  
 તસ્સ પસ્સહ દોસાઇં, નિઅડિં ચ સુણેહ મે. .... ૩૭
- વડ્ઢઇ સુંડિઆ તસ્સ, માયામોસં ચ ભિક્ખુણો;  
 અયસો અ અનિવ્વાણં, સયયં ચ અસાહુઆ. .... ૩૮
- નિચ્ચુવ્વિગ્ગો જહા તેણો, અત્તકમ્મેહિં દુમ્મઇ;  
 તારિસો મરણંતે વિ, ન આરાહેઇ સંવરં. .... ૩૯
- આયરિએ નારાહેઇ, સમણે આવિ તારિસે;  
 ગિહત્થાવિ ણં ગરિહંતિ, જેણ જાણંતિ તારિસં. .... ૪૦
- એવં તુ અગુણાપ્પેહી, ગુણાણં ચ વિવજ્જઓ;  
 તારિસો મરણંતે વિ, નારાહેઇ સંવરં. .... ૪૧
- તવં કુવ્વઇ મેહાવી, પણીઅં વજ્જએ રસં;  
 મજ્જપ્પમાય વિરઓ, તવસ્સી અઇઉક્કસો. .... ૪૨
- તસ્સ પસ્સહ કલ્લાણં, અણેગસાહુ પૂઇઅં;  
 વિઉલં અત્થસંજુત્તં, કિત્તઇસ્સં સુણેહ મે. .... ૪૩
- એવં તુ સગુણાપ્પેહી, અગુણાણં ચ વિવજ્જઓ;  
 તારિસો મરણંતે વિ, આરાહેઇ અ સંવરં. .... ૪૪
- આયરિએ આરાહેઇ સમણે આવિ તારિસો;  
 ગિહત્થા વિ ણં પૂયંતિ, જેણ જાણંતિ તારિસં. .... ૪૫

તવતેણે વયતેણે, રૂવતેણે અ જે નરે;	
આચારભાવતેણે અ, કુવ્વઇ દેવકિવ્વિસં. ....	૪૬
લદ્દણ વિ દેવત્તં, ઉવવત્તો દેવકિવ્વિસે;	
તત્થા વિ સે ન યાણાઇ, કિં મે કિચ્ચા ઇમં ફલં. ....	૪૭
તત્તો વિ સે ચઇત્તાણં, લખ્ખિહી એલમૂઅગં;	
નરયં તિરિક્ખજોણિં વા, બોહી જત્થ સુદુલ્લહા. ....	૪૮
એઅં ચ દોસં દટ્ઠૂણં, નાયપુત્તેણ ભાસિઅં;	
અણુમાયં પિ મેહાવી, માયામોસં વિવજ્જએ. ....	૪૯
સિક્ખિઉણ ભિક્ખેસણસોહિં,	
સંજયાણ બુદ્ધાણ સગાસે;	
તત્થ ભિક્ખૂ સુપ્પણિહિઇંદિએ,	
તિવ્વલજ્જગુણવં વિહરિજ્જસિં તિ બેમિ. ....	૫૦

### (૭) મહાચારકથાઘટ્ટન

નાણદંસણસંપત્તં, સંજમે અ તવે રયં;	
ગણિમાગમસંપત્તં, ઉજ્જણમ્મિ સમોસદં. ....	૧
રાયાણો રાયમચ્ચા ય, માહણા અદુવ ખત્તિઆ;	
પુચ્છંતિ નિહુઅપ્પાણો, કહં ભે આચારગોયરો?. ....	૨
તેસિં સો નિહુઓ દૈતો, સવ્વભૂઅસુહાવહો;	
સિક્ખાએ સુસમાઉત્તો, આયક્ખઇ વિઅક્ખણો. ....	૩
હંદિ ધમ્મત્થકામાણં, નિગ્ગંથાણં સુણેહ મે;	
આચારગોઅરં ભીમં, સયલં દુરહિટ્ઠિઅં. ....	૪

- નત્રત્ય એરિસં વુત્તં, જં લોએ પરમદુચ્ચરં;  
 વિઉલટ્ઠાણભાઇસસ, ન ભૂઅં ન ભવિસ્સઇ. .... ૫
- સખુડ્ડગવિઅત્તાણં, વાહિઆણં ચ જે ગુણા;  
 અખંડકુડિઆ કાયવ્વા, તં સુણેહ જહા તહા. .... ૬
- દસ અટ્ઠ ય ઠાણાઇં, જાઇં બાલોહવરજ્જઇ;  
 તત્ય અત્રયરે ઠાણે, નિગ્ગંથત્તાઉ ભસ્સઇ. .... ૭
- વયઇક્કં કાયઇક્કં અકપ્પો ગિહિભાયણં;  
 પલિયકં નિસેજ્જા ય, સિણાણં સોહવજ્જણં. .... ૮
- તત્થિમં પઢમં ઠાણં, મહાવીરેણ દેસિઅં;  
 અહિંસા નિઉણા દિટ્ઠા, સવ્વભૂએસુ સંજમો. .... ૯
- જાવંતિ લોએ પાણા, તસા અદુવ થાવરા;  
 તે જાણમજાણં વા, ન હણે ણો વિ ધાયએ. .... ૧૦
- સવ્વે જીવા વિ ઇચ્છંતિ, જીવિઉં ન મરિજ્જિઉં;  
 તમ્હા પાણવહં ધોરં, નિગ્ગંથા વજ્જયંતિ ણં. .... ૧૧
- અપ્પણટ્ઠા પરટ્ઠા વા, કોહા વા જઇ વા ભયા;  
 હિંસગં ન મુસં બૂઆ, નોવિ અત્રં વયાવએ. .... ૧૨
- મુસાવાઓ ઉ લોગમ્મિ, સવ્વસાહ્હિં ગરિહિઓ;  
 અવિસ્સાઓ; અ ભૂઆણં, તમ્હા મોસં વિવજ્જએ. .... ૧૩
- ચિત્તમંતમચિત્તં વા, અપ્પં વા જઈ વા બહું;  
 દંતસોહણમિત્તં વિ, ઉગ્ગહંસિ અજાઇયા. .... ૧૪

- તં અપ્પણા ન ગિણ્હંતિ, નો વિ ગિણ્હાવએ પરં;  
 અન્ન વા ગિણ્હમાણં પિ, નાણુજાણંતિ સંજયા. .... ૧૫
- અબંભચરિઅં ધોરં, પમાયં દુરહિટ્ઠિઅં;  
 નાયરંતિ મુણી લોએ, ભેઆયયણવજિજણો. .... ૧૬
- મૂલમેયમહમ્મસ્સ, મહાદોસસમુસ્સયં;  
 તમ્હા મેહુણસંસગ્ગં, નિગ્ગંથા વજજયંતિ ણં. .... ૧૭
- બિડ મુબ્ભેઇમં લોણં, તિલ્લં સપ્પિં ચ ફાણિઅં;  
 ન તે સંનિહિમિચ્છંતિ, નાયપુત્તવઓરયા. .... ૧૮
- લોહસ્સેસ અણુફ્ફાસે, મન્ને અન્નયરામવિ;  
 જે સિઆ સન્નિહિં કામે, ગિહી પવ્વઇએ ન સે. .... ૧૯
- જં પિ વત્થં વ પાયં વા, કંબલં પાયપુંછણં;  
 તં પિ સંજમલજજટ્ઠા, ધારંતિ પરિહિંતિ અ. .... ૨૦
- ન સો પરિગ્ગહો વુત્તો, નાયપુત્તેણ તાઇણાં;  
 મુચ્છા પરિગ્ગહો વુત્તો, ઇઇ વુત્તં મહેસિણા. .... ૨૧
- સવ્વત્થુવહિણા બુદ્ધા, સંરૂપ્પણપરિગ્ગહે;  
 અવિ અપ્પણો વિ દેહંમિ, નાયરંતિ મમાઇયં. .... ૨૨
- અહો નિચ્ચં તવો કમ્મં, સવ્વબુદ્ધેહિં વણિણાં;  
 જા ય લજ્જાસમા વિત્તી, એગભત્તં ચ ભોઅણં. .... ૨૩
- સંતિમે સુહુમા પાણા, તસા અદુવ થાવરા;  
 જાઇં રાઓ અપાસંતો, કહમેસણિઅં ચરે?. .... ૨૪

- ઉદઉલ્લં બીઅસંસતં, પાણા નિવડિયા મહિં;  
 દિઆ તાઇં વિવજ્જિજ્જા, રાઓ તત્થ કહં ચરે?. ..... ૨૫
- એઅં ચ દોસં દટ્ઠૂણં, નાયપુત્તેણ ભાસિઅં;  
 સવ્વાહારં ન ભુજંતિ, નિગ્ગંથા રાઇભોઅણં. .... ૨૬
- પુઠ્ઠવિકાયં ન હિંસંતિ, મણસા વયસા કાયસા;  
 તિવિહેણ કરણજોએણ, સંજયા સુસમાહિઆ. .... ૨૭
- પુઠ્ઠવિકાયં વિહિંસંતો હિંસઇ ઉ તયસ્સિએ;  
 તસે અ વિવિહે પાણે, ચક્ખુસે અ અચક્ખુસે. .... ૨૮
- તમ્હા એઅં વિઆણિત્તા, દોસં દુગ્ગઇવડ્ઢણં;  
 પુઠ્ઠવિકાયસમારંભં, જાવજ્જવાઈ વજ્જએ. .... ૨૯
- આઉકાયં ન હિંસંતિ, મણસા વયસા કાયસા;  
 તિવિહેણ કરણજોએણ, સંજયા સુસમાહિઆ. .... ૩૦
- આઉકાયં વિહિંસંતો, હિંસઇ ઉ તયસ્સિએ;  
 તસે અ વિવિહે પાણે, ચક્ખુસે અ અચક્ખુસે. .... ૩૧
- તમ્હા એઅં વિઆણિત્તા, દોસં દુગ્ગઇવડ્ઢણં;  
 આઉકાયસમારંભં, જાવજ્જવાઇ વજ્જએ. .... ૩૨
- જાયતેઅં ન ઇચ્છંતિ, પાવગં જલઇત્તએ;  
 તિક્ખમન્નયરં સત્થં, સવ્વઓ વિ દુરાસયં. .... ૩૩
- પાઇણં પરિણં વા વિ, ઉડ્ઢં અણુદિસામવિ;  
 અહે દાહિણઓ વા વિ, દહે ઉત્તરઓ વિ અ. .... ૩૪



- ભૂઆણમેસમાઘાઓ, હવ્વવાહો ન સંસઓ;  
તં પઇવપયાવટ્ટઠા, સંજયા કિંચિ નારભે. .... ૩૫
- તમ્હા એઅં વિઆણિત્તા, દોસં દુગ્ગઇડ્ઢણં;  
તેઉકાયસમારંભં, જાવજીવાઇ વજજએ. .... ૩૬
- અણિલસ્સ સમારંભં, બુદ્ધા મત્તંતિ તારિસં;  
સાવજજબહુલં ચેઅં, નેઅં તાઇહિ સેવિઅં. .... ૩૭
- તાલિઅંટેણ પત્તેણ, સાહાવિહુઅણેણ વા;  
ન તે વીઇઉમિચ્છંતિ, વેઆવેણિણ વા પરં. .... ૩૮
- જં પિ વત્થં વ પાયં વા, કંબલં પાયપુંછણં;  
ન તે વાયમુઇરંતિ, જયં પરિહરંતિ અ. .... ૩૯
- તમ્હા એઅં વિઆણિત્તા, દોસં દુગ્ગઇ વડ્ઢણં;  
વાઉકાયસમારંભં, જાવજીવાઇ વજજએ. .... ૪૦
- વણસ્સઇં ન હિંસંતિ, મણસા વયસા કાયસા;  
તિવિહેણ કરણજોએણ, સંજયા સુસમાહિઆ. .... ૪૧
- વણસ્સઇં વિહિંસંતો, હિંસઇ ઉ તયસ્સિએ;  
તસે અ વિવિહે પાણે, ચક્ખુસે અ અચક્ખુસે. .... ૪૨
- તમ્હા એઅં વિઆણિત્તા, દોસં દુગ્ગઇવડ્ઢણં;  
વણસ્સઇસમારંભં, જાવજીવાઇ વજજએ. .... ૪૩
- તસકાયં ન હિંસંતિ, મણસા વયસા કાયસા;  
તિવિહેણ કરણજોએણ, સંજયા સુસમાહિઆ. .... ૪૪

- તસકાયં વિહિંસંતો, હિંસઇ ઉ તયસ્સિએ;  
 તસે અ વિવિહે પાણો, ચક્ખુસે અ અચક્ખુસે..... ૪૫
- તમ્હા એઅં વિઆણિત્તા, દોસં દુગ્ગઇ વડ્ઢણં;  
 તસકાયસમારંભં, જાવજ્જવાઇ વજ્જએ. .... ૪૬
- જાઇં ચત્તારિડ્ભુજ્જાઇં, ઇસિણા હારમાઇણિ;  
 તાઇં તુ વિવજ્જંતો, સંજમં અણુપાલએ. .... ૪૭
- પિંડં સિજ્જં ચ વત્થં ચ, ચઉત્થં પાયમેવ ય;  
 અકપ્પિઅં ન ઇચ્છિજ્જા, પડિગાહિજ્જ કપ્પિઅં. .... ૪૮
- જે નિઆગં મમાયંતિ, કીઅ મુદેસિઆહડં;  
 વહં તે સમણુજાણંતિ, ઇઇ વુત્તં મહેસિણા. .... ૪૯
- તમ્હા અસણ પાણાઇં, કીઅ મુદેસિ આહડં;  
 વજ્જયંતિ ઠિઅપ્પાણો, નિગ્ગંથા ધમ્મજ્જવિણો. .... ૫૦
- કંસેસુ કંસપાએસુ, કુંડમોએસુ વા પુણો;  
 ભુજંતો અસણ-પાણાઇં, આયારા પરિભસ્સઇ. .... ૫૧
- સીઓદગ સમારંભે, મત્તધોઅણ છડ્ડણો;  
 જાઇં છિત્તંતિ (છિપ્પંતિ) ભૂઆઇં, દિટ્ઠો તત્થ અસંજમો. ૫૨
- પચ્છાકમ્મં પુરેકમ્મં, સિઆ તત્થ ન કપ્પઇ;  
 એઅમટ્ઠં ન ભુંજંતિ, નિગ્ગંથા ગિહિભાયણો..... ૫૩
- આસંદી પલિઅંકેસુ, મંચમાસાલએસુ વા;  
 અણાયરિઅ મજ્જાણં, આસઇત્તુ સઇત્તુ વા..... ૫૪

- નાસંદી પલિઅંકેસુ, ન નિસિજજા ન પીઢએ;  
 નિગ્ગંઘાડપડિલેહાએ, બુદ્ધવુત્તમહિટ્ઠગા..... ૫૫
- ગંભીરવિજયા એએ, પાણા દુપ્પડિલેહગા;  
 આસંદી પલિઅંકો અ, એઅમટ્ઠં વિવજ્જિઆ. .... ૫૬
- ગોઅરગ્ગપવિટ્ઠસ્સ, નિસિજજા જસ્સ કપ્પઇ;  
 ઇમેરિસમણાયારં, આવજજઇ અબોહિઅં..... ૫૭
- વિવત્તી બંભયેરસ્સ, પાણાણં ચ વહે વહો;  
 વણીમગપડિગ્ઘાઓ, પડિકોહો અગારિણં. .... ૫૮
- અગુત્તી બંભયેરસ્સ, ઇત્થીઓ વા વિ સંકણં;  
 કુસીલવડ્ઢણં ઠાણં, દૂરઓ પરિવજ્જએ..... ૫૯
- તિણ્ણમન્નયરાગસ્સ, નિસિજજા જસ્સ કપ્પઇ;  
 જરાએ અભિભૂઅસ્સ, વાહિઅસ્સ તવસ્સિણો..... ૬૦
- વાહિઓ વા અરોગી વા, સિણાણંજો ઉ પત્થએ;  
 વુક્કંતો હોઇ આયારો, જઢો હવઇ સંજમો. .... ૬૧
- સંતિમે સુહુમા પાણા, ઘસાસુ ભિલુગાસુ અ;  
 જે અ ભિક્ખૂ સિણાયંતો, વિઅડેણુપ્પલાવએ. .... ૬૨
- તમ્હા તે ન સિણાયંતિ, સીએણ ઉસિણેણ વા;  
 જાવજ્જવં વયં ઘોરં, અસિણાણમહિટ્ઠગા..... ૬૩
- સિણાણં અદ્ધુવા કક્કં, લુદ્ધં પઉમગાણિ અ;  
 ગાયસ્સુવ્વટ્ઠણાટ્ઠાએ, નાયરંતિ કયાઇ વિ. .... ૬૪

નગિણસ્સ વા વિ મુંડસ્સ, દીહરોમનહંસિણો;  
 મેહુણા ઉવસંતસ્સ, કિં વિભૂસાઇ કારિઅં?..... ૬૫  
 વિભૂસાવત્તિ અં ભિક્કખૂ, કમ્મં બંધઇ ચિક્કણં;  
 સંસારસાયરે ઘારે, જેણં પડઇ દુરુત્તરે. .... ૬૬  
 વિભૂસાવત્તિઅં ચેઅં, બુદ્ધા મન્નંતિ તારિસં;  
 સાવજ્જબહુલં ચેઅં, નેયં તાઇહિં સેવિઅં. .... ૬૭  
 ખવંતિ અપ્પાણમમોહદંસિણો, તવે રયા સંજમઅજ્જવે ગુણે;  
 ધુણંતિ પાવાઇ, પુરેકડાઇ, નવાઇ પાવાઇ ન તે કરંતિ. ૬૮  
 સઓવસંતા અમમા અકિંચણા,  
 સવિજ્જવિજ્જાણુગયા જસંસિણો;  
 ઉઉપ્પસન્ને વિમલે વ ચંદિમા,  
 સિદ્ધિં વિમાણાઇ ઉવેંતિ તાઇણોઠ ત્તિ બેમિ. .... ૬૯

### (૭) સુવાક્યશુદ્ધિનામાધ્યયન

ચઉણ્હં ખલુ ભાસાણં, પરિસંખાય પન્નવં;  
 દુણ્હં તુ વિણયં સિક્કખે દો ન ભાસિજ્જ સવ્વસો. .... ૧  
 જા અ સચ્ચા અવત્તવ્વા, સચ્ચામોસા અ જા મુસા;  
 જા અ બુદ્ધેહિંહણાઇણા, ન તં ભાસિજ્જ પન્નવં..... ૨  
 અસચ્ચમોસં સચ્ચં ચ, અણવજ્જમકક્કસં;  
 સમુપ્પેહમસંદિદ્ધં, ગિરં ભાસિજ્જ પન્નવં..... ૩  
 એઅં ચ અટ્ઠમન્નં વા, જં તુ નામેઇ સાસયં;  
 સ ભાસં સચ્ચમોસં પિ, તં પિ ધીરો વિવજ્જએ. .... ૪

- વિતહં પિ તહામુત્તિં, જં ગિરં ભાસએ નરો;  
તમ્હા સો પુટ્ઠો પાવેણં, કિં પુણં જો મુસં વએ?..... ૫
- તમ્હા ગચ્છામો વક્રખામો, અમુગં વા હો ભવિસ્સઠ;  
અહં વા ણં કરિસ્સામિ, એસો વા ણં કરિસ્સઠ. .... ૬
- એવમાઇ ઉ જા ભાસા, એસકાલંમિ સંકિયા;  
સંપયાઇઅમટ્ઠે વા, તં પિ ધીરો વિવજ્જએ..... ૭
- અઇઅંમિ અ કાલંમિ, પચ્ચુપ્પત્તમણાગએ;  
જમટ્ઠં તુ ન જાણિજ્જા, એવમેઅં તિ નો વએ. .... ૮
- અઇઅંમિ અ કાલંમિ, પચ્ચુપ્પત્તમણાગએ;  
જત્થ સંકા ભવે તં તુ, એવમેઅં તિ નો વએ..... ૯
- અઇઅંમિ અ કાલંમિ, પચ્ચુપ્પત્ત મણાગએ;  
નિસ્સંકિઅં ભવે જં તુ, એવમેઅં તિ નિદિસે. .... ૧૦
- તહેવ ફરુસા ભાસા ગુરુભૂઓવધાઇણી;  
સચ્ચા વિ સા ન વત્તવ્વા, જઓ પાવસ્સ આગમો. .... ૧૧
- તહેવ કાણં કાણોત્તિં, પંડગં પંડગે ત્તિ વા;  
વાહિઅં વા વિ રોગિત્તિ, તેણં ચોરે ત્તિ નો વએ. .... ૧૨
- એએણાડનેણ અટ્ઠેણં, પરો જેણુવહમ્મઇ;  
આયારભાવદોસન્નુ, ન તં ભાસિજ્જ પત્તવં. .... ૧૩
- તહેવ હોલે ગોલિત્તિ, સાણે વા વસુલિ ત્તિ અ;  
દુમએ દૂહએ વા વિ, નેવં ભાસિજ્જ પત્તવં. .... ૧૪

- અજ્જએ પજ્જએ વા વિ, અમ્મો માઉસિઉત્તિ અ;  
 પિઉસિએ ભાયણિજ્જત્તિ, ધૂએ નત્તુણિઅત્તિ અ. .... ૧૫
- હલે હલિત્તિ અન્નિત્તિ, ભટ્ટે સામિણિ ગોમિણિ;  
 હાલે ગોલે વસુલિત્તિ, ઇત્થિઅં નેવમાલવે. .... ૧૬
- નામધિજ્જેણ ણં બૂઆ, ઇત્થિગુત્તેણ વા પુણો;  
 જહારિહમભિગિજ્જ, આલવિજ્જ લવિજ્જ વા. .... ૧૭
- અજ્જએ પજ્જએ વા વિ, બપ્પો ચુલ્લપિઉ ત્તિ અ;  
 માઉલો ભાઇણિજ્જત્તિ, પુત્તે નત્તુણિઅ ત્તિઅ. .... ૧૮
- હે હો હલિ ત્તિ અન્નિત્તિ, ભટ્ટે સામિઅ ગોમિઅ;  
 હોલ ગોલ વસુલિ ત્તિ, પૂરિસં નેવમાલવે. .... ૧૯
- નામધિજ્જેણ ણંબૂઆ પુરિસગુત્તેણ વા પુણો;  
 જહારિહમભિગિજ્જ, આલવિજ્જ લવિજ્જ વા. .... ૨૦
- પંચિદિઆણ પાણાણં, એસ ઇત્થી અયં પુમં;  
 જાવ ણં ન વિજાણિજ્જ, તાવ જાઇ ત્તિ આલવે. .... ૨૧
- તહેવ માણુસં પસું, પકૂખિં વા વિ સરીસવં;  
 થૂલે પમેઇલે વજ્જે, પાઇમે ત્તિ અ નો વએ. .... ૨૨
- પરિવૂઠ ત્તિ ણં બૂઆ, બૂઆ ઉવચિઅ ત્તિ અ;  
 સંજાએ પીણિએ વા વિ, મહાકાય ત્તિ આલવે. .... ૨૩
- તહેવ ગાઓ દુજ્જાઓ, દમ્મા ગોરહગ ત્તિ અ;  
 વાહિમા રહજોગિ ત્તિ નેવં ભાસિજ્જ પન્નવં. .... ૨૪

- જુવં ગવિત્તિ ણં બૂઆ, ઘેણું રસદય ત્તિ અ;  
 રહસ્સે મહલ્લએ વા વિ, વએ સંવહણિ ત્તિ અ. .... ૨૫
- તહેવ ગંતુમુજ્જાણં, પવ્વયાણિ વણાણિ અ;  
 રુક્ખા મહલ્લ પેહાએ, નેવં ભાસિજ્જ પત્તવં. .... ૨૬
- અલં પાસાયખંભાણં, તોરણાણં ગિહાણ અ;  
 ફલિહગ્ગલનાવાણં, અલં ઉદગદોણિણં. .... ૨૭
- પીઢએ ચંગબેરે અ, નંગલે મઘયં સિઆ;  
 જંતલટ્ઠી વ નાભી વા, ગંડિઆ વ અલં સિઆ. .... ૨૮
- આસણં સયણં જાણં, હુજ્જા વા કિંચુવસ્સએ;  
 ભૂઓવઘાઈણિં ભાસં, નેવં ભાસિજ્જ પત્તવં. .... ૨૯
- તહેવ ગંતુમુજ્જાણં, પવ્વયાણિ વણાણિ અ;  
 રુક્ખા મહલ્લ પેહાએ, એવં ભાસિજ્જ પત્તવં. .... ૩૦
- જાઈમંતા ઈમે રુક્ખા, દીહવટ્ઠા મહાલયા;  
 પયાયસાલા વિડિમા, વએ દરિસણિ ત્તિ અ. .... ૩૧
- તહા ફલાઈં પક્કાઈં, પાયખજ્જાઈનો વએ;  
 વેલોઈયાઈં ટાલાઈં, વેહિમાઈં ત્તિ નો વએ. .... ૩૨
- અસંથડા ઈમે અંબા, બહુનિવ્વડિમા ફલા;  
 વઈજ્જ બહુ સંભૂઆ, ભૂઅરૂવ ત્તિ વા પુણો. .... ૩૩
- તહોસહિઓ પક્કાઓ, નીલિઆઓ છવીઈ અ;  
 લાઈમા ભજ્જિમાઉ ત્તિ, પિહુખજ્જ ત્તિ નો વએ. .... ૩૪

- રૂઢા બહુસંભૂઆ, ધિરા ઓસઢા વિ અ;  
 ગબ્બિઆઓ પસૂઆઓ, સંસારાઉત્તિ આલવે..... ૩૫
- તહેવ સંખડિં નચ્યા, કિચ્યં કજ્જંતિ નો વએ;  
 તેણગં વાવિ વજ્જિઝત્તિ, સુતિત્થિ ત્તિ અ આવગા..... ૩૬
- સંખડિં સંખડિં બૂઆ, પણિઅટ્ઠં તિ તેણગં;  
 બહુસમાણિ તિત્થાણિ, આવગાણં વિઆગરે..... ૩૭
- તહા નઇઓ પુણ્ણાઓ, કાયતિજ્જત્તિ નો વએ;  
 નાવાહિં તારિમાઓત્તિ પાણિપિજ્જત્તિ નો વએ..... ૩૮
- બહુબાહડા અગાહા, બહુસલિલુપ્પિલોદગા;  
 બહુવિત્થડોદગા આવિ, એવં ભાસિજ્જ પન્નવં..... ૩૯
- તહેવ સાવજ્જં જોગં, પરસ્સટ્ઠાએ નિટ્ઠિઠં;  
 કીરમાણં તિ વા નચ્યા, સાવજ્જં નાલવે મુણી..... ૪૦
- સુકડિત્તિ સુપકકિત્તિ, સુચ્છિન્ને સુહડે મડે;  
 સુનિટ્ઠિઠં સુલટ્ઠિઠત્તિ, સાવજ્જં વજ્જએ મુણી..... ૪૧
- પયત્તપકક ત્તિ વ પકકમાલવે, પયત્તછિન્નત્તિ વ છિન્નમાલવે;  
 પયત્તલટ્ઠત્તિ વ કમ્મહેઉઅં, પહારગાઢત્તિ વ ગાઢમાલવે. ૪૨
- સવ્વુક્કસં પરઘં વા, અઉલં નત્થિ એરિસં;  
 અવિક્કિઅમવત્તવ્વં, અવિઅત્તં ચેવ નો વએ..... ૪૩
- સવ્વમેઅં વઇસ્સામિ, સવ્વમેઅં તિ નો વએ;  
 અણુવીઇ સવ્વં સવ્વત્થ, એવં ભાસિજ્જ પન્નવં..... ૪૪



- સુક્કીઅં વા સુવિક્કીઅં, અકિજ્જં કિજ્જમેવ વા;  
 ઇમં ગિણ્ણહ ઇમં મુચ, પણીયં નો વિઆગરે. .... ૪૫
- અપ્પગ્ઘે વા, મહગ્ઘેવા, કએ વા વિક્કએ વિ વા;  
 પણિઅટ્ઠે સમુપ્પન્ને, અણવજ્જં વિઆગરે. .... ૪૬
- તહેવાસંજયં ધીરો આસ એહિ કરેહિ વા;  
 સય ચિટ્ઠ વયાહિત્તિ, નેવં ભાસિજ્જ પન્નવં. .... ૪૭
- બહવે ઇમે અસાહુ, લોએ વુચ્ચંતિ સાહુણો;  
 ન લવે અસાહું સાહુત્તિ, સાહું સાહુત્તિ આલવે. .... ૪૭
- નાણદંસણ સંપન્નં, સંજમે અ તવે રયં;  
 એવં ગુણસમાઉત્તં, સંજયં સાહુમાલવે. .... ૪૮
- દેવાણં મણુઆણં ચ, તિરિઆણં ચ વુગ્ગહે;  
 અમુગાણં જઓ હોઉ, મા વા હોઉત્તિ નો વએ. .... ૫૦
- વાઓ વુટ્ઠં ચ સીઉણ્ણહં, ખેમં ધાયં સિવંતિ વા;  
 કયાણુ હુજ્જ એઆણિ? મા વા હોઉ ત્તિ નો વએ. .... ૫૧
- તહેવ મેહં વ નહં વ માણવં, ન દેવદેવત્તિ ગિરં વઇજ્જા;  
 સમુચ્છિએ ઉત્તએ વા પઓએ, વઇજ્જ વા વુટ્ઠ બલાહયેત્તિ. ૫૨
- અંતલિક્ખત્તિ ણં બૂઆ, ગુજ્જાણુચરિઅત્તિ અ;  
 રિદ્ધિમંતં નરં દિસ્સ, રિદ્ધિમંતં તિ આલવે. .... ૫૩
- તહેવ સાવજ્જણુમોઅણી ગિરા, ઓહારિણી જા ય પરોવઘાઇણી;  
 સે કોહ લોહ ભય હાસ માણવો, ન હાસમાણો વિ ગિરં વઇજ્જા. ૫૪

સુવક્કસુદ્ધિ સમુપેહિઆ મુણી, ગિરં ચ દુટ્ઠં પરિવજ્જએ સયા;  
 મિઅં અદુટ્ઠં અણુવીઇ ભાસએ, સયાણ મજ્જે લહઇ પસંસણં. ૫૫  
 ભાસાઇ દેસે અ ગુણે અ જાણિઆ, તીસે અ દુટ્ઠે પરિવજ્જએ સયા;  
 છસુ સંજએ સામણિએ સયા જએ, વઇજ્જ બુદ્ધે હિઆણુલોમિઅં. ૫૬  
 પરિક્ખભાસી સુસમાહિઇંદિએ; ચઉક્કસાયાવગએ અણિસ્સિએ;  
 સ નિદ્ધણે ધુતમલં પુરેકકં, આરાહએ લોગમિણં તહા પરંઠ તિભેમિ. ૫૭

### (૮) આચાર પ્રણિધિનામાધ્યયન

આચારપ્પણિહિં, લહ્ઠં જહા કાયવ્વ ત્તિક્ખુણા;  
 તં ભે ઉદાહરિસ્સામિ, આણુપુવ્વિં સુણેહ મે..... ૧  
 પુઠવીદગઅગણિ મારુઅ, તણરુક્ખસબીયગા;  
 તસા અ પાણા જીવત્તિ, ઇઇવુત્તં મહેસિણા..... ૨  
 તેસિં અચ્છણજોએણ, નિચ્ચં હોઅવ્વયં સિઆ;  
 મણસા કાયવક્કેણં, એવં હવઇ સંજએ..... ૩  
 પુઠવિં ત્તિત્તિં સિલં લેલું, નેવ ત્તિદે ન સંલિહે;  
 તિવિહેણ કરણજોએણ, સંજએ સુસમાહિએ..... ૪  
 સુદ્ધપુઠવિએ ન નિસીએ, સસરક્ખંમિ અ આસણે;  
 પમજ્જિત્તુ નિસીઇજ્જા, જાઇત્તા જસ્સ ઉગ્ગહં..... ૫  
 સીઓદગં સેવિજ્જા, સિલાવુટ્ઠં હિમાણિ અ;  
 ઉસિણોદગં તત્તઝાસુઅં, પડિગાહિજ્જ સંજએ..... ૬  
 ઉદઉલ્લં અપ્પણો કાયં, નેવ પુછે ન સંલિહે;  
 સમુપ્પેહ તહાભૂઅં, નો ણં સંઘટ્ટએ મુણી..... ૭

- ઇંગાલં અગણિં અચ્ચિં, અલાયં વા સજોઇઅં;  
 ન ઉંજિજજા ન ઘટ્ટિજજા, નો ઇં નિવ્વાવએ મુણી. .... ૮  
 તાલિઅંટેણ પત્તેણ, સાહાએ વિહુયણેણ વા;  
 ન વીઇજજા અપ્પણો કાયં, બાહિરં વા વિ પુગ્ગલં. .... ૯  
 તણરુકૂખં ન છિંદિજજા, ફલં મૂલં ચ કસ્સ ઇ;  
 આમગં વિવિહં બીઅં, મણસા વિ ન પત્થએ. .... ૧૦  
 ગહણેસુ ન ચિટ્ટિજજા, બીએસુ હરિએસુ વા;  
 ઉદ્દગંમિ તહા નિચ્ચં, ઉત્તિંગપણગેસુ વા. .... ૧૧  
 તસે પાણે ન હિંસિજજા, વાયા અદ્દુવ કમ્મુણા;  
 ઉવરઓ સવ્વ ભૂએસુ, પાસેજજા વિવિહં જગં. .... ૧૨  
 અટ્ઠ સુહુમાઇ પેહાએ, જાઇં જાણિત્તુ સંજએ;  
 દયાહિગારી ભૂએસુ, આસ ચિટ્ઠ સએહિ વા. .... ૧૩  
 કયરાઇં અટ્ઠ સુહુમાઇં, જાઇં પુચ્છિજજા સંજએ;  
 ઇમાઇં તાઇં મેહાવી, આઇ ખિજજા વિઅકૂખણે. .... ૧૪  
 સિણેહં પુફ્ફસુહુમં ચ, પાણુત્તિંગં તહેવ ય;  
 પણગં બીઅહરિઅં ચ, અંડસુહુમં ચ અટ્ઠમં. .... ૧૫  
 એવમેઆણિ જાણિત્તા, સવ્વભાવેણ સંજએ;  
 અપ્પમત્તો જએ નિચ્ચં, સવ્વિંદિઅસમાહિએ. .... ૧૬  
 ધુવં ચ પડિલેહિજજા, જોગસા પાયકંબલં;  
 સિજજામુચ્ચારભૂમિં ચ, સંથારં અદ્દુવાસણં. .... ૧૭

- ઉચ્ચારં પાસવણં; ખેલં સિંઘાણજલ્લિઅં;  
 ફાસુઅં પડિલેહિતા, પરિટ્ઠાવિજ્જ સંજએ. .... ૧૮
- પવિસિત્તુ પરાગારં, પાણટ્ઠા ભોઅણસ્સ વા,  
 જયં ચિટ્ઠે મિઅં ભાસે, ન ય રૂવેસુ મણં કરે. .... ૧૯
- બહું સુણોહિ કન્નેહિં, બહું અચ્છીહિં પિચ્છઇ;  
 ન ય દિટ્ઠં સુઅં સવ્વં, ભિક્ખૂ અક્ખાઉમરિહઇ. .... ૨૦
- સુઅં વા જઇ વા દિટ્ઠં ન લવિજ્જોવઘાઇઅં;  
 ન ય કેણ ઉવાએણં, ગિહિજ્જોગં સમાયરે. .... ૨૧
- નિટ્ઠાણં રસનિજ્જૂઠં, ભદ્દગં પાવગંતિ વા;  
 પુટ્ઠો વા વિ અપુટ્ઠો વા, લાભાલાભં ન નિદ્ધિસે. .... ૨૨
- ન ય ભોઅણંમિ ગિદ્ધો, ચરે ઉંછં અયંપિરો;  
 અફાસુઅં ન ભુંજિજ્જા, કીય મુદ્દેસિઆહડં. .... ૨૩
- સંનિહિં ચ ન કુવ્વિજ્જા, અણુમાયં પિ સંજએ;  
 મુહાજ્જવી અસંબદ્ધે, હવિજ્જ જગનિસ્સિએ. .... ૨૪
- લૂહવિત્તો સુસંતુટ્ઠે અપ્પિચ્છે સુહરે સિઆ;  
 આસુરત્તં ન ગચ્છિજ્જા, સુચ્ચા ણં જિણ સાસણં. .... ૨૫
- કન્નસુક્ખેહિં સદેહિં, પેમં નાભિનિવેસએ;  
 દારુણં કક્કસં ફાસં, કાએણ અહિઆસએ. .... ૨૬
- ખુહં પિવાસં દુસ્સિજ્જં, સીઉણહં અરઇં ભયં;  
 અહિઆસે અવહિઓ, દેહદુક્ખં મહાફલં. .... ૨૭

અત્યંગયંમિ આઇચ્યે, પુરત્યા અ અણુગ્ગએ;	
આહાર માઇયં સવ્વં, મણસાવિ ન પત્યએ. ....	૨૮
અતિંતિણે અચવલે, અપ્પભાસી મિઆસણે;	
હવિજ્જ ઉઅરે દંતે, થોવં લહ્હું ન ખિંસએ. ....	૨૯
ન બાહિરં પરિભવે, અતાણં ન સમુક્કસે;	
સુઅલાભે ન મજ્જિજ્જા, જચ્યા, તવસ્સિબુદ્ધિએ. ....	૩૦
સે જાણમજાણં વા, કટ્ટુ, આહમ્મિઅં પયં;	
સંવરે ખિપ્પમપ્પાણં, બીઅં તં ન સમાયરે. ....	૩૧
અણાપારં પરક્કમ્મ, નેવ ગૂહે ન નિન્હવે;	
સુઇ સયા વિયડભાવે, અસંસત્તે જિઇંદિએ. ....	૩૨
અમોહં વયણં કુજ્જા, આયરિઅસ્સ મહપ્પણો;	
તં પરિગિજ્જા વાયાએ, કમ્મુણા ઉવવાયએ. ....	૩૩
અધુવં જીવિઅં નચ્યા, સિદ્ધિમગ્ગં વિઆણિઆ;	
વિણિઅટ્ટિજ્જ ભોગેસુ, આઉં પરિમિઅમપ્પણો. ....	૩૪
બલં થામં ચ પેહાએ, સદ્દામારુગ્ગમપ્પણો;	
ખિત્તં કાલં ચ વિનાય, તહપ્પાણં નિજ્જુંજએ. ....	૩૫
જરા જાવ ન પીડેઇ, વાહી જાવ ન વડ્ઢઇ;	
જાવિંદિઆ ન હાપંતિ, તાવ ધમ્મં સમાયરે. ....	૩૬
કોહં માણં ચ માયં ચ લોભં ચ, પાવવડ્ઢણ;	
વમે ચત્તારિ દોસે ઉ, ઇચ્છંતો હિઅમપ્પણો. ....	૩૭

- કોહો પીંપણાસેઇ, માણો વિણયનાસણો;  
 માયા મિત્તાણિ નાસેઇ, લોભો સવ્વવિણાસણો. .... ૩૮
- ઉવસમેણ હણે કોહં, માણં મદવયા જિણે;  
 માયં ચજજવભાવેણ, લોભં સંતોસઓ જિણે. .... ૩૯
- કોહો અ માણો અ અણિગ્ગહીઆ,  
 માયા અ લોભો અ પવ્વડ્ઢમાણા;  
 ચત્તારિ એએ કસિણા કસાયા,  
 સિંચન્તિ મૂલાઇં પુણબ્ભવસ્સ. .... ૪૦
- રાયણિએસુ વિણયં પઉંજે, ધુવસીલયં સયયં ન હાવઇજજા;  
 કુમ્મુવ્વ અલ્લીણાપલીણાગુત્તો, પરક્કમિજજા તવસંજમંમિ. ૪૧
- નિદં ચ ન બહુ મન્નિજજા, સપ્પહાસં વિવજજએ;  
 મિહો કહાહિં ન રમે, સજ્જાયાંમિ રઓ સયા. .... ૪૨
- જોગ ચ સમણાધમ્મમ્મિ, જુંજે અણાલસો ધુવં;  
 જુત્તો અ સમણાધમ્મમ્મિ, અટ્ઠં લહઇ અણુત્તરં. .... ૪૩
- ઇહલોગપારત્તહિઅં, જેણ ગચ્છઇ; સુગ્ગઇં,  
 બહુસ્સુઅં પજ્જુવા સિજ્જા, પુચ્છિજ્જત્થવિણિચ્છયં. .... ૪૪
- હત્થં પાયં ચ કાયં ચ, પણિહાય જિઇંદિએ;  
 અલ્લીણાગુત્તો નિસિએ, સગાસે ગુરુણો મુણી. .... ૪૫
- ન પક્ખઓ ન પુરઓ, નેવ કિચ્ચાણા પિટ્ઠઓ;  
 ન ય ઉરું સમાસિજ્જ, ચિટ્ઠિજ્જા ગુરુણંતિએ. .... ૪૬

- અપુચ્છિઓ ન ભાસિજજા, ભાસમાણસ્સ અંતરા;  
 પિટ્ઠિમંસં ન ખાઇજજા, માયામોસં વિવજજાએ. .... ૪૭
- અપ્પત્તિઅં જેણા સિઆ, આસુ કુપ્પિજજા વા પરો;  
 સવ્વસો તંન ભાસિજજા, ભાસં અહિઅ ગામિણિં. .... ૪૮
- દિટ્ઠં મિઅં અસંદિદ્ધં, પડિપુત્તં વિઅં જિઅં;  
 અયંપિરમણુવ્વિગ્ગં, ભાસં નિસિર અત્તવં. .... ૪૯
- આયારપત્તિધરં, દિટ્ઠિવાયમહિજજાગં;  
 વાયવિક્ખલિઅં નચ્ચા, નતં ઉવહસે મુણી. .... ૫૦
- નક્ખત્તં સુમિણં જોગં, નિમિત્તં મંતભેસજં;  
 ગિહિણો તં ન આઇક્ખે, ભૂઆહિગરણં પયં. .... ૫૧
- અન્નટ્ઠં પગડં લયણં, ભઇજજા સયણાસણં;  
 ઉચ્ચારભૂમિ સંપન્નં ઇત્થીપસુવિવજ્જિઅં. .... ૫૨
- વિવિત્તા અ ભવે સિજજા, નારીણં ન લવે કહં;  
 ગિહિસંથવં ન કુજજા, કુજજા સાહૂહિં સંથવં. .... ૫૩
- જહા કુક્કુડપોઅસ્સ, નિચ્ચં કુલલઓ ભયં;  
 એવં ખુ બંભયારિસ્સ, ઇત્થીવિગ્ગહઓ ભયં. .... ૫૪
- ચિત્તભિત્તિં ન નિજ્જાએ, નારિં વા સુઅલંકિઅં,  
 ભક્ખરં પિવ દટ્ઠૂણં, દિટ્ઠિં પડિસમાહરે. .... ૫૫
- હત્થપાયપડિચ્છિત્તં, કન્નનાસવિગપ્પિઅં;  
 અવિ વાસસયં નારિં, બંભયારી વિવજજાએ. .... ૫૬

- વિભૂસા ઇત્થિસંસગ્ગો, પણીઅં રસભોઅણં,  
 નરસ્સત્તગવેસિસ્સ વિસં તાલઉડં જહા. .... ૫૭
- અંગપચ્ચંગસંઠાણં, ચારુલ્લવિઅપેહિઅં;  
 ઇત્થીણં તં ન નિજ્જાએ, કામરાગવિવડ્ઢણં. .... ૫૮
- વિસએસુ મણુન્નેસુ, પેમં નાત્તિનિવેસએ;  
 અણિચ્ચં તેસિં વિન્નાય, પરિણામં પુગ્ગલાણ ય. .... ૫૯
- પોગ્ગલાણં પરિણામં, તેસિં નચ્ચા જહા તહા;  
 વિણીઅતણહો વિહરે, સીઇભૂએણ અપ્પણા. .... ૬૦
- જાઇ સદ્દાઇ નિક્ખંતો, પરિઆયટ્ઠાણામુત્તમં;  
 તમેવ અણુપાલિજ્જા, ગુણો આયરિઅસંમએ. .... ૬૧
- તવં ચિમં સંજમજોગયં ચ,  
 સજ્જાયજોગં ચ સયા અહિટ્ઠિઠએ;  
 સુરે વ સેણાઇ સમત્તમાઉહે,  
 અલમપ્પણો હોઇ અલં પરેસિં. .... ૬૨
- સજ્જાય સજ્જાણરયસ્સ તાઇણો,  
 અપાવભાવસ્સ; તવે રયસ્સ;  
 વિસુજ્જઇ જં સિ મલં પુરેકકં,  
 સમીરિઅં રુપ્પમલં વ જોઇણા. .... ૬૩
- સે તારિસે દુક્ખસહે જિઇંદિએ,  
 સુએણ જુત્તે અમમે અકિંચણે;  
 વિરાયઇ કમ્મઘણંમિ અવગએ,  
 કસિણબ્ભપુડાવગમે વ ચંદિમેઠ તિભેમિ. .... ૬૪



## (૯) વિનયસમાધિનામાઘ્યચન (પ્રથમ ઉદ્દેશઃ)

થંભા વ કોહા વ મયપ્પમાયા, ગુરુસ્સગાસે વિણયં ન સિક્ખે;  
 સો ચેવ ઉ તસ્સ અભૂઠભાવો, ફલં વ કીઅસ્સ વહાય હોઈ.૧  
 જે આવિ મંદિત્તિ, ગુરું વિહત્તા, ડહરે ઇમે અપ્પસુઅત્તિ નચ્ચા;  
 હીલંતિ મિચ્છં પડિવજ્જમાણા, કરંતિ આસાયણ તે ગુરુણં.૨  
 પગઈઈ મંદઘ વિ ભવંતિ એગે, ડહરા વિ અ જે સુઅબુદ્ધોવવેઆ;  
 આયારમંતા ગુણસુટ્ઠિઅપ્પા, જે હીલિઆ સિહિરિવ ભાસ કુજ્જા. ૩  
 જે આવિ નાગં ડહરંતિ નચ્ચા, આસાયએ સે અહિઆય હોઈ;  
 એવાયરિઅં પિ હુ હીલયંતો, નિઅચ્છઈ જાઈપહં ખુ મંદો.૪  
 આસિવિસો વા વિ પરં સુરુટ્ઠો, કિં જીવનાસાઉ પરં નુ કુજ્જા;  
 આયરિઅપાયા પુણ અપ્પસન્ના,અબોહિઆસાયણ નત્થિ મુક્ખો. ૫  
 જો પાવગં જલિઅમવક્કમિજ્જા, આસીવિસં વા વિ હુ કોવઈજ્જા;  
 જો વા વિસં ખાયઈ જીવિઅટ્ઠી,એસોવ માસાયણયા ગુરુણં.૬  
 સિયા હુ સે પાવય નો ડહેજ્જા, આસીવિસો વા કુવિઓ ન ભક્ખે;  
 સિયા વિસં હાલહલં ન મારે, ન યાવિ મોક્ખો ગુરુહીલણાએ.૭  
 જો પવ્વયં સિરસા ભેત્તુમિચ્છે, સુતં વ સીહં પડિબોહઈજ્જા,  
 જો વા દએ સત્તિઅગ્ગે પહારં, એસોવમાસાયણયા ગુરુણં. ૮  
 સિયા હુ સીસેણ ગિરિં પિ ભિન્દે, સિયા હુ સીહો કુવિઓ ન ભક્ખે;  
 સિયા ન ભિન્દિજ્જા વ સત્તિઅગ્ગં, ન યાવિ મોક્ખો ગુરુહીલણાએ.૯  
 આયરિયપાયા પુણ અપ્પસન્ના, અબોહિઆસાયણ નત્થિ મુક્ખો;  
 તમ્હા અણાબાહસુહાભિકંખી, ગુરુપ્પસાયાભિમુહો રમિજ્જા.૧૦

જહાહિઅગ્ગી જલણં નમંસે, નાણાહુઇમન્તપયાભિસિતં;  
 એવાયરિયં ઉવચિટ્ટઠજજા; અણન્તનાણોવગઓ વિ સન્તો. ૧૧  
 જસ્સન્તિએ ધમ્મપયાઇં સિક્ખે, તસ્સન્તિએ વેણઇયં પઉંજે;  
 સક્કારએ સિરસા પંજલીઓ, કાયગિરા ભો મણસા ય નિચ્ચં. ૧૨  
 લજજા દયા સંજમ બંભચેરં, કલ્લાણાભાગિસ્સ વિસોહિઠાણં;  
 જે મે ગુરૂ સયયમણુસાસયન્તિ, તેહહં ગુરૂં સયયં પૂયયામિ. ૧૩  
 જહા નિસન્તે તવણચ્ચિમાલી, પભાસઇ કેવલભારહં તુ;  
 એવાયરિઓ સુયસીલ બુદ્ધિએ, વિરાયઇ સુરમજ્જે વ ઇંદો. ૧૪  
 જહા સસી કોમુઇ જોગજુત્તો, નક્ખત્તતારાગણપરિવુડપ્પા,  
 ખે સોહઇ વિમલે અબ્ભમુક્કે, એવં ગણી સોહઇ ભિક્ખુમજ્જે. ૧૫  
 મહાગરા આયરિયા મહેસી, સમાહિજોગે સુયસીલબુદ્ધિએ;  
 સમ્પાવિઉકામે અણુત્તરાઇં, આરાહએ તોસઇ ધમ્મકામી. ૧૬  
 સોચ્ચાણ મેહાવિસુભાસિયાઇં, સુસ્સુસએ આયરીઅપ્પમત્તો;  
 આરાહઇતાણગુણે અણોગે, સે પાવઇ સિદ્ધિમણુત્તરંઉત્તિભેમિ. ૧૭

### (વિનયસમાઘ્યઘ્યયને દ્વિતીય ઉદ્દેશઃ)

મૂલાઉ ખન્ધપ્પભવો દુમસ્સ, ખન્ધાઉ પચ્છા સમુવેન્તિ સાહા;  
 સાહપ્પસાહા વિરુહન્તિ પત્તા, તઓ સે પુર્ફં ચ ફલં રસો ય. ૧  
 એવં ધમ્મસ્સ વિણઓ, મુલં પરમો સે મુક્ખો;  
 જેણ કિત્તિં સુઅં સિગ્ઘં, નીસેસં ચાભિગચ્છઇ. .... ૨  
 જે ય ચણ્ડે મિએ થદ્દે, દુવ્વાઇ નિયડી સઢે;  
 વુજ્જઇ સે અવિણીયપ્પા, કટ્ટં સોયગયં જહા. .... ૩

- વિણયં પિ જો ઉવાએણં, ચોઇઓ કુપ્પઇ નરો;  
દિવ્વં સો સિરિમિજ્જન્તિં, દંડેણ પડિસેહએ. .... ૪
- તહેવ અવિણીઅપ્પા, ઉવવજ્જા હયા ગયા;  
દીસન્તિ દુહમેહન્તા, આભિઓગમુવટ્ઠિયા. .... ૫
- તહેવ સુવિણીઅપ્પા, ઉવવજ્જા હયા ગયા;  
દીસન્તિ સુહમેહન્તા, ઇડ્ઠિં પત્તા મહાયસા. .... ૬
- તહેવ અવિણીઅપ્પા, લોગંસિ નરનારિઓ;  
દીસન્તિ દુહમેહન્તા, છાયા વિગલિતેન્દિયા. .... ૭
- દણ્ડસત્થપરિજુણ્ણા, અસબ્ભવયણોહિ ય;  
કલુણા વિવન્નછન્દા, ખુપ્પિવાસાપરિગયા. .... ૮
- તહેવ સુવિણીઅપ્પા, લોગંસિ નરનારિઓ;  
દિસન્તિ સુહમેહન્તા, ઇડ્ઠિં પત્તા મહાયસા. .... ૯
- તહેવ અવિણીઅપ્પા, દેવા જક્ખા ય ગુજ્જગા;  
દીસન્તિ દુહમેહન્તા, આભિઓગ મુવિટ્ઠિઆ. .... ૧૦
- તહેવ સુવિણીઅપ્પા, દેવા જક્ખા અ ગુજ્જગા;  
દિસન્તિ સુહમેહન્તા, ઇડ્ઠિં પત્તા મહાયસા. .... ૧૧
- જે આયરિય ઉવજ્જાયાણં, સુસ્સુસા વયણંકરા;  
તેસિં સિક્ખા પવડ્ઢન્તિ, જલસિત્તા ઇવ પાયવા. .... ૧૨
- અપ્પણટ્ઠા પરટ્ઠા વા, સિપ્પા નેઉણિયાણિ ય;  
ગિહિણો ઉવભોગટ્ઠા, ઇહ લોગસ્સ કારણા. .... ૧૩

જેણે બન્ધં વહં ઘોરં, પરિઆવં ચ દારુણં;  
 સિક્ષમાણા નિચચ્છન્તિ, જુતા તે લલિઇન્દિઆ. .... ૧૪  
 તેઠવિ તં ગુરું પૂયન્તિ, તસ્સ સિખ્પસ્સ કારણા;  
 સક્કારેન્તિ, નમંસન્તિ તુટ્ઠા નિદેસવત્તિણો. .... ૧૫  
 કિં પુણ જે સુઅગ્ગાહી, અણન્તલિયકામએ;  
 આયરિયા જં વએ ભિક્ષૂ, તમ્હા તં નાઇવિત્તએ. .... ૧૬  
 નીઅં સેજ્જં ગઇં ઠાણં, નીયં ચ આસણાણિ ય;  
 નીયં ચ પાએ વંદિજ્જા, નીયં કુજ્જા ય અંજલિં. .... ૧૭  
 સંઘટ્ટઇત્તા કાએણં, તહા ઉવલિણામવિ;  
 ખમેહ અવરાહં મે, વઇજ્જ ન પુણત્તિ અ. .... ૧૮  
 દુગ્ગઓ વા પઓએણં, ચોઇઓ વહઇ રહં;  
 એવં દુબુદ્ધિ કિચ્ચાણં, વુત્તો વુત્તો પકુવ્વઇ. .... ૧૯  
 (આલવંતે લવંતે વા, ન નિસિજ્જાઇ પડિસ્સુણે;  
 મુત્તૂણં આસણં ધીરો, સુસ્સૂસાએ પડિસ્સુણે)  
 કાલં છંદોવયારં ચ, પડિલેહિત્તાણ હેઉહિં;  
 તેણં તેણં ઉવાએણં, તં તં સંપડિવાયએ. .... ૨૦  
 વિવત્તી અવિણીયસ્સ, સમ્પત્તી વિણિયસ્સ અ;  
 જસ્સેયં દુહઓ નાયં, સિક્ષખં સે અભિગચ્છઇ. .... ૨૧  
 જે આવિ ચણ્ઠે મઇ ઇડ્ઠિઠે ગારવે,  
 પિસુણે નરે સાહસ હીણોપંસણે;

અદિટ્ઠધમ્મે વિણએ અકોવિએ,  
 અસંવિભાગી ન હુ તસ્સ મુક્ખો. .... ૨૨  
 નિદેસવત્તી પુણ જે ગુરૂણાં,  
 સૂયત્થ ધમ્મા વિણયમ્મિ કોવિયા;  
 તરિત્તુ તે ઓહમિણાં દુરુત્તરં,  
 ખવિત્તુ કમ્મં ગઇમુત્તમં ગયંતિ ભેમિ. .... ૨૩

### (વિનયસમાધ્યયનને તૃતીય ઉદ્દેશઃ)

આયરિયં અગ્ગિમિવાહિઅગ્ગી, સુસ્સુસમાણો પડિજાગરિજ્જા;  
 આલોઘયં ઇંગિઅમેવ નચ્ચા, જો ઇંદમારાહયઇ સ પુજ્જો. ૧  
 આયારમટ્ઠા વિણયં પઉંજે, સુસ્સુસમાણો પરિગિજ્જા વક્કં;  
 જહોવઇટ્ઠં અભિકંખમાણો, ગુરું તુ નાસાયયઇ સ પુજ્જો. ૨  
 રાઇણિએસુ વિણયં પઉંજે, ડહરા વિ ય જે પરિયાય જેટ્ઠા,  
 નિયત્તણે વટ્ઠઇ સચ્ચવાઇ, ઓવાયવં વક્કકરે સ પુજ્જો. ૩  
 અત્તાયઉંઇં ચરઇ વિસુહ્ધં, જવણાટ્ઠયા સમુયાણં ચ નિચ્ચં;  
 અલહ્ધયં નો પરિદેવએજ્જા, લહ્ધં ન વિકત્થયઇ સ પુજ્જો. ૪  
 સંથાર સેજ્જા સણ ભત્તપાણે, અપ્પિચ્છયા અઇલાભે વિ સન્તે;  
 જો એવમપ્પાણાભિતોસએજ્જા, સંતોસ પાહન રએ સ પુજ્જો. ૫  
 સક્કા સહેઉં આસાઇ કંટયા, અઓમયા ઉચ્છહયા નરેણાં;  
 અણાસએ જો ઉ સહેજ્જા કંટએ, વઇમએ કણ્ણસરે સ પુજ્જો. ૬  
 મુહુત્ત દુક્ખા ઉ હવન્તિ કંટયા, અઓમયા તે વિ તઓ સુઉદ્ધરા;  
 વાયાદુરુત્તાણિ દુરુદ્ધરાણિ, વેરાણુબન્ધીણિ મહબ્ભયાણિ. ૭

સમાવયન્તા વયણાભિધાયા, કણ્ણંગયા દુમ્મણિયં જણન્તિ;  
ધમ્મો ત્તિ કિચ્ચા પરમગ્ગસૂરે, જિંહન્દિએ જો સહઇ સ પુજ્જો. ૮

અવણ્ણવાયં ચ પરમ્મુહસ્સ,  
પચ્ચકૂખઓ પડિણીયં ચ ભાસં;  
ઓહારણિં અપ્પિયકારિણિં ચ,  
ભાસં ન ભાસેજ્જ સયા સ પુજ્જો..... ૯

અલોલુએ અક્કુહએ અમાઇ,  
અપિસુણો યાવિ અદીણાવિત્તી;  
નો ભાવએ નો વિય ભાવિયપ્પા,  
અકોઉહલ્લે ય સયા સ પુજ્જો..... ૧૦

ગુણોહિ સાહૂ અગુણોહિહસાહૂ,  
ગેણહાહિ સાહુગુણ મુંચહસાહૂ;  
વિયાણિયા અપ્પગમપ્પએણં,  
જો રાગદોસેહિ સમો સ પુજ્જો. .... ૧૧

તહેવ ડહરં વ મહલ્લગં વા,  
ઇત્થીં પુમં પવ્વઇયં ગિહિં વા;  
નો હીલએ નોડવિ ય ખિંસએજ્જા,  
થંભં ચ કોહં ચ ચએ સ પુજ્જો. .... ૧૨

જે માણિયા સયયં માણયંતિ, તેણ કનં વ નિવેસયંતિ;  
તે માણએ માણરિહે તવસ્સી, જિંહંદિએ સચ્ચરએ સ પુજ્જો. ૧૩  
તેસિં ગુરુણં ગુણસાયરાણં, સોચ્ચા ણ મેહાવી સુભાસિયાઇં;  
ચરે મુણી પંચ રએ તિગુત્તો, ચઉક્કસાયાવગએ સ પુજ્જો. ૧૪

ગુરુમિહ સયયં પડિયરિય મુણી, જિણમયનિઉણે અભિગમ કુસલે;  
ધુણિય રયમલં પુરેકડં, ભાસુર મઉલં ગઇં ગય૦ તિબેમિ.૧૫

### (વિનયસમાધ્યધ્યયને ચતુર્થ ઉદ્દેશઃ)

સુયં મે આઉસં! તેણં ભગવયા એવમક્રખાયં, ઇહ ખલુ  
થેરેહિં ભગવંતેહિં ચત્તારિ વિણય સમાહિટ્ઠાણા પત્તતા, કયરે  
ખલુ તે થેરેહિં ભગવંતેહિં ચત્તારિ વિણય સમાહિટ્ઠાણા  
પત્તતા? ઇમે ખલુ તે થેરેહિં ભગવંતેહિં ચત્તારિ  
વિણયસમાહિટ્ઠાણા પત્તતા, તં જહા-વિણય સમાહી, સુય  
સમાહી, તવસમાહી, આયારસમાહી૦

વિણએ સુએ અ તવે, આયારે નિચ્ચ પંડિયા;

અભિરામયંતિ અપ્પાણં, જે ભવંતિ જિંઈદિયા ..... ૧

ચઉવ્વિહા ખલુ વિણયસમાહી ભવઇ, તં જહા-  
અણુસાસિજ્જંતો સુસ્સૂસઇ (૧) સમ્મં સંપડિવજ્જઇ (૨)  
વેયમારાહઇ (૩) ન ય ભવઇ અત્તસંપગ્ગહિએ (૪) ચઉત્થં  
પયં ભવઇ, ભવઇ ય ઇત્થ સિલોગો

પેહેઈ હિયાણુસાસણં, સુસ્સૂસઇ તં ચ પુણો અહિટ્ઠિઠએ;

ન ય માણમએણ મજ્જઇ, વિણયસમાહી આયયટ્ઠિઠએ .. ૨

ચઉવ્વિહા ખલુ સુયસમાહી ભવઇ, તં જહા-સુયં મે  
ભવિસ્સઇત્તિ અજ્જાઇયવ્વં ભવઇ (૧) એગગ્ગચિત્તો  
ભવિસ્સામિત્તિ અજ્જાઇયવ્વં ભવઇ (૨) અપ્પાણં  
ઠાવઇસ્સામિત્તિ અજ્જાઇયવ્વં ભવઇ (૩) ઠિઓપરં

ઠાવઠસામિત્તિ અજ્ઞાઠયવ્વં ભવઠં (૪) ચઉત્થંપયં ભવઠં,  
ભવઠં ય ઇત્થ સિલોગો

નાણમેગગ ચિત્તો ય, ઠિઓ ય ઠાવઠં પરં;

સુયાણિ ય અહિજ્જિત્તા, રઓ સુય સમાહિએ ..... ૩

ચઉવ્વિહા ખલુ તવસમાહી ભવઠં, તં જહા-નો ઇહલોગ-  
ટ્ઠયાએ તવમહિટ્ઠિજ્જા (૧) નો પરલોગટ્ઠયાએ તવમહિ-  
ટ્ઠિજ્જા (૨) નો કિત્તિ વ વણ્ણ સદ્ધસિલોગટ્ઠયાએ તવમહિ-  
ટ્ઠિજ્જા (૩) નન્નત્થ નિજ્જરટ્ઠયાએ તવમહિટ્ઠિજ્જા (૪)  
ચઉત્થં પયં ભવઠં, ભવઠં ય ઇત્થ સિલોગો

વિવિહગુણ તવોરએ ય નિચ્ચં, ભવઠં નિરાસએ નિજ્જ-રટ્ઠિએ;  
તવસા ધુણઠ પુરાણપાવગં, જુત્તો સયા તવસમાહિએ ..... ૪

ચઉવ્વિહા ખલુ આયારસમાહી ભવઠં, તં જહા-નો  
ઇહલોગટ્ઠયાએ આયારમહિટ્ઠિજ્જા (૧) નો પરલોગટ્ઠયાએ  
આયારમહિટ્ઠિજ્જા (૨) નોકિત્તિવણ્ણ-સદ્ધસિલોગટ્ઠયાએ  
આયારમહિટ્ઠિજ્જા (૩) નન્નત્થ અરિહંતેહિ હેઉહિ  
આયારમહિટ્ઠિજ્જા (૪) ચઉત્થં પયં ભવઠં, ભવઠં ય ઇત્થ  
સિલોગો

જિણવયણરએ અતિતિણે, પડિપુણ્ણાયયમાયયટ્ઠિએ;

આયારસમાહિસંવુડે, ભવઠં ય દંતે ભાવસંઘએ. .... ૫

અભિગમ ચઉરો સમાહિઓ, સુવિસુદ્ધો સુસમાહિયપ્પઓ;

વિઉલહિયસુહાવહં પુણ્ણો, કુવ્વઠં સો પયખેમમપ્પણો..... ૬



જાઇમરણાઓ મુચ્ચઇ ઇત્યં ત્યં ચ ચયઇ સવ્વસો;  
સિદ્ધે વા ભવઇ સાસએ, દેવે વા અપ્પરએ મહટ્ઠિએં ૦ તિબેમિ.૭

### (૧૦) સભિક્ષુનામાધ્યયન

નિક્ષુમ્મમાણાઇ ય બુદ્ધવયણે,  
નિચ્ચં ચિત્તસમાહિઓ હવિજ્જા;  
ઇત્થીણ વસં ન યાવિ ગચ્છે,  
વંતંનો પડિયાયઇ જે સ ભિક્ષુ. .... ૧

પુઠવિં ન ખણે ન ખણાવએ,  
સીઓદગં ન પિએ ન પિયાવએ;  
અગણિસત્થં જહા સુનિસિયં,  
તં ન જલે ન જલાવએ જે સ ભિક્ષુ. .... ૨

અનિલેણ ન વીએ ન વીયાવએ,  
હરિયાણિ ન ઇંદે ન ઇંદાવએ,  
બીયાણિ સયા વિવજ્જયંતા,  
સચ્ચિત્તં નાહારએ જે સ ભિક્ષુ. .... ૩

વહણં તસથાવરાણ હોઇ,  
પુઠવિતણકટ્ઠનિસ્સિયાણં;  
તમ્હા ઉદેસિયં ન ભુંજે,  
નો વિ પએ ન પયાવએ જે સ ભિક્ષુ. .... ૪

રોઇય નાયપુત્તવયણે,  
અત્તસમે મન્નેજ્જ ઇપ્પિ કાએ,

પંચ ય ફાસેમહવ્વયાઇં,  
પંચાસવસંવરએ જે સ ત્મિક્ષ્મૂ. .... ૫

ચત્તારિ વમે સયા કસાએ,  
ધુવજોગી હવિજ્જ બુદ્ધવયણે;  
અહણે નિજ્જાયરૂવરયએ,  
ગિહિજોગં પરિવજ્જએ જે સ ત્મિક્ષ્મૂ. .... ૬

સમ્મદિટ્ઠિ સયા અમૂઢે,  
અત્થિ હુ નાણે તવે સંજમે ય;  
તવસા ધુણઇ પુરાણપાવગં,  
મણવયકાયસુસંવુડે જે સ ત્મિક્ષ્મૂ. .... ૭

તહેવ અસણં પાણગં વા,  
વિવિહં ખાઇમ સાઇમં લભિત્તા;  
હોહી અટ્ઠો સુએ પરે વા,  
તં ન નિહે ન નિહાવએ જે સ ત્મિક્ષ્મૂ. .... ૮

તહેવ અસણં પાણગં વા,  
વિવિહં ખાઇમસાઇમં લભિત્તા;  
ઇંદિય સાહમ્મિઆણ ભુંજે,  
ભોચ્યા સજ્જાયરએ ય જે સ ત્મિક્ષ્મૂ. .... ૯

ન ય વુગ્ગહિયં કહં કહેજ્જા,  
ન ય કુપ્પે નિહુઇંદિએ પસંતે;  
સંજમે ધુવં જોગેણ જુત્તે,  
ઉવસંતે અવિહેડએ જે સ ત્મિક્ષ્મૂ. .... ૧૦

જો સહઈ હુ ગામકણ્ડએ,  
 અક્કોસ પહારતજજણાઓ ય;  
 ભય ભેરવ સદ સપ્પહાસે,  
 સમસુહદુકખ સહે ય જે સ ભિક્ષુ. .... ૧૧

પડિમં પડિવજ્જિયા મસાણો,  
 નો ભીયએ ભયભેરવાઇં દિઅસ્સ;  
 વિવિહગુણતવોરએ ય નિચ્ચં,  
 ન સરીરં ચાભિકંખઇ જે સ ભિક્ષુ. .... ૧૨

અસઇં વોસટ્ઠયત દેહે,  
 અકુટ્ઠે વ હએ વ લૂસિએ વા;  
 પુઠવિસમે મુણી હવિજ્જા,  
 અનિયાણો અકોઉહલ્લે જે સ ભિક્ષુ..... ૧૩

અભિભૂય કાએણ પરીસહાઇં,  
 સમુદ્ધરે જાઇપહાઓ અપ્પયં;  
 વિઇત્તુ જાઇમરણં મહબ્ભયં,  
 તવે રએ સામણિએ જે સ ભિક્ષુ. .... ૧૪

હત્થસંજએ પાય સંજએ,  
 વાયસંજએ સંજઇંદિએ,  
 અજ્જપ્પરએ સુસમાહિયપ્પા,  
 સુત્તત્થં ચ વિયાણાઈ જે સ ભિક્ષુ. .... ૧૫

ઉવહિમ્મિ અમુચ્છિએ અગિદ્ધે,  
 અન્નાયઉંઇં પુલાનપ્પુલાએ,

કયવિક્કયસન્નિહિઓ વિરએ,

સવ્વસંગાવગએ ય જે સ ત્તિફ્ફૂ. .... ૧૬

અલોલત્તિફ્ફૂ ન રસેસુ ગિદ્ધે,

ઉંછં ચરે જીવિય નાત્તિકંખે;

ઈડ્ડિં ય સક્કારણપૂયણં ય,

ચએ ઠિયપ્પા અણિહે જે સ ત્તિફ્ફૂ. .... ૧૭

ન પરં વએજજાસિ અયં કુસીલે,

જેણાન્ન કુપ્પેજજ ન તં વએજજા;

જાણિય પત્તેયં પુણ્ણપાવં,

અત્તાણં ન સમુક્કસે જે સ ત્તિફ્ફૂ. .... ૧૮

ન જાઇમત્તે ન રૂવમત્તે,

ન લાભમત્તે ન સુએણ મત્તે;

મયાણિ સવ્વાણિ વિવજજઇત્તા,

ધમ્મજ્જાણારએ ય જે સ ત્તિફ્ફૂ. .... ૧૯

પવેયએ અજજપયં મહામુણ્ણી,

ધમ્મે ઠિઓ ઠાવયઇ પરંપિ;

નિફ્ફખમ્મ વજજેજજ કુસીલલિંગં,

ન યાવિ હાસં કુહએ જે સ ત્તિફ્ફૂ. .... ૨૦

તં દેહવાસં અસુઇં અસાસયં,

સયા ચએ નિચ્ચ હિયટ્ઠિ યપ્પા;

છિંદિત્તુ જાઇમરણાસ્સ બન્ધણં,

ઉવેઇ ત્તિફ્ફૂ અપુણ્ણાગમં ગઇં ઠિત્તિબેમિ. .... ૨૧

## (૧) દશવૈકાલિકે પ્રથમા (રતિવક્રા) ચૂલિકા

ઇહ ખલુ ભો પવ્વઇએણં ઉપ્પન્નદુકખેણં સંજમે અરઇ સમાવન્ન ચિત્તેણં ઓહાણુપ્પેહિણા અણોહાઇએણં ચેવ હયરસ્સિગયંકુસ-પોયપડાગાભૂઆઇં ઇમાઇં અટ્ઠારસ ઠાણાઇં સમ્મં સંપડિલેહિઅવ્વાઇં ભવંતિ; તં જહા-હં ભો! દુસ્સમાએ દુપ્પજીવી (૧) લહુસગા ઇત્તરિઆગિહીણં કામભોગા (૨) ભુજજો અ સાઇબહુલા મણુસ્સા (૩) ઇમે અ મે દુકખે ન ચિરકાલોવટ્ઠાઇ ભવિસ્સઇ (૪) ઓમજણ પુરક્કારે (૫) વંતસ્સ ય પડિઆયણં (૬) અહરગઈ વાસોવસંપયા (૭) દુલ્લહે ખલુ ભો ગિહીણં ધમ્મે ગિહવાસ મજ્જે વસંતાણં (૮) આયંકે સે વહાય હોઇ (૯) સંકપ્પે સે વહાય હોઇ (૧૦) સોવક્કેસે ગિહવાસે, નિરુવક્કેસે પરિઆએ (૧૧) બંધે ગિહવાસે મુકખે પરિઆએ (૧૨) સાવજ્જે ગિહવાસે, અણવજ્જે પરિઆએ (૧૩) બહુસાહારણા ગિહીણં કામભોગા (૧૪) પત્તેઅં પુન્નપાવં (૧૫) અણિઅચ્ચે ખલુ ભો મણુઆણ જીવિએ કુસગ્ગજલબિંદુચંચલે (૧૬) બહું ચ ખલુ ભો પાવં કમ્મં પગડં (૧૭) પાવાણં ચ ખલુ ભો કડાણં કમ્માણં પુલ્લિં દુચ્ચિન્નાણં દુપ્પડિક્કંતાણં વેઇત્તા મુકખો નત્થિ અવેઇત્તા, તવસા વા ઝોસઇત્તા (૧૮) અટ્ઠારસમં પયં ભવઇ, ભવઇ અ ઇત્થ સિલોગો

જયા ય ચયઇ ધમ્મં, અણજજો ભોગકારણા;

સે તત્થ મુચ્છિએ બાલે, આયઇં નાવબુજ્જઇ. .... ૧

- જયા ઓહાવિઓ હોઇ, ઇંદો વા પડિઓ છમં;  
સવ્વ ધમ્મપરિભ્ભટ્ઠો, સ પચ્છા પરિતપ્પઇ. .... ૨
- જયા અ વંદિમો હોઇ, પચ્છા હોઇ અવંદિમો;  
દેવયા ય યુઆ ઠાણા, સ પચ્છા પરિતપ્પઇ. .... ૩
- જયા અ પૂઇમો હોઇ, પચ્છા હોઇ અપૂઇમો;  
રાયા વ રજ્જપભ્ભટ્ઠો, સ પચ્છા પરિતપ્પઇ. .... ૪
- જયા અ માણિમો હોઇ, પચ્છા હોઇ, અમાણિમો;  
સિટ્ઠિઠવ્વ કબ્બડે છૂઢો, સ પચ્છા પરિતપ્પઇ. .... ૫
- જયા અ થેરઓ હોઇ, સમઇક્કંતજુવ્વણો;  
મચ્છુ વ્વ ગલં ગિલિત્તા, સ પચ્છા પરિતપ્પઇ. .... ૬
- જયા અ કુ-કુડુંબસ્સ, કુ-તત્તીહિં વિહમ્મઇ;  
હત્થી વ બંધણે બદ્ધો, સ પચ્છા પરિતપ્પઇ. .... ૭
- પુત્તદારપરીકિત્તો, મોહસંતાણસંતઓ;  
પંકોસન્નો જહા નાગો, સ પચ્છા પરિતપ્પઇ. .... ૮
- અજ્જ આહં ગણી હુંતો, ભાવિઅપ્પા બહુસ્સુઓ;  
જઇહહં રમંતો પરિઆએ, સામન્ને જિણાદેસિએ. .... ૯
- દેવલોગસમાણો અ, પરિઆઓ મહે સિણં;  
રયાણં અરયાણં ચ, મહાનરયસારિસો. .... ૧૦
- અમરોવમં જાણિઅ સુક્ખમુત્તમં,  
રયાણપરિઆઇ તહાહરયાણં;  
નિરઓવમં જાણિઅ દુક્ખમુત્તમં,  
રમિજ્જ તમ્હા પરિઆઇ પંડિએ. .... ૧૧

ધમ્માઉ ભટ્ટં સિરિઓ અવેયં,  
જન્નગ્ગિ વિજજ્ઞાઅમિવઅપ્પ તેઅં  
હીલંતિ ઇં દુવ્વિહિઅં કુસીલા,  
દાહુહિહિઅં ધોરવિસં વ નાગં. .... ૧૨

ઇહેવ ધમ્મો અયસો અકિત્તી,  
દુન્નામધિજ્જં ચ પિહુજ્જહાંમિ;  
યુઅસ્સ ધમ્માઉ અહમ્મસેવિણો,  
સંભિન્નવિત્તસ્સ ય હિટ્ઠઓ ગઇ. .... ૧૩

ભુંજિત્તુ ભોગાઇં પસજ્ઞ ચેઅસા,  
તહાવિહં કટ્ટુ અસંજમં બહું;  
ગઇં ચ ગચ્છે અણાભિજ્જિઅં દુહં,  
બોહી અ સે નો સુલહા પુણો પુણો. .... ૧૪

ઇમસ્સ તા નેરઇઅસ્સ જંતુણો,  
દુહોવણીઅસ્સ કિલેસવત્તિણો;  
પલિઓવમં ઝિજ્જઇ સાગરોવમં,  
કિમંગ પુણ મજ્ઞ ઇમં મણોદુહં. .... ૧૫

ન મે ચિરં દુક્ખમિણં ભવિસ્સઇ,  
અસાસયા ભોગપિવાસ જંતુણો;  
ન ચે સરીરેણં ઇમેણાહવિસ્સઇ  
અવિસ્સઇ જીવિઅપજ્જવેણ મે. .... ૧૬

જસ્સેવમપ્પા ઉ હવિજ નિચ્છિઓ,  
 ચઈજજ દેહં ન હુ ધમ્મ સાસણાં;  
 તં તારિસં નો પઇલંતિ ઇંદિઆ,  
 ઉવિંતવાયા વ સુદંસણં ગિરિં..... ૧૭

ઇચ્ચેવ સંપસ્સિઅ બુદ્ધિમં નરો,  
 આયં ઉવાય વિવિહં વિઆણિઆ;  
 કાએણ વાયા અદુ માણસેણં,  
 તિગુત્તિ ગુત્તો જિણવયંણમહિટ્ઠિજજાસિં તિબેમિ. ૧૮

### દશવૈકાલિકે દ્વિતીયા (વિવક્તચરિયા) ચુલિકા

ચૂલિકાં તુ પવક્ખામિ, સુઅં કેવલિભાસિઅં;  
 જં સુણિત્તુ સુપુણાણં, ધમ્મે ઉપ્પજજએ મઇ. .... ૧  
 અણુસોઅપટ્ઠિઅબહુજણંમિ, પડિસોઅલદ્ધલક્ખેણં;  
 પડિસોઅમેવ અપ્પા, દાયવ્વો હોઉકામેણં..... ૨  
 અણુસોઅસુહોલોઓ, પડિસોઓ આસવો સુવિહિઆણં;  
 અણુસોઓ સંસારો, પડિસોઓ તસ્સ ઉત્તારો. .... ૩  
 તમ્હા આયારપરક્કમેણં, સંવરસમાહિબહુલેણં;  
 ચરિઆ ગુણા અ નિયમા અ, હુંતિ સાહુણ દટ્ઠવ્વા..... ૪  
 અનિએઅવાસો સમુઆણચરિઆ,  
 અન્નાયઉંછં પઇરિક્કયા અ;  
 અપ્પોવહી કલહવિવજજણા અ,  
 વિહાર ચરિઆ ઇસિણં પસત્થા..... ૫



આઇત્ર ઓમાણવિવજ્જણા અ, ઓસત્રદિટ્ઠાહડભત્તપાણે;  
 સંસટ્ઠ કપ્પેણ ચરિજ્જ ભિક્કખૂ, તજ્જાયસંસટ્ઠ જઇ જઇજ્જા. ૬  
 અમજ્જ મંસાસિ અમચ્છરીઆ, અભિક્કખણં નિવ્વિગઇં ગયા અ;  
 અભિક્કખણં કાઉસ્સગ્ગકારી, સજ્જાયજ્જોગે પયઓ હવિજ્જા. ૭  
 ન પડિત્તવિજ્જા સયણાસણાઇં, સિજ્જં નિસિજ્જં તહ ભત્તપાણં,  
 ગામે કુલે વા નગરે વ દેસે, મમત્તભાવં ન કહિં પિ કુજ્જા. ૮  
 ગિહિણો વેઆવડિઅં ન કુજ્જા, અભિવાયણવંદણ પૂઅણં વા;  
 અસંકિલિટ્ઠેહિં સમં વસિજ્જા, મુણી ચરિત્તસ્સ જઓ ન હાણી. ૯

ણ યા લભેજ્જા નિઉણં સહાયં,  
 ગુણાહિઅં વા ગુણાઓ સમં વા;  
 ઇક્કો વિ પાવાઇં વિવજ્જયંતો,  
 વિહરિજ્જ કામેસુ અજ્જમાણો. .... ૧૦

સંવચ્છરં વા વિ પરં પમાણં,  
 બીઅં ચ વાસં ન તહિં વસિજ્જા;  
 સુત્તસ્સ મગ્ગેણ ચરિજ્જ ભિક્કખૂ,  
 સુત્તસ્સ અત્થો જહ આણવેઇ. .... ૧૧

જો પુવ્વરત્તાવરરત્તકાલે,  
 સંપિક્કખએ અપ્પગમપ્પગેણં;  
 કિં મે કડં કિંચ મે કિચ્ચસેસં,  
 કિં સક્કણિજ્જં ન સમાયરામિ. .... ૧૨

કિં મે પરો પાસઇ કિં ચ અપ્પા,  
 કિં વાહહં ખલિઅં ન વિવજ્જયામિ;

ઇચ્ચેવ સમ્મં અણુપાસમાણો,  
અણાગયં નો પડિબંધ કુજ્જા..... ૧૩

જત્થેવ પાસે કઇ દુપ્પઉત્તં,  
કાએણ વાયા અદ્ધ માણસેણં,  
તત્થેવ ધીરો પડિસાહરિજ્જા  
આઇત્તઓ ખિપ્પમિવ ખલીણં. .... ૧૪

જસ્સેરિસા જોગ જિઇંદિઅસ્સ,  
ધિઇમઓ સપ્પુરિસસ્સ નિચ્ચં;  
તમાહુ લોએ પડિબુદ્ધજીવી,  
સો જીઅઇ સંજમજીવિએણં. .... ૧૫

અપ્પા ખલુ સયયં રક્ખિઅવ્વો,  
સવ્વિંદિએહિ સુસમાહિએહિં;  
અરક્ખિઓ જાઇપહં ઉવેઇ,  
સુરક્ખિઓ સવ્વદુહાણ મુચ્ચઇં ત્તિ બેમિ.૧૬.

## બૃહત્સંગ્રહણી

નમિઉં અરિહંતાઇ, ઠિઇભવણો ગાહણા ય પત્તેયં;  
સુરનારયાણ વુચ્છં, નરતિરિયાણં વિણા ભવણં. .... ૧  
ઉવવાય-ચવણ-વિરહં, સંખં ઇગ સમઇયં ગમાગમણે;  
દસ વાસસહસ્સાઇ, ભવણવઇણં જહન ઠિઇ. .... ૨  
ચમર બલિ સારમહિઅં, તદ્દેવીણં તુ તિન્નિ ચત્તારિ;  
પલિયાઇં સદ્દાઇં, સેસાણં નવનિકાયાણં..... ૩

- દાહિણ દિવડ્ઢપલિયં, ઉત્તરઓ હુન્તિ દુન્નિ દેસૂણા;  
તદેવીમદ્ધપલિયં દેસૂણં આઉમુક્કોસં. .... ૪
- વંતરિયાણ જહનં, દસવાસસહસ્સ પલિયમુક્કોસં;  
દેવીણં પલિયદ્ધં, પલિયં અહિયં સસિરવીણં. .... ૫
- લકખેણ સહસ્સેણ ય, વાસાણ ગહાણ પલિય મેએસિ;  
ઠિઈ અદ્ધં દેવીણં, કમેણ નકખત્ત તારાણં. .... ૬
- પલિયદ્ધં ચઉભાગો, ચઉઅડભાગાહિગા ઉ દેવીણં;  
ચઉજુઅલે ચઉભાગો, જહનમડભાગ પંચમએ. .... ૭
- દો સાહિ સત્ત સાહિય, દસ ચઉદસ સત્તર અચર જા સુક્કો;  
ઇક્કિક્ક મહિય મિત્તો, જા ઇગતીસુવરિ ગેવિજ્જે. .... ૮
- તિત્તીસણુત્તરેસુ, સોહમ્માઇસુ ઇમા ઠિઈ જિટ્ઠા;  
સોહમ્મે ઈસાણે, જહન ઠિઈ પલિયમહિયં ચ. .... ૯
- દો સાહિ સત્ત દસ ચઉદસ, સત્તર અચરાઇંજા સહસ્સારો;  
તપ્પરઓ ઇક્કિક્કં, અહિયં જાણુત્તરચઉક્કે. .... ૧૦
- ઇગતીસ સાગરાઇં, સવ્વટ્ઠે પુણ જહનઠિઈ નત્થિ;  
પરિગ્ગહિયાણિયરાણિ ય, સોહમ્મીસાણ દેવીણં. .... ૧૧
- પલિયં અહિયં ચ કમા, ઠિઈ જહના ઇઓ ય ઉક્કોસા;  
પલિયાઇં સત્ત પન્નાસ, તહ ય નવ પંચવન્ના ય. .... ૧૨
- પણ ઇ ચઉ ચઉ અટ્ઠ ય, કમેણ પત્તેયમગ્ગમહિસીઓ;  
અસુર નાગાઇ વંતર, જોઇસ-કપ્પ દુગ્ગિદાણં. .... ૧૩

- દુસુ તેરસ દુસુ બારસ, છ પણ ચઉ ચઉ દુગે દુગે ય ચઉ;  
 ગેવિજજણુત્તરે દસ, બિસટ્ટિઠ પયરા ઉવરિ લોએ. .... ૧૪
- સોહમુક્કોસ ઠિઈ, નિયપયર વિહત્ત ઇચ્છ સંગુણિઓ;  
 પયરુક્કોસ ઠિઈઓ, સવ્વત્થ જહનનો પલિયં. .... ૧૫
- સુરકપ્પઠિઈવિસેસો, સગપયરવિહત્ત ઇચ્છ સંગુણિઓ;  
 હિઠિલ્લઠિઈસહિઓ, ઇચ્છિય પયરંમિ ઉક્કોસા. .... ૧૬
- કપ્પસ્સ અંતપયરે, નિયકપ્પ-વડિંસયા વિમાણાઓ;  
 ઇંદ નિવાસા તેસિં, ચઉદિસિ લોગપાલાણં. .... ૧૭
- સોમજમાણં સતિભાગ-પલિય વરૂણસ્સ દુન્નિ દેસૂણા;  
 વેસમણો દો પલિયા, એસા ઠિઈલોગપાલાણં. .... ૧૮
- અસુરા નાગ સુવન્ના, વિજ્જુ અગ્ગી ય દીવ ઉદ્દહી અ;  
 દિસિ પવણ થણિય દસવિહ, ભવણવઇ તેસુ દુદ્ધુ ઇંદા.. ૧૯
- ચમરે બલી અ ધરણો, ભૂયાણંદે ય વેણુદેવે ય;  
 તત્તો ય વેણુદાલી, હરિકંતે હરિસ્સહે ચેવ. .... ૨૦
- અગ્ગિસિહ અગ્ગિમાણવ, પુન્ન વિસિટ્ટે તહેવ જલકંતે;  
 જલપહ તહ અમિઅગઈ, મિયવાહણ દાહિણુત્તરઓ. .. ૨૧
- વેલંબે ય પભંજણ, ઘોસ મહાઘોસ એસિમન્નયરો;  
 જંબુદીવં છતં, મેરું દંડં પહુ કાઉં. .... ૨૨
- ચઉત્તીસા ચઉચત્તા, અટ્ઠત્તીસા ય ચત્ત પંચણહં;  
 પન્ના ચત્તા કમસો, લક્ખા ભવણાણ દાહિણાઓ. .... ૨૩

ચઉ ચઉ લકખ વિહૂણા, તાવઇયા ચેવ ઉત્તર દિસાએ;  
 સવ્વેવિ સત્તકોડી, બાવત્તરી હુન્તિ લકખા ય. .... ૨૪  
 રચણાએ હિટ્ટુવરિં, જોયણ સહસ્સં વિમુત્તું તે ભવણા;  
 જંબુદીવ સમા તહ, સંખમસંખિજ્જવિત્થારા..... ૨૫  
 ચુડામણિ ફણિ ગરુડે, વજ્જે તહ કલસ સીહ અસ્સે ય;  
 ગય મયર વદ્ધમાણે, અસુરાઇણં મુણસુ ચિંધે. .... ૨૬  
 અસુરા કાલા નાગુ-દહિ, પંડુરા તહ સુવન્ન દિસિ થણિયા;  
 કણગાભ વિજ્જુ સિહિ દીવ, અરુણા વાઉ પિયંગુ નિભા. ૨૭  
 અસુરાણ વત્થ રત્તા, નાગોદહિ-વિજ્જુ દીવ સિહિ નીલા;  
 દિસિ થણિય સુવન્નાણં, ધવલા વાઉણ સંજરુઈ. .... ૨૮  
 ચઉ-સટ્ઠિ સટ્ઠિ અસુરે, છચ્ચ સહસ્સાઇં ધરણમાઇણં;  
 સામાણિયા ઇમેસિં, ચઉગ્ગુણા આયરકખા ય. .... ૨૯  
 રચણાએ પઢમ જોયણ-સહસ્સે હિટ્ટુવરિં સય સય વિહૂણે;  
 વંતરિયાણં રમ્મા, ભોમા નયરા અસંખિજ્જા..... ૩૦  
 બાહિં વટ્ટા અંતો-ચઉરંસા અહો ય કણિણાઆયારા;  
 ભવણવઈણં તહ વંતરાણ, ઇંદ ભવણાઓ નાયવ્વા..... ૩૧  
 તહિં દેવા વંતરિયા, વરતરુણીગીયવાઇયરવેણં;  
 નિચ્ચં સુહિયા પમુઇયા, ગયં પિ કાલં ન યાણંતિ. .... ૩૨  
 તે જંબુદીવ ભારહ, વિદેહ સમ ગુરુ જહન્ન મજ્જિમગા;  
 વંતર પુણ અટ્ઠવિહા, પિસાય ભૂયા તહા જકખા. .... ૩૩

- રક્ષસ કિંનર કિંપુરિસા, મહોરગા અટ્ઠમા ય ગંધવ્વા;  
દાહિણુત્તર ભેયા, સોલસ તેસિં ઇમે ઇંદા. .... ૩૪
- કાલે ય મહાકાલે, સુરૂવ પરિરૂવ પુત્રભદ્રે ય;  
તહ ચેવ માણિભદ્રે ભીમે, ય તહા મહાભીમે. .... ૩૫
- કિંનર કિંપુરિસે સપ્પુરિસા, મહાપુરિસ તહય અઇકાયે;  
મહાકાય ગીયરઈ, ગીયજસે દુન્નિ દુન્નિ કમા. .... ૩૬
- ચિંધં કલંબ સુલસે, વડ ખટ્ટંગે અસોગ ચંપયએ;  
નાગે તુંબરુ અ ઝએ, ખટ્ટંગવિવજ્જિયા રુક્ખા. .... ૩૭
- જકખ પિસાય મહોરગ, ગંધવ્વા સામ કિંનરા નીલા;  
રક્ષસ કિંપુરુસા વિય, ધવલા ભૂયા પુણો કાલા. .... ૩૮
- અણપત્ની, પણપત્ની, ઇસિવાઈ ભૂયવાઇએ ચેવ;  
કંદીય મહાકંદી, કોહંડે ચેવ પયંગે ય. .... ૩૯
- ઇય પઠમજોયણસએ, રયણાએ અટ્ઠ વંતરા અવરે;  
તેસુ ઇહ સોલસિંદા, રુયગઅહો દાહિણુત્તરઓ. .... ૪૦
- સંનિહિએ સામાણે, ધાઇ વિહાએ ઇસીય ઇસીવાલે;  
ઇસર મહેસરે વિ ય હવઇ સુવત્થે વિસાલે ય. .... ૪૧
- હાસે હાસરઇ વિ ય, સેએ ય ભવે તહા મહાસેએ;  
પયંગે પયંગવઈ વિ ય સોલસ ઇંદાણ નામાઇં. .... ૪૨
- સામાણિયાણ ચઉરો, સહસ્સ સોલસ ય આયરક્ખાણં;  
પત્તેયં સવ્વેસિ, વંતરવઇ સસિરવીણં ચ. .... ૪૩

ઇંદ સમ તાયતીસા, પરિસતિયા રકખ લોગપાલા ય;  
 અણિય પઇત્રા અભિઓગા; કિબ્બિસં દસ ભવણ વેમાણી. ૪૪  
 ગંધવ્વ નટ્ટ હય ગય, રહ ભડ અણિયાણિ સવ્વઇંદાણં;  
 વેમાણિયાણ વસહા, મહિસા ય અહોનિવાસીણં. .... ૪૫  
 તિત્તીસ તાયતીસા, પરિસતિયા લોગપાલ ચત્તારિ;  
 અણિઆણિ સત્ત સત્તય, અણિયાહિવ સવ્વઇંદાણં. .... ૪૬  
 નવરં વંતરજોઇસ-ઇંદાણ ન હુન્તિ લોગપાલાઓ;  
 તાયત્તીસમિહાણા, તિયસા વિ ય તેસિં ન હુ હુન્તિ. .... ૪૭  
 સમભૂતલાઓ અટ્ટઠહિં, દસૂણ જોયણસએહિં આરબ્ભ;  
 ઉવરિ દસુત્તર જોયણ, સયંમિ ચિટ્ટઠન્તિ જોઇસિયા. .... ૪૮  
 તત્થ રવી દસજોયણ, અસીઇ તદ્દુવરિંસસી ય રિકખેસુ;  
 અહ ભરણિ સાઇ ઉવરિં, બહિ મૂલો ભિંતરે અભિઇ. . ૪૯  
 તાર રવી ચંદ રિકખા, બુહ સુક્કા જીવ મંગલ સણિયા;  
 સગ સય નઉય દસ અસિઇ, ચઉ ચઉ કમસો તિયા ચઉસુ. ૫૦  
 ઇક્કારસ જોયણ સય, ઇગવીસિક્કાર સાહિયા કમસો;  
 મેરુ અલોગાબાહં, જોઇસ ચક્કં ચરઇ ઠાઇ. .... ૫૧  
 અદ્ધ કવિટ્ટાગારા, ફલિહમયા રમ્મ જોઇસવિમાણા;  
 વંતરનયરેહિંતો, સંખિજજગુણા ઇમે હુન્તિ. .... ૫૨  
 તાઇં વિમાણાઇં પુણ, સવ્વાઇં હુન્તિ ફલિહમયાઇં;  
 દગફાલિહ મયા પુણ, લવણે જે જોઇસવવિમાણા. .... ૫૩

જોયણિગસટ્રિઠ ભાગા, છપ્પન્ન અડયાલ ગાઉ દુ ઇગ દ્વં ;  
 ચંદાઇવિમાણાયામ-વિત્થડા અદ્ધમુચ્ચતં. .... ૫૪  
 પણયાલ લક્ષ્મ જોયણ, નરખિતં તત્થિમે સયા ભમિરા ;  
 નરખિત્તાઉ બહિં પુણ, અદ્ધપમાણા ઠિઆ નિચ્ચં. .... ૫૫  
 સસિ રવિ ગહ નક્ખત્તા, તારાઓ હુન્તિ જહુત્તરં સિગ્ધા ;  
 વિવરીયા ઉ મહડ્ડિઠ્ઠા, વિમાણવહગા કમેણોસિં. .... ૫૬  
 સોલસ સોલસ અડ ચઉ, દો સુર સહસ્સા પુરઓ દાહિણઓ ;  
 પચ્ચિમ ઉત્તર સીહા, હત્થી વસહા હયા કમસો. .... ૫૭  
 ગહ અટ્ઠાસી નક્ખત્ત, અડવીસં તાર કોડિકોડીણં ;  
 છાસટ્રિઠ સહસ્સ નવસય, પણહત્તરિ એગસસિસિન્નં. ... ૫૮  
 કોડા કોડી સન્નં-તરં તુ મન્નન્તિ ખિત્તથોવતયા ;  
 કેઇ અન્ને ઉસ્સે-હંગુલમાણેણ તારાણં. .... ૫૯  
 કિણ્ણં રાહુ વિમાણં, નિચ્ચં ચંદેણ હોઇ અવિરહિયં ;  
 ચઉરંગુલમપ્પતં હિટ્ઠા ચંદસ્સ તં ચરઇ. .... ૬૦  
 તારસ્સ ય તારસ્સ ય, જંબુદીવંમિ અંતરં ગુરુયં ;  
 બારસજોયણસહસ્સા, દુન્નિસયા ચેવ બાયાલા. .... ૬૧  
 નિસઠો ય નીલવંતો, ચત્તારિસય ઉચ્ચ પંચસય કૂડા ;  
 અદ્ધ ઉવરિં રિકખા, ચરંતિ ઉભયટ્ઠ બાહાએ. .... ૬૨  
 છાવટ્ઠા દુન્નિ સયા, જહન્નમેયં તુ હોઇ વાઘાએ ;  
 નિવ્વાઘાએ ગુરુલહુ, દો ગાઉ ય ધનુસયા પંચ. .... ૬૩



- માણુસ નગાઓ બાહિં, ચંદા સૂરસ્સ સૂર ચંદસ્સ;  
 જોયણ સહસ્સ પત્તાસ, ણૂણાગા અંતરં દિટ્ઠં. .... ૬૪  
 સસિ સસિ રવિ રવિ સાહિય, જોયણ લક્ખેણ અંતરં હોઇ;  
 રવિ અંતરિયા સસિણો, સસિ અંતરિયા રવિ દિત્તા. .... ૬૫  
 બહિયા ઉ માણુસુત્તરઓ, ચંદા સૂરા અવટ્ઠિ ઉજ્જોયા;  
 ચંદા અભિઇ જુત્તા, સૂરા પુણ હુન્તિ પુસ્સેહિં. .... ૬૬  
 ઉદ્ધારગગર દુગે, સડ્ઢે સમએહિં તુલ્લદીવુદ્દહી;  
 દુગુણા દુગુણ પવિત્થર-વલયાગારા પઢમવજ્જં. .... ૬૭  
 પઢમો જોયણ લક્ખં, વટ્ઠો તં વેઢિઉં ઠિઆ સેસા;  
 પઢમો જંબુદ્દીવો, સયંભૂરમણોદ્દહી ચરમો. .... ૬૮  
 જંબૂ ધાયઇ પુક્ખર, વારુણીવર ખીર ઘય ખોય નંદીસરા;  
 અરુણા રુણુવાય કુંડલ, સંખ રૂયગ ભુયગ કુસ કુંયા. ... ૬૯  
 પઢમે લવણો જલહી, બીએ કાલોય પુક્ખરાઇસુ;  
 દીવેસુ હુન્તિ જલહી, દીવસમાણેહિં નામેહિં. .... ૭૦  
 આભરણ વત્થ ગંધે, ઉપ્પલ તિલએ ય પઉમનિહિ રયણે;  
 વાસહર દહ નઇઓ, વિજયા વક્ખાર કપ્પિંદા. .... ૭૧  
 કુરુ મંદર આવાસા, કૂડા નક્ખત્ત ચંદ સૂરા ય;  
 અન્નેવિ એવમાઈ, પસત્થવત્થાજ જે નામા. .... ૭૨  
 તત્તામા દીવુદ્દહી, તિપડોયાયારા હુન્તિ અરુણાઈ;  
 જંબૂલવણાઈયા, પત્તેયં તે અસંખિજ્જા. .... ૭૩

તાણંતિમ સૂરવરાવભાસજલહી પરંતુ ઇકિક્કા;  
 દેવે નાગે જકખે, ભૂએ ય સયંભૂરમણો ય. .... ૭૪  
 વારુણીવર ખીરવરો, ઘયવર લવણો ય હુન્તિ ભિન્નરસા;  
 કાલોય પુકખરોદહિ, સયંભૂરમણો ય ઉદગરસા. .... ૭૫  
 ઇકખુરસ સેસજલહી, લવણે કાલોએ ચરિમિ બહુમચ્છા;  
 પણ સગ દસ જોયણ સય, તણુ કમા થોવ સેસેસુ. .... ૭૬  
 દો સસિ દો રવિ પઢમે, દુગુણા લવણંમિ ધાયઈ સંડે;  
 બારસ સસિ બારસ રવિ, તપ્પભિઈ નિદિટ્ઠ સસિ-રવિણો. ૭૭  
 તિગુણા પુવ્વિલજુયા, અણંતરાણંતરંમિ ખિતંમિ;  
 કાલોએ બાયાલા, બિસત્તરી પુકખરદ્દંમિ. .... ૭૮  
 દો સસિ દો રવિપંતિ, એગંતરિયા છસટ્ઠિસંખાયા;  
 મેરું પયાહિણંતા, માણુસખિત્તે પરિઅડન્તિ. .... ૭૯  
 એવં ગહાઇણો વિ હુ, નવરં ધુવપાસવત્તિણો તારા;  
 તં ચિય પયાહિણંતા, તત્થેવ સયા પરિભમન્તિ. .... ૮૦  
 પન્નરસ યુલસીઇસયં, ઇહ સસિરવિમંડલાઇં તક્ખિતં;  
 જોયણ પણસય દસહિય, ભાગા અડયાલ ઇગસટ્ઠા. .... ૮૧  
 તીસિ ગસટ્ઠા ચઉરો, ઇગ ઇગસટ્ઠસ્સ સત્ત ભઇયસ્સ;  
 પણતીસં ચ દુજોયણ, સસિરવિણો મંડલંતરયં. .... ૮૨  
 મંડલદસગં લવણે, પણગં નિસઢંમિ હોઇ ચંદસ્સ;  
 મંડલઅંતરમાણં, જાણપમાણં પુર કહિયં. .... ૮૩

- પણસટ્ટી નિસઢંમિય દુન્નિયબાહા દુજોયણંતરિયા;  
 ઇગુણવીસં તુ સયં, સૂરસ ય મંડલા લવણો. .... ૮૪
- સસિ રવિણો લવણંમિ ય, જોયણસયતિત્રિ તીસઅહિયાઇં;  
 અસીયં તુ જોયણસયં, જંબુદીવંમિ પવિસન્તિ..... ૮૫
- ગહરિકખતારસંખં, જત્યેચ્છસિ નાઉ મુદ્દહિ દીવે વા;  
 તસ્સસિહિ એગસસિણો, ગુણસંખં હોઇ સવ્વગ્ગં..... ૮૬
- બત્તીસટ્ટાવીસા બારસ અડ ચઉ વિમાણ લક્ખાઇં;  
 પત્તાસ ચત્ત ઇ સહસસ, કમેણ સોહમ્માઇસુ. .... ૮૭
- દુસુ સયચઉ દુસુ સય તિગ, મિગારસહિયં સયં તિગેહિટ્ટા;  
 મજ્જે સત્તુત્તરસય, મુવરિતિગે સયમુવરિ પંચ. .... ૮૮
- ચુલસીઇ લક્ખ સત્તાણવઇ-સહસસા વિમાણ તેવીસં;  
 સવ્વગ્ગ મુડ્ઢ લોગંમિ, ઇંદયા બિસટ્ટિઠ પયરેસુ..... ૮૯
- ચઉદિસિ ચઉ પંતીઓ, બાસટ્ટિઠ વિમાણિયા પઢમપયરે;  
 ઉવરિ ઇક્કિક્કહીણા, અણુત્તરે જાવ ઇક્કિક્કં..... ૯૦
- ઇંદય વટ્ટા પંતીસુ, તો કમસો તંસ ચઉરંસા વટ્ટા;  
 વિવિહા પુષ્ફવકિન્ના, તયંતરે મુત્તું પુવ્વદિસિં. .... ૯૧
- એગં દેવેદીવે, દુવે ય નાગોદહીસુ બોદ્ધવ્વે;  
 ચત્તારિ જક્ખદીવે, ભૂયસમુદ્દેસુ અટ્ટેવ. .... ૯૨
- સોલસ સયંભૂરમણો, દીવેસુ પઇટ્ટિઠયા ય સુરભવણા;  
 ઇગતીસં ચ વિમાણા, સયંભૂરમણો સમુદ્દે ય..... ૯૩

- વટ્ટં વટ્ટસ્સુવરિં તંસં તંસસ્સ ઉવરિમં હોઠ્ઠ;  
 ચઉરંસે ચઉરંસં ઉડ્ઢંતુ વિમાણસેઢીઓ. .... ૯૪
- સવ્વે વટ્ટવિમાણા, એગદ્ધવારા હવન્તિ નાયવ્વા;  
 તિન્નિ ય તંસવિમાણો, ચત્તારિ ય હુન્તિ ચઉરંસે. .... ૯૫
- પાગારપરિક્ખિત્તા, વટ્ટવિમાણા હવન્તિ સવ્વેવિ;  
 ચઉરંસ વિમાણાણં, ચઉદ્ધિસિં વેઠયા હોઠ્ઠ. .... ૯૬
- જત્તો વટ્ટ વિમાણા, તત્તો તંસસ્સ વેઠયા હોઠ્ઠ;  
 પાગારો બોધવ્વો, અવસેસેસું તુ પાસેસુ. .... ૯૭
- આવલિયવિમાણાણં, અંતરં નિયમસો અસંખ્ખિજ્જં;  
 સંખ્ખિજ્જમસંખ્ખિજ્જં, ભણિયં પુષ્કાવકિત્તાણં. .... ૯૮
- અચ્ચંતસુરહિગંધા, ફાસે નવણીયમઉયસુહફાસા;  
 નિચ્ચુજ્જોયા રમ્મા, સયંપહા તે વિરાયંતિ. .... ૯૯
- જે દક્ખિણેણ ઇંદા, દાહિણેઓ આવલી મુણેયવ્વા;  
 જે પુણ ઉત્તર ઇંદા, ઉત્તરેઓ આવલી મુણે તેસિં. .... ૧૦૦
- પુવ્વેણ પચ્છિમેણ ય, સામન્ના આવલી મુણેયવ્વા;  
 જે પુણ વટ્ટ વિમાણા, મજ્જિલ્લા દાહિણિલ્લાણં. .... ૧૦૧
- પુવ્વેણ પચ્છિમેણ ય, જે વટ્ટા તે વિ દાહિણિલ્લસ્સ;  
 તંસ ચઉરંસગા પુણ, સામન્ના હુન્તિ દુણ્ઠં પિ. .... ૧૦૨
- પઢમંતિમપયરાવલિ, વિમાણમુહભૂમિ તસ્સમાસદ્ધં;  
 પયરગુણમિટ્ઠ કપ્પે, સવ્વગં પુષ્કકિત્તિયરે. .... ૧૦૩

ઇગદિસિપંતિવિમાણા, તિવિભત્તા તંસ ચઉરંસા વટ્ટા;  
 તંસેસુ સેસમેગં ખિવ સેસ દુગસ્સ ઇકિક્કં. .... ૧૦૪  
 તંસેસુ ચઉરંસેસુ ય, તો રાસિતિગંપિ ચઉગુણં કાઉં;  
 વટ્ટેસુ ઇંદયં ખિવ, પયરધણં મીલિયં કખ્પે. .... ૧૦૫  
 સત્તસય સત્તવીસા, ચત્તારિસયા ય હુન્તિ ચઉનઉયા  
 ચત્તારિ ય છાસીયા, સોહમ્મે હુન્તિ વટ્ટાઇ. .... ૧૦૬  
 એમેવ ય ઈસાણે, નવરં વટ્ટાણ હોઇ નાણતં;  
 દો સય અટ્ઠતીસા, સેસા જહ ચેવ સોહમ્મે. .... ૧૦૭  
 પુવ્વાવરા છલંસા તંસા પુણ દાહિણુત્તરા બજ્જઃ;  
 અબ્બિન્તર ચઉરંસા, સવ્વા વિ ય કણ્ણરાઇઓ. .... ૧૦૮  
 ચુલસી અસિઇ બાવત્તરિ, સત્તરિ સટ્ઠી ય પત્ત ચત્તાલા;  
 તુલ્લસુર તીસ વીસા, દસસહસ્સ આયરકખ્પ ચઉગુણિયા. ૧૦૯  
 કખ્પેસુ ય મિય મહિસો, વરાહ સીહા ય છગલ સાલૂરા;  
 હય ગય ભુયંગ ખગ્ગી, વસહા વિડિમાઇં ચિંધાઇં. ... ૧૧૦  
 દુસુ તિસુ તિસુ કખ્પેસુ, ઘણ્ણદહિ ઘણ્ણવાય તદ્દુભયં ચ કામા;  
 સુરભવણપઇટ્ઠાણં, આગાસપઇટ્ઠિયા ઉવરિં. .... ૧૧૧  
 સત્તાવીસસયાઇં, પુઢવિપિંડો વિમાણઉચ્ચતં;  
 પંચસયા કખ્પદુગે, પઢમે તત્તો ય ઇકિક્કં. .... ૧૧૨  
 હાયઇ પુઢવીસુ સયં, વડ્ઢઇ ભવણેસુ દુ દુ દુ કખ્પેસુ;  
 ચઉગે નવગે પણગે, તહેવ જ્ઞણુત્તરેસુ ભવે. .... ૧૧૩

ઇગવીસ સયા પુઢવી, વિમાણમિક્કારસેવ ય સયાઇં;  
 બત્તીસ જોયણ સયા, મિલિયા સવ્વત્થ નાયવ્વા. .... ૧૧૪  
 પણ ચઉ તિ દુ વન્નવિમાણ, સધય દુસુ દુસુ ય જા સહસ્સારો;  
 ઉવરિ સિય ભવણવંતર-જોઇસિયાણં વિવિહવન્ના. .... ૧૧૫  
 રવિણો ઉદયત્થંતર, ચઉનવઇ સહસ્સ પણસય છવીસા;  
 બાયાલ સટ્ઠિ ભાગા, કક્કડસંકંતિ દિયહંમિ. .... ૧૧૬  
 એયંમિ પુણો ગુણિએ, તિ પંચ સગ નવહિં હોઇ કમમાણં;  
 તિગુણંમિ ય દોલકખા, તેસીઇ સહસ્સ પંચસયા. .... ૧૧૭  
 અસીઈ છસટ્ઠિ ભાગા, જોયણ ચઉલકખ બિસત્તરિસહસ્સા;  
 છચ્ચ સયા તેત્તીસા, તીસકલા પંચ ગુણિયંમિ. .... ૧૧૮  
 સત્તગુણો છલકખા, ઇગસટ્ઠિ સહસ્સ છસય છાસીયા;  
 ચઉપન્નકલા તહ નવ-ગુણંમિ અડલકખ સડ્ઢાઓ. .... ૧૧૯  
 સત્તસયા ચત્તાલા, અટ્ઠારસકલા ય ઇય કમા ચઉરો;  
 ચંડા ચવલા જયણા, વેગા ય તહા ગઈ ચઉરો. .... ૧૨૦  
 ઇત્થ ય ગઇં ચઉત્થિં જયણયરિં નામ કેઇ મન્તંતિ;  
 એહિં કમેહિં મિમાહિ ગઇહિં ચઉરો સુરા કમસો. .... ૧૨૧  
 વિકખંભં આયામં, પરિહિં અબ્બિંતરં ચ બાહિરિયં;  
 જુગવં મિણંતિ છમ્માસ, જાવ ન તહાવિ તે પારં. .... ૧૨૨  
 પાવંતિ વિમાણાણં, કેસિં પિહુ અહવ તિગુણયાઇએ;  
 કમ ચઉગે પત્તેયં, ચંડાઈ ગઈ ઉ જોઇજજા. .... ૧૨૩

- તિગુણે કપ્પચઉગે, પંચ ગુણેશં તુ અટ્ઠસુ મુણિજ્જા;  
 ગેવિજ્જે સત્તગુણેશં, નવ ગુણેણુત્તરચઉક્કે. .... ૧૨૪
- પઢમપચરંમિ પઢમે-કપ્પે ઉડુનામ ઇંદયવિમાણં;  
 પણયાલલકખજોચણ, લકખં સવ્વુવરિસવ્વટ્ઠં. .... ૧૨૫
- ઉડુ ચંદ રચય વગ્ગુ, વીરિયે વરુણો તહેવ આણંદે;  
 બંભે કંચણ રુઠરે, ચંદ અરુણો ય વરુણો ય. .... ૧૨૬
- વેરુલિય રચગ રુઠરે, અંકે ફલિદે તહેવ તવણિજ્જે;  
 મેહે અઘ્ઠ હલિદે, નલિણો તહ લોહિયકખે ય. .... ૧૨૭
- વઠરે અંજણ વરમાલ, રિટ્ઠ દેવે ય સોમ મંગલએ;  
 બલભદે ચક્ક ગયા, સોવત્થિય ણંદિયાવત્તે. .... ૧૨૮
- આભંકરે ય ગિહ્ધી, કેણિ ગરુલે ય હોઇ બોધવ્વે;  
 બંભે બંભહિએ પુણ, બંભુત્તર લંતએ ચેવ. .... ૧૨૯
- મહસુક્ક સહસ્સારે, આણય તહ પાણએ ય બોધવ્વે; .  
 પુષ્કે લંકાર આરણ, તહા વિય અચ્ચુએ ચેવ. .... ૧૩૦
- સુદંસણ સુપરિબદ્ધે, મણોરમે ચેવ હોઇ પઢમ તિગે;  
 તત્તો ય સવ્વભદે, વિસાલએ સુમણો ચેવ. .... ૧૩૧
- સોમણસે પીઇકરે, આઇચ્ચે ચેવ હોઇ તઇય તિગે;  
 સવ્વટ્ઠસિદ્ધિ નામે, ઇંદયા એવ બાસટ્ઠી. .... ૧૩૨
- પણયાલીસં લકખા, સીમંતય માણુસં ઉડુ સિવં ચ;  
 અપચટ્ઠાણો સવ્વટ્ઠ જંબૂદીવો ઇમં લકખં. .... ૧૩૩

અહ ભાગા સગ પુઢવીસુ, રજજુ ઇકિક્ક તહેવ સોહમ્મે;  
 માહિંદ લંત સહસાર, અચ્યુઅ ગેવિજજ લોગંતે..... ૧૩૪  
 સમ્મત ચરણ સહિયા, સવ્વં લોગં ફુસે નિરવસેસં;  
 સત્ત ય ચઉદસ ભાએ, પંચ ય સુય દેસવિરઇએ. .... ૧૩૫  
 ભવણ વણ જોઇ સોહમ્મી સાણે સત્તહત્થતણુમાણં;  
 દુ દુ દુ ચઉક્કે ગેવિજજણુત્તરે હાણિઇકિક્કં..... ૧૩૬  
 કપ્પ દુગ દુ દુ દુ ચઉગે, નવગે પણગે ય જિટ્ઠ ઠિઇ અપરા;  
 દો સત્ત ચઉદ ટ્ઠારસ, બાવીસિગતીસ તિત્તીસા. .... ૧૩૭  
 વિવરે નાણિક્કુણે, ઇકકારસગા ઉ પાડિએ સેસા;  
 હત્થિક્કારસભાગા, અચરે અચરે સમહિયંમિ..... ૧૩૮  
 ચય પુવ્વસરીરાઓ, કમેણ ઇગુત્તરાઇ વુડ્ઢીએ;  
 એવં ઠિઇવિસેસા, સણંકુમારાઇતણુમાણં. .... ૧૩૯  
 ભવધારણિજજ એસા, ઉત્તરવેઉવ્વિ જોયણા લકખં;  
 ગેવિજજણુત્તરેસુઉત્તરવેઉવ્વિયાનત્થિ. .... ૧૪૦  
 સાહાવિયવેઉવ્વિય, તણુ જહન્ના કમેણ પારંભે;  
 અંગુલ-અસંખભાગો, અંગુલસંખિજજભાગો ય. .... ૧૪૧  
 સામન્નેણં ચઉવિહ-સુરેસુ બારસમુહુત્તઉક્કોસા;  
 ઉવવાયવિરહકાલો, અહ ભવણાઇસુ પત્તેયં. .... ૧૪૨  
 ભવણ વણ જોઇ સોહમ્મી-સાણેસુ મુહુત્ત ચઉવીસં;  
 તો નવદિણ વીસમુહુ, બારસદિણ દસમુહુત્તાય..... ૧૪૩



બાવીસ સડ્ઢ દિયહા પણાપાલ અસીઘ દિણ સયં તત્તો;  
 સંખિજ્જા દુસુમાસા, દુસુવાસા તિસુ તિગેસુ કમા..... ૧૪૪  
 વાસાણ સયા સહસ્સા, લકખ તહ ચઉસુ વિજયમાઈસુ;  
 પલિયા અસંગભાગો, સવ્વટ્ઠે સંખભાગો ય. .... ૧૪૫  
 સવ્વેસિંપિ જહત્તો, સમઓ એમેવ ચવણ વિરહો વિ;  
 ઇગ દુતિસંખમસંખા, ઇગ સમએ હુન્તિ ય ચવંતિ. ... ૧૪૬  
 નર પંચિંદિય તિરિયા ષુપ્પત્તી સુરભવે પજ્જતાણં;  
 અજ્જવસાય વિસેસા, તેસિં ગઇ તારતમ્મં તુ. .... ૧૪૭  
 નરતિરિ અસંખજ્જવી, સવ્વે નિયમેણ જંતિ દેવેસુ;  
 નિયઆઉય સમ-હીણા-ઉએસુ ઇસાણ અંતેસુ..... ૧૪૮  
 જંતિ સમુચ્છિમતિરિયા ભવણવણેસુ ન જોઇમાઇસુ;  
 જં તેસિં ઉવવાઓ, પલિયાઠ સંખંસ આઊસુ. .... ૧૪૯  
 બાલતવે પડિબદ્ધા, ઉક્કડરોસા તવેણ ગારવિયા;  
 વેરેણ ય પડિબદ્ધા, મરિઉં અસુરેસુ જાયંતિ..... ૧૫૦  
 રજ્જુગહ વિસભકખણ-જલજલણપવેસ તણહ છુહદ્ધહઓ;  
 ગિરિસિરપડણાઉ મુઆ, સુહભાવાહુંતિ વંતરિયા. .... ૧૫૧  
 તાવસ જા-જોઇસિયા, ચરગપરિવ્વાય બંભલોગો જા;  
 જા સહસ્સારો પંચિંદિ તિરિય જા અચ્ચુઓ સડ્ઢા. .... ૧૫૨  
 જઇલિંગ મિચ્છદિટ્ઠિઠ, ગેવિજ્જા જાવ જંતિ ઉક્કોસં;  
 પયમવિ અસદહંતો, સુત્તથં મિચ્છદિટ્ઠિઠઓ. .... ૧૫૩

સુતં ગણહરરઘયં, તહેવ પત્તેયબુદ્ધ રઘયં ચ;  
 સુયકેવલિણા રઘયં, અભિન્નદસપુલ્લિણા રઘયં. .... ૧૫૪  
 છઉમત્થસંજયાણં, ઉવવા ઉક્કોસઓ અ સવ્વટ્ઠે;  
 તેસિં સડ્ઢાણં પિ ચ, જહનઓ હોઇ સોહમ્મે. .... ૧૫૫  
 લંતંમિ ચઉદ્ધપુલ્લિસ્સ તાવસાઈણ વંતરેસુ તહા;  
 એસો ઉવવાયવિહિ, નિયકિરિયઠિયાણ સવ્વોવિ. .... ૧૫૬  
 વજ્જરિસહનારાયં, પઢમં બીયં ચ રિસહ નારાયં;  
 નારાય મદ્ધનારાયં, કીલિયા તહ ચ છેવટ્ઠં. .... ૧૫૭  
 એએ છ સંઘયણા, રિસહો પટ્ટો ચ કીલિયા વજ્જં;  
 ઉભઓ મક્કડબંધો, નારાઓ હોઇ વિન્નેઓ. .... ૧૫૮  
 છ ગબ્ભતિરિનરાણં સમુચ્છિમપણિંદિવિગલ છેવટ્ઠં;  
 સુરનેરઘયા એગિંદિયા ચ સવ્વે અસંઘયણા. .... ૧૫૯  
 છેવટ્ઠેણં ઉ ગમ્મઇ, ચઉરો જા કપ્પ કીલિયાઈસુ;  
 ચઉસુ દુ દુ કપ્પ વુડ્ઢી, પઢમેણં જાવ સિદ્ધી વિ. .... ૧૬૦  
 સમચઉરંસે નગ્ગોહ, સાઇ વામણ ચ ખુજ્જ હુંડે ચ;  
 જવાણ છસંઠાણા, સવ્વત્થ સુલકખણં પઢમં. .... ૧૬૧  
 નાહીએ ઉવરિબીયં, તઇયમહો પિટ્ઠિઉયરઉર વજ્જં;  
 સિરગીવ પાણિ પાએ, સુલકખણં તં ચઉત્થં તુ. .... ૧૬૨  
 વિવરીયં પંચમગં, સવ્વત્થ અલકખણં ભવે છટ્ઠં;  
 ગબ્ભયનરતિરિય છહા, સુરા સમા હુંડયા સેસા. .... ૧૬૩

જંતિ સુરા સંખાઉ ય, ગબ્ભય પજ્જતમણુય તિરિએસુ;  
 પજ્જતેસુ ય બાયર-ભૂદગ પત્તેયગવણેસુ. .... ૧૬૪  
 તત્થવિ સણંકુમાર-પત્તિઇ એગિંદિએસુ નો જંતિ;  
 આણય પમુહા ચવિઉં, મણુએસુ ચેવ ગચ્છન્તિ. .... ૧૬૫  
 દો કપ્પ કાયસેવી, દો દો દો ફરિસરૂવસદેહિં;  
 ચઉરો મણેણુ વરિમા, અપ્પવિચારા અણંતસુહા. .... ૧૬૬  
 જં ચ કામસુહં લોએ, જં ચ દિવ્વં મહાસુહં;  
 વીયરાયસુહસ્સ ય; ણંતભાગં પિ નગ્ઘઠ. .... ૧૬૭  
 ઉવવાઓ દેવીણં, કપ્પ દુગં-જા પરઓ સહસ્સારા;  
 ગમણાગમણં નત્થિ, અચ્ચુય પરઓ સુરાણંપિ. .... ૧૬૮  
 તિપલિય તિસાર તેરસ, સારા કપ્પ દુગ તઇયલંત અહો;  
 કિબ્બિસિય ન હુન્તિ ઉવરિં, અચ્ચુય પરઓ ભિઓગાઈ. ૧૬૯  
 અપરિગ્ગહદેવીણં, વિમાણ લકખા છ હુંતિ સોહમ્મે;  
 પલિયાઇ સમયાહિય, ઠિઇ જાસિં જાવ દસ પલિયા. .. ૧૭૦  
 તાઓ સણંકુમારા-ણેવં વડ્ઢન્તિ પલિયદસગેહિં;  
 જા બંભસુક્ક આણય આરણ દેવાણ પત્તાસા. .... ૧૭૧  
 ઇસાણે ચઉ લકખા, સાહિય પલિયાઈ સમય અહિય ઠિઇ;  
 જા પત્તર પલિય જાસિં તાઓ માહિંદદેવાણં. .... ૧૭૨  
 એએણ કમેણ ભવે, સમયાહિય પલિયદસગવુડ્ઢીએ;  
 લંત સહસ્સાર પાણય, અચ્ચુયદેવાણ પણ પત્તા. .... ૧૭૩

કિણ્ણા નીલા કાગિ, તેઉ પમ્હા ય સુક્ક લેસ્સાઓ;  
 ભવણ વણ પઢમ ચગિ લેસ, જોઇસ કપ્પ દુગે તેગિ... ૧૭૪  
 કપ્પતિય પમ્હલેસા, લંતાઇસુ સુક્કલેસ હુન્તિ સુરા;  
 કણ્ણાગાભ પઉમકેસર વત્તા દુસુ તિસુ ઉવરિધવલા..... ૧૭૫  
 દસવાસસહસ્સાઇં, જહન-માઉ ધરંતિ જે દેવા;  
 તેસિં ચઉત્થાહારો, સત્તહિં થોવેહિં ઊસાસો..... ૧૭૬  
 આહિ વાહિ વિમુક્કસ્સ, નીસાસૂસ્સાસ એગગો;  
 પાણુ સત્ત ઇમો થોવો, સોવિ સત્તગુણો લવો. .... ૧૭૭  
 લવ સત્તહત્તરીએ, હોઇ મુહૂત્તો ઇમંમિ ઊસાસા;  
 સગતીસ સય તિહુત્તર, તીસ ગુણા તે અહોરત્તે..... ૧૭૮  
 લક્ખં તેરસ સહસા, નઉયસયં અચરસંખયા દેવે;  
 પક્ખેહિં ઊસાસો વાસસહસ્સેહિં આહારો. .... ૧૭૯  
 દસવાસસહસ્સુવરિં, સમયાઈ જાવ સાગરં ઊણં;  
 દિવસમુહુત્ત પુહુત્તા, આહારૂસાસ સેસાણં. .... ૧૮૦  
 સરીરેણ ઓયાહારો, તયાઇ ફાસેણ લોમઆહારો;  
 પક્ખે વા હારો પુણ, કાવલિઓ હોઇ નાયવ્વો. .... ૧૮૧  
 ઓયાહારા સવ્વે અપજ્જત્ત પજ્જત્ત લોમ આહારો;  
 સુરનિરય ઇગિંદિવિણા, સેસા ભવત્થા સપક્ખેવા. .... ૧૮૨  
 સચિત્તચિત્તોભય, રૂવો આહાર સવ્વતિરિયાણં;  
 સવ્વનરાણં ચ તહા, સુરનેરઇયાણ અચ્ચિત્તો. .... ૧૮૩

આભોગાણાભોગા, સવ્વેસિં હોઇ લોમઆહારો;  
 નિરયાણં અમણુત્રો, પરિણમઇ સુરાણ સમણુત્રો. .... ૧૮૪  
 તહ વિગલ નારયાણં, અંતમુહુત્તા સ હોઇ ઉક્કોસો;  
 પંચિંદિતિરિનરાણં, સાહાવિઓ છટ્ઠ અટ્ઠમઓ. .... ૧૮૫  
 વિગ્ગહગઇમાવત્તા, કેવલિણો સમુહયા અજોગી ય;  
 સિદ્ધા ય અણાહારા, સેસા આહારગા જીવા. .... ૧૮૬  
 કેસટ્ઠિંઠ મંસ નહ રોમ, રુહિર વસ ચમ્મ મુત્ત પુરિસેહિં;  
 રહિયા નિમ્મલદેહા, સુગંધનીસાસ ગયલેવા..... ૧૮૭  
 અંતમુહુત્તેણં ચિય, પજજતા તરુણપુરિસસંકાસા;  
 સવ્વંગભૂસણધરા, અજરા નિરુયા સમા દેવા. .... ૧૮૮  
 અણિમિસનયણા મણ-કજ્જસાહણા પુફ્ફદામ અમિલાણા;  
 ચઉરંગુલેણ ભૂમિં, ન છિવન્તિ સુરા જિણા ણિતિ. .... ૧૮૯  
 પંચસુ જિણકલ્લાણેસુ, ચેવ મહરિસિતવાણુભાવાઓ;  
 જમ્મંતરનેહેણ ય, આગચ્છન્તિ સુરા ઇહયં. .... ૧૯૦  
 સંકંતદિવ્વપેમા, વિસયપસત્તા સમત્તકત્તવ્વા;  
 અણાહીણમણુયકજ્જા, નરભવમસુહં ન ઇંતિ સુરા. ... ૧૯૧  
 ચત્તારિ પંચ જોયણ સયાઇં ગંધો ય મણુયલોગસ્સ;  
 ઉડ્ઢં વચ્ચઇ જેણં, ન હુ દેવા તેણ આવન્તિ..... ૧૯૨  
 દોકપ્પ પઢવિં, દો દો દો બીય તઇયગં ચઉત્થિં;  
 ચઉ ઉવરિમ ઓહીએ, પાસન્તિ પંચમં પુઢવિં. .... ૧૯૩

સટ્ટિંઠં છ ગેવિજ્જા, સત્તમીયરે અણુત્તરસુરા ઉ;  
 કિંચૂણાલોગનાલિં, અસંખદીવુદહિ તિરિયં તુ..... ૧૯૪  
 બહુઅરગં ઉવરિમગા, ઉડ્ઠં સવિમાણચૂલિયધયાઈ;  
 ઊણદ્ધસાગરે સંખજોયણા તપ્પરમસંખા. .... ૧૯૫  
 પણવીસજોયણલહુ, નારય ભવણ વણ જોઈ કપ્પાણં;  
 ગેવિજ્જણુત્તરાણ ય, જહસંખંઓહિ આગારા..... ૧૯૬  
 તપ્પાગારે પલ્લગ, પડહગ જલ્લરિ મુછંગ પુષ્ક જવે;  
 તિરિયમણુએસુઓહિ, નાણવિહસંઠિઓ ભણિઓ..... ૧૯૭  
 ઉડ્ઠં ભવણવણાણં, બહુગો વેમાણિયાણહહો ઓહી;  
 નારય જોઈસ તિરિયં, નરતિરિયાણં અણોગવિહો..... ૧૯૮  
 ઇય દેવાણં ભણિયં, ઠિઈ પમુહં નારયાણ વુચ્છામિ;  
 ઇગ તિન્નિ સત્ત દસ સત્તર, અયર બાવીસ, તિત્તીસા.. ૧૯૯  
 સત્ત ય પુઠવીસુ ઠિઈ, જિટ્ઠોવરિમાઈ હિટ્ઠપુઠવીએ;  
 હોઈ કમેણ કણિટ્ઠા, દસવાસ સહસ્સ પઠમાએ..... ૨૦૦  
 નવઈ સમ સહસ લક્ખા, પુવ્વાણં કોડી અયર દસ ભાગા;  
 ઇકકકભાગ વુચ્છિ, જા અયરં તેરસે પયરે. .... ૨૦૧  
 ઇય જિટ્ઠજહન્ના પુણ, દસ વાસ સહસ્સ લક્ખ પયરદુગે;  
 સેસેસુ ઉવરિ જિટ્ઠા, અહો કણિટ્ઠાઉ પઈ પુઠવી.... ૨૦૨  
 ઉવરિખિઈ ઠિઈવિસેસો, સગપયર વિહત્તુ ઇચ્છ સંગુણિઓ;  
 ઉવરિખિઈ ઠિઈ સહિઓ, ઇચ્છિયપયરંમિ ઉક્કોસા. .. ૨૦૩

બંધણ ગઈ સંઠાણા, ભેયા વન્ના ય ગંધ રસ ફાસા;  
 અગુરુ લહુ સદ દસહા, અસુહા વિય પુગ્ગલા નિરએ. ૨૦૪  
 નરયા દસવિહવેયણ, સી ઉસિણ ખુહ પિવાસ કંડૂહિં;  
 પરવસ્સં જર દાહં, ભય સોગં ચેવ વેયંતિ. .... ૨૦૫  
 સત્તસુ ખિત્તજવિયણા, અણ્ણુણ કયાવિ પહરણોહિ વિણા;  
 પહરણાકયા વિ પંચસુ, તિસુ પરમાહમ્મિય કયાવિ. ... ૨૦૬  
 રયણપ્પહ સક્કરપહ વાલુયપહ પંકપહ ય ધૂમપહા;  
 તમપહા તમતમપહા, કમેણ પુઢવીણ ગોત્તાઈં. .... ૨૦૭  
 ઘમ્મા વંસા સેલા, અંજણ રિટ્ઠા મઘા ય માઘવઈ;  
 નામેહિં પુઢવીઓ, છત્તાઈછત્તસંઠાણા. .... ૨૦૮  
 અસીય બત્તીસ અડવીસ, વીસા અટ્ઠાર સોલ અડસહસા;  
 લક્ખુવરિ પુઢવિપિંડો, ઘણુદહિ ઘણવાય તણુવાયા. ... ૨૦૯  
 ગયણં ચ પઈટ્ઠાણં, વીસસહસ્સાઈં ઘણુદહીપિંડો;  
 ઘણતણુ વાયાગાસા, અસંખજોયણ જુયા પિંડો. .... ૨૧૦  
 ન કુસંતિ અલોગં, ચઉદ્ધિસંપિ પુઢવી ય વલયસંગહિયા;  
 રયણાએ વલયાણં, છ દ્વપંચમ જોયણં સડ્ઢં. .... ૨૧૧  
 વિકખંભોઘણઉદહી ઘણતણુવાયાણ હોઈ જહસંખં;  
 સતિભાગ ગાઉયં, ગાઉયં ચ તહ ગાઉયતિભાગો. .... ૨૧૨  
 પઢમમહીવલએસું, ખિવિજજ એયં કમેણ બીયાએ;  
 દુ તિ ચઉ પંચ છ ગુણં, તઈયાઈસુ તંપિ ખિવ કમસો. ૨૧૩

મજ્જે ચિય પુઢવી અહે, ઘણુદહિપમુહાણ પિંડપરિમાણં;  
 ભણિયં તઓ કમેણં, હાયઇ જા વલયપરિમાણં..... ૨૧૪  
 તીસ પણવીસ પત્તરસ, દસતિત્તિ પણુણ એગલકખાઇં;  
 પંચ ય નરયા કમસો, ચુલસી લકખાઇં સત્તસુ વિ. .... ૨૧૫  
 તેરિક્કારસ નવ સગ, પણ તિત્તિગ પયર સવ્વિગુણવત્તા;  
 સીમંતાઇ અપ્પઇઠાણંતા ઇંદયા મજ્જે. .... ૨૧૬  
 તેહિંતો દિસિ વિદિસિ, વિણિગ્ગયા અટ્ઠ નિરયઆવલીઆ;  
 પઢમે પયરે દિસિ ગુણ-વત્ત વિદિસાસુ અડયાલા..... ૨૧૭  
 બીયાઇસું પયરેસુ, ઇગ ઇગ હીણા ઉ હુન્તિ પંતીઓ;  
 જાસત્તમીમહીપયરે, દિસિ ઇક્કિક્કો વિદિસિ નત્થિ. ... ૨૧૮  
 ઇટ્ઠપયરેગ દિસિ-સંખઅડગુણા ચઉવિણા સઇગસંખા;  
 જહ સીમંતયપયરે, એગુણનઉયા સયાતિત્તિ..... ૨૧૯  
 અપયટ્ઠાણો પંચ ઉ, પઢમો મુહમંતિમો હવઇ ભૂમી;  
 મુહભૂમી સમાસદ્ધં, પયરગુણં હોઇ સવ્વધણં. .... ૨૨૦  
 છત્તવઇસય તિવત્તા, સત્તસુ પુઢવીસુ આવલી નિરયા;  
 સેસ તિયાસી લકખા, તિસય સિયાલા નવઇ સહસા... ૨૨૧  
 તિસહસ્સુગ્ગ્યા સવ્વે, સંખમસંખિજ્જ વિત્થડાયામા;  
 પણયાલલકખ સીમંતઓ ય લકખં અપઇટ્ઠાણો..... ૨૨૨  
 છસુ હિટ્ઠોવરિ જોયણસહસ્સ બાવત્ત સડ્ઢયરિમાએ;  
 પુઢવીએ નરયરહિયં, નરયા સેસંમિ સવ્વાસુ. .... ૨૨૩



બિસહસ્સૂણા પુઠવી, તિસહસ્સગુણોહિં નિયયપયરેહિં;  
 ઊણા રુવૂણા નિય પયરભાઈયા પત્થડંતરયં. .... ૨૨૪  
 પઉણાટ્ઠ ધણુ છ અંગુલ, રયણાએ દેહમાણમુક્કોસં;  
 સેસાસુ દુગુણા દુગુણં, પણ ધણુ સય જાવચરમાએ. .... ૨૨૫  
 રયણાએ પઠમપયરે, હત્થતિયદેહમાણ મણુપયરં;  
 છપ્પત્રંગુલસડ્ઠા, વુડ્ઠી જા તેરસે પુત્રં. .... ૨૨૬  
 જં દેહપમાણં ઉવરિમાએ, પુઠવીઈ અંતિમે પયરે;  
 તં ચિય હિટ્ઠિમપુઠવીપઠમપયરંમિ બોદ્ધવ્વં. .... ૨૨૭  
 તં ચેગુણાગ સગપયર-ભઈયં બીયાઇપયરવુડ્ઠિભવે;  
 તિકર તિઅંગુલ કરસત્ત, અંગુલા સડ્ઠિગુણવીસં. .... ૨૨૮  
 પણધણુ અંગુલવીસં, પનરસધણુ દુત્તિ હત્થ સડ્ઠા ય;  
 બાસટ્ઠિ ધણુહ સડ્ઠા, પણ પુઠવી પયર વુડ્ઠિ ઇમા. ૨૨૯  
 ઇઅ સાહાવિય દેહો, ઉત્તરવેઉવ્વિઓ ય તદુગુણો;  
 દુવિહો વિ જહત્ત કમા, અંગુલ અસંખ સંખંસો. .... ૨૩૦  
 સત્તસુ ચઉવીસ મુહ્હ, સગ પત્તર દિણોગ દુ ચઉ છમ્માસા;  
 ઉવવાયચવણવિરહો, ઓહે બારસ મુહ્હત્ત ગુરૂ. .... ૨૩૧  
 લહુઓ દુહાવિ સમઓ, સંખા પુણ સુરસમા મુણેયવ્વા;  
 સંખાઉ પજ્જત્ત પણિંદિ-તિરિનરા જંતિ નરએસુ. .... ૨૩૨  
 મિચ્છદિટ્ઠિ મહારંભ, પરિગ્ગહો તિવ્વકોહ નિસ્સીલો;  
 નરયાઉઅં નિબંધઇ, પાવમઈ રુદ્ધપરિણામો. .... ૨૩૩

અસન્નિ સરિસિવ પકખી, સીહ ઉરગિત્થિ જન્તિ જો છટ્ઠિંઠ;  
 કમસો ઉક્કોસેણં, સત્તમવુઢવિં મણુય મચ્છા. .... ૨૩૪  
 વાલા દાઢી પકખી, જલયર નરયાગયા ઉ અઇકૂરા;  
 જંતિ પુણો નરએસુ, બાહુલ્લેણં ન ઉણ નિયમો. .... ૨૩૫  
 દો પઢમ પુઢવિગમણં, છેવટ્ઠે કીલિયાઇ સંઘયણે;  
 ઇક્કિક્ક પુઢવિવુઢ્ઢી, આઇતિલેસ્સા ઉ નરએસું. .... ૨૩૬  
 દુસુ કાગિ તઇયાએ, કાગિ નીલાય નીલ પંકાએ;  
 ધૂમાએ નીલકિણ્ણા, દુસુકિણ્ણા હુન્તિ લેસ્સાઓ. .... ૨૩૭  
 સુરનારયાણ તાઓ, દવ્વલેસા અવટ્ઠિઠઆ ભણિયા;  
 ભાવપરાવત્તીએ, પુણ એસિં હુન્તિ છલ્લેસા. .... ૨૩૮  
 નિરઉવ્વટ્ઠા ગબ્ભય, પજ્જત સંખાઉ લલ્લિ એએસિં;  
 ચક્કિ હરિજુઅલ અરિહા, જિણજઇદિસિ સમ્મ પુહવિક્કમા. ૨૩૯  
 રયણાએ ઓહિ ગાઉઅ, ચત્તારિ અહ્હુટ્ઠ ગુરુ લહુ કમેણા;  
 પઇ પુઢવિ ગાઉયહ્હં, હાયઇ જા સત્તમિ ઇગહ્હં. .... ૨૪૦  
 ગબ્ભનર તિપલિયાગિ, તિગાઉ ઉક્કોસ તે જહત્તેણં;  
 મુચ્છિમ દુહાવિઅંતમુહ્હ, અંગુલઅસંખભાગતણૂ. .... ૨૪૧  
 બારસમુહુત્ત ગબ્ભે, ઇયરે ચઉવીસ વિરહ ઉક્કોસો;  
 જમ્મમરણોસુ સમઓ, જહત્તસંખા સુરસમાણા. .... ૨૪૨  
 સત્તમ મહિ નેરઇએ, તેગિ વાગિ અસંખ નર તિરિએ;  
 મુત્તૂણ સેસ જીવા, ઉપ્પજજંતિ નરભવંમિ. .... ૨૪૩

સુર નેરઘએહિં ચિય, હવંતિ હરિ અરિહ ચક્કિ બલદેવા;  
 ચગિવિહસુર ચક્કિબલા, વેમાણિય હુન્તિ હરિ અરિહા.૨૪૪  
 હરિણો મણુસ્સ રયણાં, હુન્તિ નાણુત્તરેહિં દેવેહિં;  
 જહ સંભવમુવવાઓ, હયગયએગિંદિરયણાં. .... ૨૪૫  
 વામપમાણં ચક્કં, છત્તં દંડં દુહત્થયં ચમ્મં;  
 બત્તીસંગુલખગ્ગો, સુવન્નકાગિણિ ચઉરંગુલિયા. .... ૨૪૬  
 ચઉરંગુલો દુઅંગુલ પિહુલોય મણિ પુરોહિ ગય તુરયા;  
 સેણાવઘ ગાહાવઘ, વડ્ઢ ઇત્થી ચક્કિરયણાં. .... ૨૪૭  
 ચક્કં ઘણુહં ખગ્ગો, મણી ગયા તહ ય હોઇ વણમાલા;  
 સંખ સત્ત ઇમાઇં, રયણાં વાસુદેવસ્સ. .... ૨૪૮  
 સંખ નરા ચઉસુ ગઇસુ, જંતિ પંચસુવિ પઢમસંઘયણે;  
 ઇગ દુ તિ જા અટ્ઠસયં, ઇગસમએ જંતિ તે સિદ્ધિં. . ૨૪૯  
 વીસિત્થિ દસ નપુંસગ, પુરિસટ્ઠસયં તુ એગસમએણં;  
 સિજ્જઇ ગિહિ અન્ન સલિંગ, ચઉ દસ અટ્ઠાહિય સયંચ.૨૫૦  
 ગુરુલહુ મજ્જિમ દો ચઉ, અટ્ઠસયં ઉડ્ઢહો તિરિયલોએ;  
 ચઉબાવીસટ્ઠસયં, દુ સમુદે તિન્નિ સેસજલે. .... ૨૫૧  
 નરયતિરિયાગયા દસ, નરદેવ ગઇઉ વીસ અટ્ઠસયં;  
 દસ રયણા સક્કર વાલુયાઉ, ચઉ પંક ભૂદગઓ. .... ૨૫૨  
 છચ્ચ વણસ્સઇ દસ તિરિ, તિરિત્થી દસ મણુય વીસ નારીઓ;  
 અસુરાઇ-વંતરા દસ, પણ તદેવિઉ પત્તેયં. .... ૨૫૩

જોઈ દસ દેવિ વીસં, વેમાણિયટ્ઠસય વીસ દેવીઓ;  
 તહ પુંવેએહિંતો, પુરિસો હોગિણ અટ્ઠસયં. .... ૨૫૪  
 સેસટ્ઠ ભંગએસુ, દસ દસ સિજ્ઞન્તિ એગસમએણં;  
 વિરહો છમાસ ગુરુઓ, લહુ સમઓ ચવણમિહ નત્થિ. ૨૫૫  
 અડ સગ છ પંચ ચઉ તિન્નિ, ઇક્કો ય સિજ્ઞમાણેસુ;  
 બત્તીસાઇસુ સમયા, નિરંતરં અંતરં ઉવરિં. .... ૨૫૬  
 બત્તીસા અડયાલા, સટ્ઠી બાવત્તરી ય બોધવ્વા;  
 ચુલસીઇ છન્નવઇ, દુરહિય-મટ્ઠુત્તર સયં ચ. .... ૨૫૭  
 પણયાલલકખજોયણ, વિક્ખંભા સિદ્ધ સિલ ફલિહવિમલા;  
 તદુવરિગ જોયણંતે, લોગંતો તત્થ સિદ્ધઠિઇ. .... ૨૫૮  
 બાવીસ સગ તિ દસવાસ-સહસ ગણિતિદિણ બેઇંદિયાઇસુ;  
 બારસ વાસુણપણ દિણ, છમ્માસતિપલિયઠિઇ જિટ્ઠા. ૨૫૯  
 સણહા ય સુદ્ધ વાલુય, મણોસિલા સક્કરાય ખર પુઢવી;  
 ઇગ બાર ચઉદ સોલસ, ટ્ઠારસ બાવીસ સમસહસા.. ૨૬૦  
 ગબ્ભ ભુય જલયરોભય, ગબ્ભોરગ પુવ્વ કોડિ ઉક્કોસા;  
 ગબ્ભચઉપ્પય-પક્ખિસુ, તિપલિય પલિયાઅસંખંસો. ... ૨૬૧  
 પુવ્વસ્સ ઉ પરિમાણં, સયરિં ખલુ વાસ કોડિલકખાઓ;  
 છપ્પન્નં ચ સહસ્સા, બોધવ્વા વાસકોડીણં. .... ૨૬૨  
 સમુચ્છિમપણિંદિ થલખયર, ઉરગ ભુયગ જિટ્ઠઠિઇ કમસો;  
 વાસ સહસ્સા ચુલસી, બિસત્તરિ તિપન્ન બાયાલા. .... ૨૬૩

એસા પુઢવાઈણાં, ભવઠિઈ કાયઠિઈ;  
 સંપયં તુ ચઉ એગિંદિસુ ણેયા, ઉસ્સપ્પિણિઓ અસંખિજ્જા. ૨૬૪  
 તાઓ વણંમિ અણંતા, સંખિજ્જા વાસસહસ વિગલેસુ;  
 પંચિંદિતિરિનરેસુ, સત્તટ્ઠભવા ઉ ઉક્કોસા. .... ૨૬૫  
 સવ્વેસિંપિ જહન્ના, અંતમુહુતં ભવે ય કાયે ય;  
 જોયણસહસમહિયં, એગિંદિય દેહ મુક્કોસં. .... ૨૬૬  
 બિત્તિયઉરિંદિ સરીરં, બારસ જોયણ તિકોસ ચઉકોસં;  
 જોયણસહસ પણિંદિય, ઓહે વોચ્છં વિસેસં તુ. .... ૨૬૭  
 અંગુલઅસંખભાગો, સુહુમનિગોઓ અસંખ ગુણવાગિ;  
 તો અગણિ તઓ આઉ, તત્તો સુહુમા ભવે પુઢવી. .... ૨૬૮  
 તો બાયર વાઉ ગણી, આગિ પુઢવી નિગોય અણુક્કમસો;  
 પત્તેઅવણસરીરં, અહિયં જોયણસહસં તુ. .... ૨૬૯  
 ઉસ્સેહંગુલજોયણં, સહસમાણે જલાસએ નેયં;  
 તં વલ્લિપઉમપમુહં, અઓ પરં પુઢવીરૂવં તુ. .... ૨૭૦  
 બારસજોયણ સંખો, તિકોસ ગુમ્મીય જોયણં ભમરો;  
 મુચ્છિમ ચગિપય ભુય, ગુરગગાગિ ધણુજોયણપુહુતં. .. ૨૭૧  
 ગબ્ભ ચઉપ્પય છગ્ગાઉયાઇ, ભુયગાઉ ગાઉયપુહુતં;  
 જોયણસહસમુરગા, મચ્છા ઊભયે વિ ય સહસં. .... ૨૭૨  
 પક્કિમ્મદુગ ધણુપ્પુહુતં, સવ્વાણંગુલ અસંખ ભાગલહૂ;  
 વિરહો વિગલાસનીણ, જમ્મમરણેસુ અંતમુહૂ. .... ૨૭૩

ગબ્ભે મુહૂત્ત બારસ, ગુરુઓ લહુ સમય સંખ સુરતુલ્લા;  
 અણુ સમયમસંખિજ્જા, એગિંદિય હુંતિ ય ચવંતિ. .... ૨૭૪  
 વણકાઇઓ અણંતા, ઇક્કોક્કાઓ વિ જં નિગોયાઓ;  
 નિચ્ચમસંખો ભાગો, અણંતજીવો ચયઇ એઇ. .... ૨૭૫  
 ગોલા ય અસંખિજ્જા, અસંખનિગોયઓ હવઇ ગોલા;  
 ઇક્કિક્કંમિ નિગોએ, અણંતજીવા મુણોયવ્વા. .... ૨૭૬  
 અત્થિ અણંતા જીવા, જેહિં ન પત્તો તસાઇ પરિણામો;  
 ઉપ્પજજંતિ ચયંતિ ય, પુણોવિ તત્થેવ તત્થેવ. .... ૨૭૭  
 સવ્વોવિ કિસલઓ ખલુ, ઉગ્ગમમાણો અણંતઓ ભણિઓ;  
 સો ચેવ વિવડ્ઢંતો, હોઇ પરિત્તો અણંતો વા. .... ૨૭૮  
 જયા મોહોદઓ તિવ્વો, અન્નાણં ખુ મહબ્ભયં;  
 પેલવં વેયણીયં તુ, તયા એગિંદિયત્તણં. .... ૨૭૯  
 તિરિએસુ જંતિ સંખાઉ, તિરિ નરા જાદુકપ્પદેવાઓ;  
 પજ્જત્તસંખગબ્ભય, બાયર ભૂદગપરિત્તેસુ. .... ૨૮૦  
 તો સહસારંત સુરા, નિરયા પજ્જત્તસંખગબ્ભેસુ;  
 સંખપણિંદિયતિરિયા, મરિઉંચઉંસુવિ ગઇસુ જન્તિ. .... ૨૮૧  
 થાવર વિગલા નિયમા, સંખાઉય તિરિનરેસુ ગચ્છન્તિ;  
 વિગલાલભ્ભિજ્જા વિરઇ, સમ્મંપિ ન તેઉવાઉ ચુયા. .. ૨૮૨  
 પુઢવી દગ પરિત્તવણા, બાયર પજ્જત્ત હુન્તિ ચઉલેસા;  
 ગબ્ભયતિરિયનરાણં, છલ્લેસા તિન્નિ સેસાણં. .... ૨૮૩

અંતમુહુત્તમિ ગએ, અંતમુહુત્તમિ સેસએ ચેવ;  
 લેસાહિ પરિણયાહિં, જીવા વચ્ચંતિ પરલોયં. .... ૨૮૪  
 તિરિનર આગામિભવ લેસ્સાએ અછગયે સુરા નિરયા;  
 પુવ્વભવ લેસ્સસેસે, અંતમુહુત્તે મરણમિતિ. .... ૨૮૫  
 અંતમુહુત્ત ઠિઇઓ, તિરિયનરાણં હવન્તિ લેસ્સાઓ;  
 ચરિમા નરાણ પુણ નવવાસૂણા પુવ્વકોડી વિ. .... ૨૮૬  
 તિરિયાણ વિ ઠિઇપમુહં, ભણિયમસેસંપિ સંપઇ વુચ્છં;  
 અભિહિયદારબ્ભહિયં, ચઉગઇ જીવાણ સામત્તં. .... ૨૮૭  
 દેવા અસંખનરતિરિ, ઇત્થી પુંવેય ગબ્ભનરતિરિયા;  
 સંખાઉયા તિવેયા, નપુંસગા નારયાઈઆ. .... ૨૮૮  
 આયંગુલેણ વત્થું, સરીરમુસ્સેહઅંગુલેણ તહા;  
 નગપુઢવિ-વિમાણાઇં, મિણસુ પમાણંગુલેણં તુ. .... ૨૮૯  
 સત્થેણ સુતિકખેણ વિ, છિત્તું ભિત્તું ચ જં કિર ન સક્કા;  
 તં પરમાણું સિદ્ધા, વયંતિ આઇં પમાણાણં. .... ૨૯૦  
 પરમાણુ તસરેણુ રહરેણુ, વાલઅગ્ગ લિકખા ય;  
 જૂય જવો અટ્ઠગુણો, કમેણ ઉસ્સેહ અંગુલયં. .... ૨૯૧  
 અંગુલ છક્કં પાઓ, સો દુગુણ વિહત્થિ સા દુગુણ હત્થો;  
 ચઉહત્થં ધણુ દુસહસ, કોસો તે જોયણં ચઉરો. .... ૨૯૨  
 ચઉસયંગુણં પમાણં-ગુલમુસ્સેહંગુલાઉ બોધવ્વં;  
 ઉસ્સેહંગુલ દુગુણં, વીરસ્સાયંગુલં ભણિયં. .... ૨૯૩

પુઢવાઈસુ પત્તેયં, સગ વણ પત્તેય ણાંત દસ ચઉદ્ધ;  
 વિગલે દુ દુ સુરનારય, તિરિ ચઉ ચઉ ચઉદ્ધસ નરેસુ. ૨૯૪  
 એગિંદિએસુ પંચસુ, બાર સગ તિ સત્ત અટ્ટાવીસા ય;  
 વિગલેસુ સત્ત અડ નવ, જલ ખહ ચઉપય ઉરગ ભુયગે. ૨૯૫  
 અદ્ધ તેરસ બારસ, દસ દસ નવગં નરામરે, નિરએ;  
 બારસ છવ્વીસ પણવીસ, હુન્તિ કુલ કોડિ લક્ખાઈં... ૨૯૬  
 ઇગ કોડિ સત્ત નવઈ, લક્ખા સડ્ઢા કુલાણ કોડીણં;  
 સંવુડજોણિ સુરેગિંદિ, નારયા વિયડ વિગલ ગબ્ભુભયા. ૨૯૭  
 અચિત્તજોણિ સુર નિરય, મીસ ગબ્ભે તિભેય સેસાણં;  
 સી ઉસિણ નિરય સુરગબ્ભ, મીસ તે ઉસિણ સેસ તિહા. ૨૯૮  
 હયગબ્ભ સંખવત્તા, જોણી કુમુન્નયાઈ જાયંતિ;  
 અરિહ હરિ ચક્કિરામા, વંસીપત્તાઈ સેસ નરા. .... ૨૯૯  
 આઉસ્સ બંધકાલો, અબાહકાલો ય અંતસમઓ ય;  
 અપવત્તણ-ણપવત્તણ, ઉવક્કમ-ણુવક્કમા ભણિયા. .... ૩૦૦  
 બંધન્તિ દેવ નારય, અસંખ નર તિરિ છમાસ સેસાણિ;  
 પરભવિયાણિ સેસા, નિરુવક્કમ તિભાગ સેસાણિ. .... ૩૦૧  
 સોવક્કમાઉયા પુણ, સેસ તિભાગે અહવ નવમભાગે;  
 સત્તાવીસઈમે વા, અંતમુહુત્તંતિમે વા વિ. .... ૩૦૨  
 જઈમે ભાગે બંધો, આઉસ્સ ભવે અબાહકાલો સો;  
 અંતે ઉજ્જુગઈ ઇગ-સમય વક્ક ચઉ પંચસમયં તા. ... ૩૦૩



ઉજ્જુગઇ પઢમસમએ, પરભવિયં આઉયં તહાહારો;  
 વક્કાઇ બીય સમએ, પરભવિયાઉ ઉદયમેઇ. .... ૩૦૪  
 ઇગ દુ તિ ચઉ વક્કાસુ, દુગાઇસમએસુ પરભવાહારો;  
 દુગવક્કાઇસુ સમયા, ઇગ દો તિન્નિય અણાહારા. .... ૩૦૫  
 બહુકાલ વેયણિજ્જં, કમ્મં અપ્પેણ જમિહ કાલેણં;  
 વેઇજ્જઇ જુગવં ચિય, ઉઇન્ન સવ્વપએ સગ્ગં. .... ૩૦૬  
 અપવત્તણિજ્જમેયં, આઉં અહવા અસેસકમ્મંપિ;  
 બંધસમયે વિ બદ્ધં, સિઢિલં ચિય તં જહા જોગં. .... ૩૦૭  
 જં પુણ ગાઢનિકાયણ, બંધેણં પુવ્વમેવ કિલ બદ્ધં;  
 તં હોઇ અણપવત્તણ, જુગ્ગં કમ વેયણિજ્જફલં. .... ૩૦૮  
 ઉત્તમ ચરમસરીરા, સુરનેરઇયા અસંખનરતિરિયા;  
 હુન્તિ નિરુવક્કમાઓ, દુહાવિ સેસા મુણેયવ્વા. .... ૩૦૯  
 જેણાઉમુવક્કમિજ્જઇ, અપ્પસમુત્થેણ ઇયરગેણાવિ;  
 સો અજ્જવસાણાઇ, ઉવક્કમ-ણુવક્કમો ઇયરો. .... ૩૧૦  
 અજ્જવસાણ નિમિત્તે, આહારે વેયણા પરાઘાએ;  
 ફાસે આણાપાણુ સત્તવિહં ઝિજ્જએ આઉં. .... ૩૧૧  
 આહારસરીરઇંદિય, પજ્જત્તી આણાપાણ ભાસ મણે;  
 ચઉ પંચ પંચ ઇપ્પિય, ઇગ વિગલા સન્નિ સન્નીણં. .... ૩૧૨  
 આહાર સરીર ઇંદિય, ઊસાસ વઊ મણો-ભિનિવ્વત્તી;  
 હોઇ જઓ દલિયાઊ, કરાણં પઇ સાઉ પજ્જત્તી. .... ૩૧૩

પણિંદિય તિબલૂસા-સાઊ દસપાણ ચઉ છ સગ અટ્ઠ;  
 ઇગદ્દુતિ ચઊરિંદિણં, અસન્નિસન્નીણ નવ દસય. .... ૩૧૪  
 સંખિત્તા સંઘયણી, ગુરુત્તર સંઘયણિમજ્જઓ એસા;  
 સિરિસિરિયંદમુણિંદેણ, નિમ્મિયા અપ્પપઢણટ્ઠા. .... ૩૧૫  
 સંખિત્તયરી ઉ ઇમા, સરીરમોગાહણા ય સંઘયણા;  
 સન્ના સંઠાણ કસાય, લેસિંદિય દુ સમુઘ્ઘાયા. .... ૩૧૬  
 દિટ્ઠી દંસણ નાણે, જોગુવઓગોવવાય ચવણ ઠિઈ;  
 પજ્જત્તિ કિમાહારે, સન્નિ ગઈ આગઈ વેએ. .... ૩૧૭  
 મલહારિહેમસૂરીણ, સીસલેસેણ વિરઈયં સમ્મં;  
 સંઘયણિરયણમેયં, નંદઉ જા વીરજિણતિત્થં. .... ૩૧૮

### બૃહત્કાંઠાહણીમાં ઉપયોગી ગાથાઓ

પંચસયા બાવીસા, તિન્નેવસયા ઉ હુંતિ છપ્પન્ના;  
 તિન્નિસયા અડયાલા, સણંકુમારસ્સ વટ્ઠાઈ. .... ૧  
 સત્તરિસયમણૂણં, તિન્નેવસયા હવન્તિ છપ્પન્ના;  
 તિન્નિસયા અડયાલા, વટ્ઠાઈ માહિંદસગ્ગસ્સ. .... ૨  
 ચોવત્તરિ ચુલસીયા, છસુત્તરયા દુવે દુવે સયાઓ;  
 કપ્પંમિ બંભલોએ, વટ્ઠા તંસા ય ચઉરંસા. .... ૩  
 તિનઉય ચેવ સયં, દો ચેવ સયા સયં ચ બાણાઉયં;  
 કપ્પંમિ લંતગંમિ, વટ્ઠા તંસા ય ચઉરંસા. .... ૪  
 અઠ્ઠાવીસં ચ સયં છત્તીસસયં સયં ચ બત્તીસં;  
 કપ્પંમિ મહાસુક્કે, વટ્ઠા તંસા ય ચઉરંસા. .... ૫

- અટ્ટહુત્તરસય સોલસ-સય પુણ અટ્ટહુત્તરં સયં પુણ્ણં;  
કખ્મંમિ સહસ્સારે, વટ્ટા તંસા ય ચઉરંસા. .... ૬
- અડસીઈ બાણઉઈ, અટ્ટઠાસીઈ ય હોઈ બોધવ્વા;  
આણયપાણયકખ્પે, વટ્ટા તંસા ય ચઉરંસા. .... ૭
- ચઉસટ્ટઠી બાવત્તરિ, અડસટ્ટઠી ચેવ હોઈ નાયવ્વા;  
આરણઅચ્ચુકખ્પે, વટ્ટા તંસા ય ચઉરંસા. .... ૮
- પણતીસા ચત્તાલા, છત્તીસા હેટ્ઠિમંમિ ગેવિજ્જે;  
તેવીસા અટ્ટઠાવીસા, ચોવીસા ચેવ મજ્જિમએ. .... ૯
- ઇક્કારસ સોલસ, બારસેવ ગેવિજ્જે ઉવરિમે હુંતિ;  
એક્કં વટ્ટા તંસા, ચઉરો ય અણુત્તરવિમાણે. .... ૧૦
- અચ્ચિ તહાચ્ચિમાલી, વઇરોયણ પભંકર ય ચંદાભં;  
સુરાભં સુક્કાભં, સુપઇટ્ટઠાભં ય રિટ્ટઠાભં. .... ૧૧
- સારસ્સયમાઈચ્ચ્યા, વણ્ણી વરૂણા ય ગદતોયા ય;  
તુસિયા અવ્વાબાહા, અગ્ગિ તહ ચેવ રિટ્ટઠા ય. .... ૧૨
- નાણસ્સ કેવલીણં, ધમ્માયરિયસ્સ સવ્વસાહુણં;  
માઈ અવણ્ણવાઈ, કિલ્લિસિયભાવણં કુણઇ. .... ૧૩
- કોઊય ભૂઇકમ્મે, પસિણાપસિણે નિમિત્તમાજ્જવે;  
ઇરિદ્ધેરસસાયગરૂઓ, અભિઓગં ભાવણં કુણઇ. .... ૧૪
- તેસીયા પંચસયા, ઇક્કારસ ચેવ જોયણ સહસ્સા;  
રયણાએ પત્થંતર, મેગો ચિય જોયણ તિભાગો. .... ૧૫

- સત્તાણવઈ સયાઈ, બીયાએ પત્થડંતરં હોઈ;
- પણહત્તરિ તિન્નિ સયા, બારસ સહસ્સ તઈયાએ. .... ૧૬
- છાવટ્ઠિ સયં સોલસ-સહસ્સ એગો ય દો વિભાગાઈ;
- અડ્ઢાઈજજ સયાઈ, પણવીસસહસ્સ ધૂમાએ. .... ૧૭
- બાવન્નસહસ્સાઈ, પંચેવ હવંતિ જોયણ સયાઈ;
- પત્થડમંતરમેયં, છટ્ઠી પુઢવીએ નાયવ્વં. .... ૧૮
- સીમંતઓ ત્થ પઢમો, બીઓ પુણ રોરૂયત્તિ નામેણ;
- રંભો (ભંતો) ય ત્થ તઈઓ, હોઈ ચઉત્થો ય ઉબ્ભંતો. ૧૯
- સંભંતમસંભંતો, વિબ્ભંતો ચેવ સત્તમો નિરઓ;
- અટ્ઠમઓ ભંતો (તત્તો) પુણ, નવમો સીઓત્તિ નાયવ્વો. ૨૦
- વક્કંતમ વક્કંતો, વિકલો (વિક્કંતો) તહ ચેવ રોરૂઓ નિરઓ;
- પઢમાએ પુઢવીએ, ઇંદયાએએ બોધવ્વા. .... ૨૧
- થણિએ થણાએ ય તસા, મણાએ ચ (વ) ણાએ ય હોઈ નાયવ્વો;
- ઘટ્ટે તહ સંઘટ્ટે, જિબ્ભે અવજિબ્ભએ ચેવ. .... ૨૨
- લોલે લોલાવત્તે, તહેવ ઘણાલોલુએ ય બોધવ્વે;
- બીયાએ પુઢવીએ, ઇક્કારસ ઇંદયા એએ. .... ૨૩
- તત્તો તવિઓ તવણો, તાવણો પંચમો ય નિદ્દહો (નિદ્દાહો);
- છટ્ઠી પુણ પજ્જલિઓ ઉપ્પજ્જલિઓ ય સત્તમઓ. ... ૨૪
- સજ્જલિઓ અટ્ઠમઓ, સંપજ્જલિઓ ય નવમઓ ભણિઓ;
- તઈયાએ પુઢવીએ, નવ ઇંદય નારયા એએ. .... ૨૫

આરે તારે મારે, વચ્ચે તમએ ય હોઇ નાયવ્વે;  
 ખાડખડે ખડખડે, ઇંદય નરયા ય ચઉત્થીએ. .... ૨૬  
 ખાએ તમએ ય તહા, ઊસે ઉ અંધએ ય તહા તિમિસે;  
 ઇય પંચમી પુઢવીએ, નિરય ઇંદયા હુંતિ. .... ૨૭  
 હિમ વદલ લલ્લકે, તિન્નિ નિરય ઇંદયા ય છટ્ઠીએ;  
 એગો ય સત્તમાએ, અપઇટ્ઠાણો ઉ નામેણં. .... ૨૮

### લઘુ ક્ષેત્રસમાસ

વીરં જયસેહરપય-પઇટ્ઠિઠં પણમિઊણ સુગુરં ચ;  
 મંદુ ત્તિ સસરણટ્ઠા, ખિત્તવિઆરાડણુ-મુંછામિ. .... ૧  
 તિરિએગરજ્જુખિત્તે, અસંખદીવોદહીઉ તે સવ્વે;  
 ઉદ્ધારપલિઅપણવીસ, કોડાકોડીસમયતુલ્લા. .... ૨  
 કુરુસગદિણાવિ-અંગુલ, રોમે સગવાર વિહિઅઅડખંડે;  
 બાવન્નસયં સહસા, સગનઉઈ વીસલકખાણુ. .... ૩  
 તે થુલા પલ્લે વિ હુ, સંખિજ્જા ચેવ હુંતિ સવ્વેહવિ;  
 તે ઇક્કિક્ક અસંખે, સુહુમે ખંડે પકખ્ખેહ. .... ૪  
 સુહુમાણુ-નિચિઅ-ઉસેહંગુલ-ચઉકોસ પલ્લિ-ઘણવટ્ટે;  
 પઇસમય-મણુગ્ગહ, નિદ્દિઠઅમ્મિ ઉદ્ધારપલિઉ ત્તિ. .... ૫  
 પઢમો જંબૂ બીઓ, ધાયઇસંડો અ પુકખરો તઇઓ;  
 વારુણિવરો ચઉત્થો, ખીરવરો પંચમો દીવો. .... ૬  
 ઘયવરદીવો છટ્ઠો, ઇકખ્ખુરસો સત્તમો અ અટ્ઠમઓ;  
 નંદીસરો અ અરુણો, નવમો ઇચ્ચાઇઅસંખિજ્જા. .... ૭

- સુપસત્થવત્થુનામા, તિપડોઆરા તહાડરુણાઇઆ;  
 ઇગનામેડવિ અસંખા જાવ ય સૂરાવભાસ ત્તિ. .... ૮  
 તત્તો દેવે નાગે, જકખે ભૂએ સયંભુરમણો અ;  
 એએ પંચ વિ દીવા, ઇગેગનામા મુણોઅવ્વા. .... ૯  
 પઢમે લવણો બીએ, કાલોદહિ સેસએસુ સવ્વેસુ;  
 દીવસમ નામયા જા, સયંભુરમણોદહી ચરમો. .... ૧૦  
 બીઓ તઇઓ ચરમો, ઉદગરસા પઢમ ચઉત્થ પંચમગા;  
 છટ્ટોવિ સનામરસા, ઇકખુરસા સેસજલનિહિણો. .... ૧૧  
 જંબુદીવ પમાણાં, ગુલ-જોઅણ-લકખ-વટ્ટ-વિકખંભો;  
 લવણાઇઆ સેસા, વલયાભા દુગુણદુગુણા ય. .... ૧૨  
 વયરામઇહિં નિઅનિઅ, દીવોદહિ મજ્જગણિઅ મૂલાહિં;  
 અટ્ટઠુચ્ચાહિં બારસ, ચઉમૂલેઉવરિ રુંદાહિં. .... ૧૩  
 વિત્થાર-દુગ-વિસેસો, ઉસ્સેહ વિભત્તખઓ ચઓ હોઇ;  
 ઇઅ ચૂલાગિરિક્કડાઇ, તુલ્લવિકખંભકરણાહિં. .... ૧૪  
 ગાઉદુગુચ્ચાઇ તયટ્ટ-ભાગરુંદાઇ પઉમવેઇએ;  
 દેસૂણ દુજોઅણ વર વણાઇ, પરિમંડિઅ સિરાહિં. .... ૧૫  
 વેઇસમેણ મહયા, ગવકખકડએણ સંપરિત્તાહિં;  
 અટ્ટઠારસૂણચઉભત્ત, પરિહિદારંતરાહિં ચ. .... ૧૬  
 અટ્ટઠુચ્ચ-ચઉસુવિત્થર, દુપાસ-સક્કોસ-કુકુદ્ધારાહિં;  
 પુવ્વાઇ-મહરૂઢેઅ-દેવ, દાર-વિજયાઇનામાહિં. .... ૧૭  
 નાણામણિમય દેહલિ-કવાડ પરિઘાઇ-દાર-સોહાહિં;  
 જગઇહિં તે સવ્વે, દીવોદહિણો પરિક્ખિત્તા. .... ૧૮

- વરતિણ તોરણ-જ્ઞય, છત્ત-વાવિ-પાસાયસેલ-સિલવટ્ટે;  
 વેઇવણે વરમંડવ-ગિહાસણેસું રમંતિ સુરા..... ૧૯
- ઇહ અહિગારો જેસિં, સુરાણ દેવીણ તાણમુખ્પત્તી;  
 નિઅદીવોદહિનામે, અસંખ ઇમે સનયરીસુ..... ૨૦
- જંબૂદીવો છહિં કુલ-ગિરિહિં સત્તહિં તહેવ વાસેહિં;  
 પુવ્વાવર-દીહેહિં, પરિછિત્તો તે ઇમે કમસો. .... ૨૧
- હિમવંસિહરી મહહિમવ-રુષ્પિ-નિસઢો અ ણીલવંતો અ;  
 બાહિરઓ દુદ્ધ ગિરિણો, ઉભઓ વિ સવેઇઆ સવ્વે. ... ૨૨
- ભરહેરવય ત્તિ દુગં, દુગં ચ હેમવય-રણણવયરૂવં;  
 હરિવાસ-રમ્મય-દુગં, મજ્જિત્ત વિદેહુત્તિ સગવાસા..... ૨૩
- દો દીહા ચઉ વટ્ટા, વેઅડ્ઢા ખિત્તઇક્કમજ્જમ્મિ;  
 મેરૂ વિદેહમજ્જે, પમાણમિત્તો કુલગિરીણાં. .... ૨૪
- ઇગ દો ચઉ સય ઉચ્ચા, કણગમયા કણગરાયયા કમસો;  
 તવણિજ્જ-સુવેરુલિઆ, બહિ મજ્જ-ખિંતરા દો દો. .. ૨૫
- દુગ અડ દુત્તીસ અંકા, લક્ખગુણા કમેણ નઉઅસયભઇઆ;  
 મૂલોવરિ સમરૂવં, વિત્થારં ખિંતિ જુઅલતિગે. .... ૨૬
- બાવન્ન-હિઓ સહસો, બારકલા બાહિરાણ વિત્થારો;  
 મજ્જિમગાણ દસુત્તર-બાયાલસયા દસકલા ય. .... ૨૭
- અખિંતરાણ દુકલા, સોલસહસ્સ-ડસયા સબાયાલા  
 ચઉચત્તસહસ દો સય, દસુત્તરા દસકલા સવ્વે. .... ૨૮

ઇગ ચઉ સોલસ અંકા, પુવ્વુત્તવિહીઠ ખિત્તજુઅલતિગે;  
 વિત્થારં બિંતિ તહા, ચઉસટ્ઠિંકો વિદેહસ્સ. .... ૨૯  
 પંચસયા છવ્વીસા, છચ્ચ કલા ખિત્તપઢમજુઅલમ્મિ;  
 બીએ ઇગવીસસયા, પણુત્તરા પંચ ય કલા ય. .... ૩૦  
 ચુલસીસય ઇગવીસા, ઇક્કલા તઇઅગે વિદેહિ પુણો;  
 તિત્તીસસાદસ છસય, ચુલસીઆ તહ કલા ચઉરો. .... ૩૧  
 પણપન્નસહસ સગસય, ગુણનઉઆ નવકલા સયલવાસા;  
 ગિરિખિત્તં કસમાસે, જોઅણલક્ખં હવઇ પુણાં. .... ૩૨  
 પન્નાસસુદ્ધ બાહિરખિત્તે, દલિઅમ્મિ દુસય અડતીસા;  
 તિત્તિ ય કલા ય એસો, ખંડચઉક્કસ્સ વિક્ખંભો. .... ૩૩  
 ગિરિઉવરિ સવેઈદહા, ગિરિ-ઉચ્ચત્તાઉ દસગુણા દીહા;  
 દીહત-અદ્ધરંદા, સવ્વે દસજોઅણુવ્વેહા. .... ૩૪  
 બહિ પઉમપુંડરીયા, મજ્જે તે ચેવ હુંતિ મહપુવ્વા;  
 તેગચ્છિ-કેસરીઆ, અબ્બિંતરિઆ કમેણેસું. .... ૩૫  
 સિરિલચ્છી હિરિબુદ્ધિ, ધીકિત્તી નામિયાઉ દેવીઓ;  
 ભવણાવઇઓ પલિઓ-વમાઉ વરકમલનિલયાઓ. .... ૩૬  
 જલુવરિ કોસદુગુચ્ચં, દહવિત્થરપણસયંસવિત્થારં;  
 બાહલ્લ વિત્થરદ્ધં, કમલં દેવીણ મૂલિલ્લં. .... ૩૭  
 મૂલે કંદે નાલે, તં વયરા-રિટ્ઠ વેરુલિઅરૂવં;  
 જંબુણાયમજ્જા તવણિજ્જ-બહિઅદ્ધલં રત્તકેસરિઅં. .... ૩૮



- કમલદ્વપાયપિહુલુચ્ય, કણગમયકણિણ ગોવરિં ભવણં;  
 અદ્વેગકોસ-પિહુદીહ, ચઉદસય-ચાલ ધણુ હુચ્યં. .... ૩૯
- પચ્છિમદિસિ વિણુ ધણુપણસય ઉચ્ય ઢાઇજજસયપિહુપવેસં;  
 દારતિગં ઇહ ભવણો, મજ્જો દહદેવિસયણિજ્જં. .... ૪૦
- તં મૂલકમલદ્વપ્પમાણ-કમલાણ અહિઅ-સએણં;  
 પરિખિતં તબ્ભવણેસુ, ભૂસણાઇણિ દેવીણં. .... ૪૧
- મૂલપઉમાઉ પુલ્લિં, મહયરિયાણં ચઉણહ ચઉપઉમા;  
 અવરાઇ સત્તપઉમા, અંણિઆહિવઈણ સત્તણહં. .... ૪૨
- વાયવ્વાઇસુ તિસુ સુરિ, સામન્નસુરાણ ચઉસહસપઉમા;  
 અટ્ઠ દસ બાર સહસા, અગ્ગેઆઇસુ તિપરિસાણં. .... ૪૩
- ઇઅ બીઅપરિકખેવો, તઇઅ ચઉસુ વિ દિસાસુ દેવીણં;  
 ચઉ ચઉ પઉમસહસ્સા, સોલસસહસ્સાહ્વરકખાણં. .... ૪૪
- અભિઓગાઇ તિવલઅ, દુત્તીસ-ચત્તા-હયાલ-લકખાઇં;  
 ઇગકોડિ વીસલકખા, સહ્હા વીસં સયં સવ્વે. .... ૪૫
- પુવ્વાવરમેરુમુહં, દુસુ દારતિગં પિ સદિસિ દહમાણા;  
 અસિઇભાગપમાણં, સતોરણં નિગ્ગયનઈઅં. .... ૪૬
- જમુત્તરદારદુગં, સેસેસુ દહેસુ તાણ મેરુમુહા;  
 સદિસિ દહાસિઅભાગા, તયદ્વમાણા ય બાહિરિયા. .... ૪૭
- ગંગા સિંધૂ રત્તા, રત્તવઈ બાહિરં નઇચઉક્કં;  
 બહિદહપુવ્વાવરદાર-વિત્થરં વહઇ ગિરિસિહરે. .... ૪૮

પંચસય ગંતુ નિઅગા-વત્તણકૂડાઉ બહિમુહં વલઇ;  
 પણસયતેવીસેહિં, સાહિઅતિકલાહિં સિહરાઓ. .... ૪૯  
 નિવડઇ મગરમુહોવમ, વયરામય-જિબ્મિઆઇ વયરતલે;  
 નિઅગે નિવાયકુંડે, મુત્તાવલિસમખવાહેણ. ....,..... ૫૦  
 દહદારવિત્થરાઓ, વિત્થરપન્નાસભાગ જડાઓ;  
 જડતાઓ ચઉગુણ દીહાઓ સવ્વજિબ્મીઓ. .... ૫૧  
 કુંડંતો અડજોઅણપિહુલો, જલઉવરિ કોસદુગમુચ્ચો;  
 વેઇજુઓ નઇદેવી-દીવો દહદેવિસમભવણો. .... ૫૨  
 જોઅણસટ્ઠિપિહુત્તા, સવાયઇપ્પિહુલ વેઇતિદુવારા;  
 એએ દસુંડ કુંડા, એવં અન્ને વિ નવરં તે. .... ૫૩  
 એસિં વિત્થારતિગં, પડુચ્ચસમ-દુગુણ-ચઉગુણ ટ્ઠગુણા;  
 ચઉસટ્ઠિ સોલ-ચઉ-દો, કુંડા સવ્વેવિ ઇહ નવઇ. .... ૫૪  
 એઅં ચ નઇચઉક્કં, કુંડાઓ બહિદુવારપરિવૂઠં;  
 સગસહસ નઇસમેઅં, વેઅડ્ઢગિરિં પિ તિંદેઇ..... ૫૫  
 તત્તો બાહિરખિત્તદ્ધ-મજ્ઝાઓ વલઇ પુવ્વઅવરમુહં;  
 નઇસત્તસહસસહિઅં, જગઇતલેણં ઉદહિમેઇ. .... ૫૬  
 ધુરિ કુંડદુવાર સમા, પજ્જંતે દસગુણા ય પિહુલત્તે;  
 સવ્વત્થ મહનઇઓ, વિત્થરપન્નાસભાગુંડા. .... ૫૭  
 પણખિત્તમહનઇઓ, સદારદિસિ દહવિસુદ્ધગિરિઅદ્ધં;  
 ગંતૂણ સજિબ્મીહિં નિઅનિઅકુંડેસુ નિવડંતિ..... ૫૮

નિઅ જિબ્મિઅ પિહુલતા, પણવીસંસેણ મુત્તમજ્ઞગિરિં;  
 જામમુહા પુવ્વુદ્ધિં, ઇઅરા અવરોઅહિમુવિંતિ. .... ૫૯  
 હેમવઇ રોહિઅંસા, રોહિઆ ગંગદુગુણપરિવારા;  
 એરણણવએ સુવણણ રૂપ્પકૂલાઓ તાણ સમા..... ૬૦  
 હરિવાસે હરિકંતા, હરિસલિલા ગંગચઉગુણનઇઆ;  
 એસિં સમા રમ્મયએ, નરકંતા નારિકંતા ય. .... ૬૧  
 સીઓઆ સીઆઓ મહાવિદેહમ્મિ તાસુ પત્તેયં;  
 નિવડઇ પણલકખ-દુત્તીસસહસ અડતીસ નઇસલિલં..... ૬૨  
 કુરુનઇ ચુલસી સહસા, છય્યેવંતરનઇઓ પઇવિજયં;  
 દો દો મહાનઇઓ, ચઉદસહસ્સા ઉ પત્તેયં. .... ૬૩  
 અડસયરિ મહનઇઓ, બારસ અંતરનઇઉ સેસાઓ;  
 પરિઅરનઇ ચઉદસ-લકખા છપ્પત્તસહસા ય. .... ૬૪  
 એગારડ નવકૂડા, કુલગિરિજુઅલત્તિગે વિ પત્તેઅં;  
 ઇઇ છપ્પત્ત્રા ચઉ ચઉ, વકખારેસુ ત્તિ ચઉસટ્ઠી. .... ૬૫  
 સોમણસિ ગંધમાયણિ સગ સગ વિજ્જુપ્પત્તિ માલવંતિ પુણો;  
 અટ્ઠટ્ઠ સયલ તીસં, અડ નંદણિ અટ્ઠ કરિકૂડા. .... ૬૬  
 ઇઅ પણસચઉચ્ચ છાસટ્ઠિઠ-સચ કુડા તેસુ દીહરગિરીણં;  
 પુવ્વનઇ મેરુદિસિ, અંતસિદ્ધકૂડસુ જિણાભવણા..... ૬૭  
 તે સિરિગિહાઓ દોસચ ગુણપ્પમાણા તહેવ તિદુવારા;  
 નવરં અડવીસાહિઅ સચગુણ દારપ્પમાણામિહ..... ૬૮

- પણવીસં કોસસયં સમયઉરસવિત્થડા દુગુણમુચ્ચા;  
 પાસાયા કૂડેસુ, પણસયઉચ્ચેસુ સેસેસુ. .... ૬૯
- બલહરિસહહરિકૂડા, નંદણવણિ માલવંતિ વિજ્જુપભે;  
 ઇસાણુત્તરદાહિણ-દિસાસુ સહસુચ્ચ કણગમયા. .... ૭૦
- વેઅડ્ઢેસુ વિ નવ નવ, કૂડા પણવીસ કોસઉચ્ચા તે;  
 સવ્વે તિસય છડુત્તર, એસુ વિ પુવ્વંતિ જિણકૂડા. .... ૭૧
- તાણુવરિ ચેઇહરા, દહદેવીભવણતુલ્લપરિમાણા;  
 સેસેસુ અ પાસાયા, અદ્ધેગકોસં પિહુચ્ચત્તે. .... ૭૨
- ગિરિકરિકૂડા ઉચ્ચત્તણાઓ, સમ-અદ્ધ-મૂલુવરિરુંદા;  
 રયણમયા નવરિવિઅડ્ઢ, મજ્જિમા તિતિ કણગરૂવા... ૭૩
- જંબૂણાયરયમયા, જગઇસમા જંબુસામલીકૂડા;  
 અટ્ઠટ્ઠ તેસુ દહદેવિ-ગિહસમા ચારુચેઇહરા. .... ૭૪
- તેસિં સમોસહકૂડા, ચઉત્તીસં ચુલ્લકુંડ જુઅલંતો;  
 જંબૂણાએસુ તેસુ અ, વેઅડ્ઢેસું વ પાસાયા. .... ૭૫
- પંચસએ પણવીસે, કૂડા સવ્વે વિ જંબૂદીવમ્મિ;  
 તે પત્તેઅં વરવણજુઆહિ વેઇહિ પરિક્ખિત્તા. .... ૭૬
- ઇસયરિ કૂડેસુ તહા, ચૂલા ચઉવણ-તરૂસુ જિણભવણા;  
 ભણિયા જંબૂદીવે, સદેવયા સેસઠાણેસુ. .... ૭૭
- કરિકૂડ-કુંડ-નઇ-દહ, કુરુ-કંચણ-યમલ-સમવિઅડ્ઢેસુ;  
 જિણભવણવિસંવાઓ, જો તં જાણંતિ ગીઅત્થા. .... ૭૮

- પુવ્વાવરજલહિંતા, દસુચ્યદસપિહુલ મેહલચઉક્કા;  
 પણવીસુચ્યા પત્રાસ-તીસ-દસ-જોઅણ-પિહુતા. .... ૭૯
- વેઇહિં પરિક્ષિતા, સખયરપુર-પત્ર-સટ્ઠિ-સેણિદુગા;  
 સદિસિંદ-લોગપાલો-વભોગિ ઉવરિલ્લ-મેહલયા..... ૮૦
- દુદુ ખંડવિહિઅ-ભરહે, રવયા દુદુ-ગુરુગુહાય રુપ્પમયા;  
 દો દીહા વેઅડ્ઠા, તહા દુતીસં ચ વિજએસુ. .... ૮૧
- નવરં તે વિજયંતા, સખયર-પણપત્રપુર-દુસેણીઆ;  
 એવં ખયરપુરાઇં, સગતીસસયાઇં ચાલાઇં..... ૮૨
- ગિરિવિત્થરદીહાઓ, અડુચ્ય ચઉ પિહુપવેસદારાઓ;  
 બારસપિહુલાઉ અડુ-ચ્યયાઉ વેઅડ્ઠદુગુહાઓ. .... ૮૩
- તમ્મજ્જ ૩જોઅણ, અંતરાઉ તિ તિ વિત્થરાઉ દુનઇઓ;  
 ઉમ્મગ્ગ નિમગાઓ, કડગાઉ મહાનઇગયાઓ. .... ૮૪
- ઇહ પઇમિત્તિં ગુણવત્ત, મંડલે લિહઇ ચક્કિ દુ દુસમુહે;  
 પણસયધણુહપમાણે, બારેગડજોઅણુજ્જોએ. .... ૮૫
- સા તમિસગુહા જીએ, ચક્કી પવિસેઇ મજ્જખંડંતો;  
 ઉસહં અંકિઅ સો જીએ, વલઇ સા ખંડગપવાયા. .... ૮૬
- કયમાલ નટ્ટમાલય-સુરાઉ વદ્ધઇનિબદ્ધસલિલાઓ;  
 જા ચક્કી તા ચિટ્ઠંતિ, તાઓ ઉગ્ધડિયદારાઓ..... ૮૭
- બહિખંડંતો બારસદીહા નવવિત્થડા અઉજ્જપુરી;  
 સા લવણા વેઅડ્ઠા, ચઉદ-હિઅસયં ચિગારકલા. .... ૮૮

ચક્કિવસનઇપવેસે, તિત્થદુગં માગહો પભાસો અ;  
 તાણંતો વરદામો, ઇહ સવ્વે બિહુત્તરસયં તિ..... ૮૯  
 ભરહેરવએ છછઅર-મયાવસપ્પિણિ-ઉસપ્પિણીરૂવં;  
 પરિભમઇ કાલચક્કં, દુવાલસારં સયા વિ કમા. .... ૯૦  
 સુસમસુસમા ય સુસમા, સુસમદુસમા ય દુસમસુસમા ય;  
 દુસમા ય દુસમદુસમા, કમુક્કમા દુસુ વિ અરઇક્કં. .... ૯૧  
 પુવ્વુત્તપલ્લિ-સમસય, અણુગહણાનિટ્ઠિએ હવઇ પલિઓ;  
 દસ કોડિકોડિપલિએહિં, સાગરો હોઇ કાલસ્સ..... ૯૨  
 સાગરચઉત્તિદુકોડા-કોડિમિએ અરતિગે નરાણ કમા;  
 આઊ તિ દુ ઇગપલિઆ, તિદુઇગકોસા તણુચ્ચતં. .... ૯૩  
 તિદુઇગદિણેહિં તૂવરિ-બયરામલમિત્તુ તેસિમાહારો;  
 પિટ્ઠકરંડા દોસય, છપ્પન્ના તદ્દલં ચ દલં. .... ૯૪  
 ગુણવન્નદિણે તહ પનર-પનરઅહિએ અવચ્ચપાલણાયા;  
 અવિ સયલજિઆ જુઅલા, સુમણ સુરૂવા ય સુરગઇઆ. ૯૫  
 તેસિ મત્તંગ ભિંગા તુડિઅંગા જોઇ દીવ ચિત્તંગા;  
 ચિત્તરસા મણિઅંગા, ગેહાગારા અણિઅયકખા. .... ૯૬  
 પાણં ભાયણ પિચ્છણ, રવિપહ દીવપહ કુસુમ માહારો;  
 ભૂસણ ગિહ વત્થાસણ, કપ્પદુમા દસવિહા દિંતિ. .... ૯૭  
 મણુઆઉસમગયાઇ, હયાઇ-ચઉરંસ જાઈ-અટ્ઠંસા;  
 ગોમહિસુટ્ટખરાઇ-પણંસ સાણાઇ-દસમંસા. .... ૯૮

ઇચ્ચાઇ તિરચ્છાણ વિ, પાયં સવ્વારએસુ સારિચ્છં;  
 તઈઆરસેસિ કુલગર-નયજિણાધમ્માઇ ઉપ્પત્તી..... ૯૯  
 કાલદુગે તિચઉત્થારગેસુ એગૂણાનવઇપકખેસુ;  
 સેસિ ગએસુ સિજ્જંતિ, હુંતિ પઢમંતિમજિણિંદા. .... ૧૦૦  
 બાયાલસહસવરસૂ-ણિગકોડાકોડિ અચરમાણાએ;  
 તુરિએ નરાઉ પુવ્વાણ, કોડિ તણુ કોસચઉરંસં. .... ૧૦૧  
 વરિસેગવીસસહસ, પ્પમાણાપંચમરએ સગકરુચ્ચા;  
 તીસહિઅસયાઉ નરા, તયંતિ ધમ્માઇઆણંતો. .... ૧૦૨  
 ખારગિવિસાઇહિં, હાહાભૂઆકયાઇ પુહવીએ;  
 ખગબીયં વિઅડ્ઢાઇસુ, નરાઇબીયં બિલાઇસુ. .... ૧૦૩  
 બહુમચ્છયકકવહનઇ-ચઉકકપાસેસુ નવ નવ બિલાઇ;  
 વેઅડ્ઢોભયપાસે, ચઉઆલસયં બિલાણેવં..... ૧૦૪  
 પંચમસમઇટ્ઠારે, દુકરુચ્ચા વીસવરિસઆઉ નરા;  
 મચ્છાસિણો કુરૂવા, ફૂરા બિલવાસિ કુગઇગમા. .... ૧૦૫  
 નિલ્લજ્જા નિવ્વસણા, ખરવયણા પિઅસુઆઇઠિઇરહિઆ;  
 થીઓ ઇવરિસગબ્ભા, અઇદુહપસવા, બહુસુઆય..... ૧૦૬  
 ઇઅ અરઇકકેણવસપ્પિણિ ત્તિ ઉસ્સપ્પિણી વિ વિવરીઆ;  
 વીસં સાગર કોડાકોડીઓ કાલચકમ્મિ. .... ૧૦૭  
 કુરુદુગિ હરિરમ્મયદુગિ, હેમવએરણણવઇદુગિ વિદેહે;  
 કમસો સયાવસપ્પિણિ, અચયઉકકાઇસમકાલો. .... ૧૦૮

- હેમવએરણ્ણવએ, હરિવાસે રમ્મએ અ રયણમયા;  
 સદાવઘવિઅડાવઘ, ગંધાવઘ માલવંતકખા. .... ૧૦૯
- ચઉ વટ્ટવિઅડ્ઢાસાઘ, અરુણપઉમખ્ખભાસ સૂરવાસા;  
 મૂલુવરિ પિહુત્તે તહ, ઉચ્ચત્તે જોયણસહસ્સં..... ૧૧૦
- મેરૂ વટ્ટો સહસ્સકંઠો લક્ખૂસિઓ સહસ્સુવરિં;  
 દસગુણ ભુવિ તં સનવઘ, દસિગારંસં પિહુલમૂલે. .... ૧૧૧
- પુઢવુવલવયરસક્કર, મયકંઠો ઉવરિ જાવ સોમણસં;  
 ફલિહંકરયયકંચણ-મઓ અ જંબૂણઓ સેસો..... ૧૧૨
- તદ્ધુવરિ ચાલીસુચ્ચા, વટ્ટા મૂલુવરિ બાર ચઉ પિહુલા;  
 વેરુલિયા વરચૂલા, સિરિભવણ-પમાણ ચેઘહરા. .... ૧૧૩
- ચૂલાતલાઉ ચઉસય, ચઉનવઘ વલયરૂવવિક્ખંભં;  
 બહુજલકુંડં પંડગ-વણં ચ સિહરે સવેઘઅં. .... ૧૧૪
- પન્નાસજો અણોહિં, ચૂલાઓ, ચઉદિસાસુ જિણભવણા;  
 સવિદિસિ સક્કીસાણં, ચઉવાવિજુઆ ય પાસાયા. .... ૧૧૫
- કુલગિરિચેઘહરાણં, પાસાયાણં ચિમે સમટ્ઠગુણા;  
 પણવીસ રુદં દુગુણા-યામાઉ ઇમાઉ વાવીઓ. .... ૧૧૬
- જિણહરબહિદિસિ જોઅણ-પણસય દીહદ્ધપિહુલ ચઉઉચ્ચા;  
 અદ્ધસસિસમા ચઉરો, સિઅકણાયસિલા સવેઘઆ. .... ૧૧૭
- સિલમાણટ્ઠસહસ્સં-સમાણસીહાસણોહિ દોહિ જુઆ;  
 સિલ પંડુકંબલા રત્ત-કંબલા પુવ્વપચ્છિમઓ. .... ૧૧૮



જામુત્તરાઉ તાઓ, ઇગેગસીહાસણાઉ અઇપુવ્વા;  
 ચઉસુ વિ તાસુ નિયાસણ દિસિભવજિણમજજણહોઇ. ૧૧૯  
 સિહરા છત્તીસેહિં સહસેહિં મેહલાઇ પંચસએ;  
 પિહુલં સોમણસવણં, સિલવિણુ પંડગવણસરિચ્છં. .... ૧૨૦  
 તબ્બાહિરિ વિક્ખંભો, બાયાલસયાઇં દુસયરિ જુઆઇં;  
 અટ્ઠેગારસભાગા, મજ્જે તં ચેવ સહસૂણં. .... ૧૨૧  
 તત્તો સડ્ઢદુસટ્ઠી-સહસેહિં નંદણં પિ તહ ચેવ;  
 નવરિ ભવણપાસાયં-તરટ્ઠ દિસિ કુમરિક્કડા વિ. .... ૧૨૨  
 નવસહસ નવસયાઇં ચઉપન્ના છચ્ચિગારભાગા ય;  
 નંદણબહિવિક્ખંભો, સહસૂણો હોઇ મજ્જમ્મિ..... ૧૨૩  
 તદહો પંચસએહિં, મહિઅલિ તહ ચેવ ભદસાલવણં;  
 નવરમિહ દિગ્ગય ચ્ચિઅ, ક્કડા વણવિત્થરં તુ ઇમં.... ૧૨૪  
 બાવીસસહસ્સાઇં, મેટ્ટઓ પુવ્વઓ અ પચ્છિમઓ;  
 તં ચાડસીવિહત્તં, વણમાણં દાહિણુત્તરઓ. .... ૧૨૫  
 છવ્વીસ સહસ ચઉસય, પણહત્તરિ ગંતુ કુરુનઇપવાયા;  
 ઉભઓ વિણિગ્ગયા ગય-દંતા મેરુમ્મુહા ચઉરો..... ૧૨૬  
 અગ્ગેઆઇસુ પયાહિણેણ, સિઅરત્તપીઅનીલાભા;  
 સોમણસ વિજ્જુપ્પહ, ગંધમાયણમાલવંતકખા..... ૧૨૭  
 અહલોયવાસિણીઓ, દિસાકુમારીઉ અટ્ઠ એએસિં;  
 ગયદંતગિરિવરાણં, હિટ્ઠા ચિટ્ઠંતિ ભવણેસુ. .... ૧૨૮

ધુરિ અંતે ચઉપણસય, ઉચ્ચત્તિ પિહુત્તિ પણસયાડસિસમા;  
 દીહત્તિ ઇમે છકલા, દુસય નવુત્તર સહસતીસં. .... ૧૨૯  
 તાણંતો દેવુત્તર-કુરાઉ ચંદ્દસંઠિયાઉ દુવે;  
 દસસહસ વિસુદ્ધમહા-વિદેહ દલમાણ પિહુલાઓ. .... ૧૩૦  
 નઇપુવ્વાવરકૂલે, કણગમયા બલસમા ગિરિ દો દો;  
 ઉત્તરકુરાઇ જમગા, વિચિત્તચિત્તા ય ઇઅરીએ. .... ૧૩૧  
 નઇવહદીહા પણ પણ, હરયા દુદુદારયા ઇમે કમસો;  
 નિસહો તહ દેવકુરૂ, સૂરો સુલસો ય વિજજુપભો. .... ૧૩૨  
 તહ નીલવંત ઉત્તરકુરૂ ચંદેરવય માલવંતુ ત્તિ;  
 પઉમદહસમા નવરં, એએસુ સુરા દહસનામા. .... ૧૩૩  
 અડસય ચઉતીસ જોઅણાઇં, તહ સેગસત્તભાગાઓ;  
 ઇક્કારસ ય કલાઓ, ગિરિ-જમલ-દહાણ-મંતરયં. .... ૧૩૪  
 દહ-પુવ્વાવરદસજોયણોહિ, દસ દસ વિઅડ્ઢકૂડાણં;  
 સોલસગુણાપ્પમાણા, કંચણગિરિણો દુસય સવ્વે. .... ૧૩૫  
 ઉત્તરકુરુપુવ્વદ્દે, જંબૂણાય જંબુપીઢમંતેસુ;  
 કોસદુગુચ્ચં કમિ વડ્ઢમાણુ, ચઉવીસગુણં મજ્જે. .... ૧૩૬  
 પણસયવટ્ટપિહુત્તં, તં પરિખિત્તં ય પઉમવેઇએ;  
 ગાઉદુગુચ્ચ-દ્ધપિહુત્ત, ચારુ-ચઉદાર-કલિઆએ. .... ૧૩૭  
 તં મજ્જે અડવિત્થર, ચઉચ્ચ મણિ પીઢિઆઇ જંબૂતરૂ;  
 મૂલે કંદે ખંધે, વરવયરા-રિટ્ઠ-વેરુલિએ. .... ૧૩૮

તસ્સ ય સાહપસાહા, દલા ય બિંટાય પલ્લવા કમસો;  
 સોવન્ન-જાયરૂવા, વેરુલિ-તવણિજજ-જંબુણયા. .... ૧૩૯  
 સો રયયમયપવાલો, રાયયવિડિમોય રયણપુષ્કલો;  
 કોસદુગં ઉવ્વેહે, થુડસાહાવિડિમવિક્ખંભો. .... ૧૪૦  
 થુડ સાહવિડિમદીહ ત્તિ, ગાઉએ અટ્ઠ પનર ચઉવીસં;  
 સાહા સિરિસમભવણા, તમ્માણ સચેઇઅં વિડિમં. .... ૧૪૧  
 પુવિલ્લ સિજજ તિસુ આસણાણિ, ભવણેસુડણાઢિઅસુરસ્સ;  
 સા જંબૂ બારસ-વેઇઆહિં કમસો પરિક્ખિત્તા. .... ૧૪૨  
 દહપઉમાણં જં વિત્થરં, તુ તમિહાવિ જંબુરુકખાણં;  
 નવરં મહયરિયાણં, ઠાણે ઇહ અગ્ગમહિસીઓ. .... ૧૪૩  
 કોસદુસએહિં જંબૂ, ચઉદિસિં પુવ્વસાલસમભવણા;  
 વિદિસાસુ સેસતિસમા, ચઉવાવિજુયા ય પાસાયા. .... ૧૪૪  
 તાણંતરેસુ અડ જિણ-કુડા તહ સુરકુરાઇ અવરદ્ધે;  
 રાયયપીઠે સામલિ-રુકખો એમેવ ગરુલસ્સ. .... ૧૪૫  
 બત્તીસ સોલ બારસ, વિજયા વકખાર અંતરનઇઓ;  
 મેરુવણાઓ પુવ્વાવરાસુ કુલગિરિ-મહનયંતા. .... ૧૪૬  
 વિજયાણ પિહુત્તિ સગટ્ઠ-ભાગ બારુત્તરા દુવીસસયા;  
 સેલાણં પંચસએ, સવેઇ-નઇ પન્નવીસ-સયં. .... ૧૪૭  
 સોલસસહસ્સ પણસય, બાણઉઆ તહ ય દો કલાઓ ય;  
 એએસિં સવ્વેસિં, આયામો વણમુહાણં ચ. .... ૧૪૮

- ગયદંતગિરિવ્યુચ્યા, વકખારા તાણમંતરનઇણં;  
 વિજયાણં ચ ત્મિહાણાઈ, માલવંતા પયાહિણાઓ. .... ૧૪૯  
 ચિત્તે ય બંભકૂડે, નલિણીકૂડે ય એગસેલે ય;  
 તિઉડે વેસમણે વિ ય, અંજણ માયંજણે ચેવ. .... ૧૫૦  
 અંકાવઇ પમ્હાવઇ, આસીવિસ તહ સુહાવહે ચંદે;  
 સૂરે નાગે દેવે, સોલસ વકખારગિરિનામા. .... ૧૫૧  
 ગાહાવાઈ દહવઈ, વેગવઈ તત્ત મત્ત ઉમ્મતા;  
 ખીરોય સીયસોયા, તહ અંતોવાહિણી ચેવ. .... ૧૫૨  
 ઉમ્મીમાલિણિ ગંભીર-માલિણી ફેણમાલિણી ચેવ;  
 સવ્વત્થ વિ દસજોયણ, ઉંડા કુંડુબ્ભવા એયા. .... ૧૫૩  
 કચ્છુ સુકચ્છો ય મહા-કચ્છો કચ્છાવઈ તહા;  
 આવત્તો મંગલાવત્તો, પુકખલો પુકખલાવઈ. .... ૧૫૪  
 વચ્છુ સુવચ્છો ય મહા-વચ્છો વચ્છાવઈ વિ ય;  
 રમ્મો ય રમ્મઓ ચેવ, રમણી મંગલાવઇ. .... ૧૫૫  
 પમ્હુ સુપમ્હો ય મહા-પમ્હો પમ્હાવઈ તઓ;  
 સંખો નલિણનામા ય, કુમુઓ નલિણાવઈ. .... ૧૫૬  
 વપ્પુ સુવપ્પો અ મહા-વપ્પો વપ્પાવઇ ત્તિ ય;  
 વગ્ગૂ તહા સુવગ્ગૂ ય, ગંધિલો ગંધિલાવઇ. .... ૧૫૭  
 એએ પુવ્વાવરગય વિઅડ્ઢદલિય ત્તિ નઇદિ સિદલેસુ;  
 ભરહદ્ધપુરિસમાઓ, ઇમેહિ નામેહિ નયરીઓ. .... ૧૫૮

ખેમા ખેમપુરા વિ અ, અરિઠ્ઠ રિટ્ઠાવઈ ય નાયવ્વા;  
 ખગ્ગી મંજૂસા વિ ય, ઓસહિપુરી પુંડરિગિણી ય..... ૧૫૯  
 સુસીમા કુંડલા ચેવ, અવરાઈઅ પહંકરા;  
 અંકાવઈ પમ્હાવઈ, સુભા રયણસંચયા. .... ૧૬૦  
 આસપુરા સીહપુરા, મહાપુરા ચેવ હવઈ વિજયપુરા;  
 અવરાઈયા ય અવરા, અસોગા તહ વીઅસોગા ય. ... ૧૬૧  
 વિજયા ય વેજયંતી, જયંતિ અપરાજિયા ય બોધવ્વા;  
 ચક્કપુરા ખગ્ગપુરા, હોઈ અવજ્જા અઉજ્જા ય. .... ૧૬૨  
 કુંડુબ્ભવા ઉ ગંગા-સિંધૂઓ કચ્છ પમ્હપમુહેસુ;  
 અટ્ઠટ્ઠસુ વિજએસું, સેસેસુ ય રત્ત રત્તવઈ. .... ૧૬૩  
 અવિવકિંખિણિણ જગઈ, સવેઈ વણમુહયઉક્ક પિહુલતં;  
 ગુણતીસસય દુવીસા, નઈંતિ ગિરિઅંતિ એગકલા. .... ૧૬૪  
 પણતીસસહસયઉસય, છડુત્તરા સયલવિજયવિકખંભો;  
 વણમુહદુગ વિકખંભો, અડવન્ન સયા ય ચોયાલા. .... ૧૬૫  
 સગ સય પન્નાસા નઈ-પિહુત્તિ ચઉવન્ન સહસ મેરુવણે;  
 મિરિવિત્થરિયઉસહસા, સવ્વસમાસો હવઈ લકખં. .... ૧૬૬  
 જોઅણ-સયદસગંતે, સમધરણીઓ અહો અહોગામા;  
 બાયાલીસસહસેહિં, ગંતું મેરુસ્સ પચ્છિમઓ. .... ૧૬૭  
 ચઉચઉતીસં ચ જિણા, જહન્નમુક્કોસઓ અ હુંતિ કમા;  
 હરિચક્કિબલા ચઉરો, તીસં પત્તેઅમિહ દીવે. .... ૧૬૮

સસિદ્ધુગરવિદ્ધુગ ચારો, ઇહ દીવે તેસિં ચારખિત્તં તું;  
 પણસય દસુત્તરાઇં, ઇગસદ્ધિભાગા ય અડયાલા..... ૧૬૯  
 પનરસ ચુલસીઇસયં છપ્પન્નડડયાલભાગમાણાઇં;  
 સસિસૂરમંડલાઇં, તયંતરાણિગિગહીણાઇં. .... ૧૭૦  
 પણતીસ જોઅણો ભાગ-તીસ ચઉરો અ ભાગ સગભાયા;  
 અંતરમાણં સસિણો, રવિણો પુણ જોઅણો દુન્નિ. .... ૧૭૧  
 દીવંતો અસિઅસએ, પણ પણસટ્ઠી અ મંડલા તેસિં;  
 તીસહિઅ તિસય લવણો, દસિગુણવીસં સયં કમસો. ... ૧૭૨  
 સસિસસિરવિરવિ અંતરિ, મજ્જે ઇગલકખુ તિસય સાઠ્ઠણો;  
 સાહિઅદુસયરિ પણ ચય, બહિલકખો છસય સાઠ્ઠહિઓ. ૧૭૩  
 સાહિઅ પણસહસ તિહુત્તરાઇં સસિણો મુહુત્તગઇ મજ્જે;  
 બાવન્નહિઆ સા બાહિ, પઇમંડલ પઉણચઉવુડ્ઢી..... ૧૭૪  
 જા સસિણો સા રવિણો, અડસયરિસએણ સીસએણ હિઆ;  
 કિંચૂણાણં અટ્ઠાર સદ્ધિભાગાણ મિહ વુડ્ઢી. .... ૧૭૫  
 મજ્જે ઉદયત્થંતરિ, ચઉનવઇ સહસ્સ પણસય છવીસા;  
 બાયાલ સદ્ધિભાગા, દિણં ચ અટ્ઠારસમુહુત્તં. .... ૧૭૬  
 પઇમંડલ દિણહાણી, દુણહ મુહત્તગસદ્ધિભાગાણં;  
 અંતે બારમુહુત્તં, દિણં નિસા તસ્સ વિવરીઆ. .... ૧૭૭  
 ઉદયત્થંતરિ બાહિં, સહસા તેસદ્ધિ છસય તેસદ્ઢા;  
 તહ ઇગસસિપરિવારે, રિક્ખડવીસા-ડસીઇ ગહા..... ૧૭૮  
 છાસદ્ધિ સહસ નવસય, પણહત્તરિ તારકોડિકોડીણં;  
 સન્નંતરેણમુસ્સેહં, ગુલમાણેણ વા હુંતિ. .... ૧૭૯

ગહ રિકખ તારગાણં, સંખં સસિસંખ સંગુણં કાઉં;  
 ઇચ્છિયદીવુદહિંમિ ય, ગહાઇમાણં વિઆણેહ..... ૧૮૦  
 ચઉ ચઉ બારસ બારસ, લવણે તહ ધાયઇમ્મિ સસિસૂરા;  
 પરઓ દહિદીવેસુ અ, તિગુણા પુવ્વિલ્લસંજુતા. .... ૧૮૧  
 નરખિત્તં જા સમસેણિ, ચારિણો સિઘ્ધ સિઘ્ધતર ગઇણો;  
 દિદ્દિઠપહમિંતિ ખિત્તા જુમાણઓ તે નરાણેવં. .... ૧૮૨  
 પણસય સત્તતીસા, ચઉતીસસહસ્સ લકખઇગવીસા;  
 પુકખરદીવડ્ઢનરા, પુવ્વેણ અવરેણ પિચ્છંતિ. .... ૧૮૩  
 નરખિત્તબહિં સસિરવિ-સંખા કરણંતરેહિં વા હોઇ;  
 તહ તત્થ ય જોઇસિયા, અચલદ્ધપમાણસુવિમાણા. .... ૧૮૪  
 જંબૂ પરિહિ તિલકખા, સોલસહસ દુસય પઉણાઅડવીસા;  
 ઘણુ અડવીસસયંગુલ, તેરસસડ્ઢા સમહિઆ ય. .... ૧૮૫  
 સગસય નઉઆકોડી, લકખા છપ્પન્ન ચઉનવઇ સહસા;  
 સડ્ઢસયં પઉણાદુકોસ, સડ્ઢબાસદ્દિઠકર ગણિઅં. .... ૧૮૬  
 વટ્ટપરિહિં ચ ગણિઅં, અંતિમખંડાઇ ઉસુજિઅં ચ ઘણું;  
 બાહું પયરં ચ ઘણં, ગણેહ એએહિં કરણેહિં..... ૧૮૭  
 વિકખંભવગ્ગદહગુણ-મૂલં વટ્ટસ્સ પરિરઓ હોઇ;  
 વિકખંભપાયગુણિઓ, પરિરઓ તસ્સ ગણિઅપયં. .... ૧૮૮  
 ઓગાહુ ઉસૂ સુચ્ચિઅ, ગુણવીસગુણો કલાઉસૂ હોઇ;  
 વિઉસુપિહુત્તે-ચઉગુણ-ઉસુગુણિએ મૂલમિહ જીવા. .... ૧૮૯

ઇસુવગ્ગિ ઇગુણિ જીવા-વગ્ગજુએ મૂલ હોઇ ધણુપિટ્ઠં;  
 ધણુદુગ-વિસેસ-સેસં, દલિઅં બાહાદુગં હોઇ. .... ૧૯૦  
 અંતિમખંડસ્સિગુણા, જીવં સંગુણિઅ ચઉહિ ભઈઊણં;  
 લદ્દમિ વગ્ગિએ દસ-ગુણમ્મિ મૂલં હવઇ પયરો. .... ૧૯૧  
 જીવા-વગ્ગાણ દુગે, મિલિએ દલિએ અ હોઇ જં મૂલં;  
 વેઅડ્ઢાઈણ તયં, સપિહુત્તગુણં ભવે પયરો. .... ૧૯૨  
 એયં ચ પયરગણિઅં, સંવવહારેણ દંસિઅં તેણં;  
 કિંચૂણં હોઇ ફલં, અહિઅં પિ હવઇ સુહુમગણણા. .... ૧૯૩  
 પયરો સોસ્સેહ-ગુણો, હોઇ ધણો પરિરયાઇ સવ્વં વા;  
 કરણગણણાલસેહિં, જંતગલિહિઆઉ દટ્ઠવ્વં. .... ૧૯૪  
 ગોતિત્થં લવણોભય, જોઅણ પણનવઇસહસ જા તત્થ;  
 સમભૂતલાઉ સગસય જલવુડ્ઢી સહસમોગાહો. .... ૧૯૫  
 તેરાસિએણ મજ્જિલ્લ-રાસિણા સંગુણિજ્જ અંતિમગં;  
 તં પઢમરાસિભઇઅં, ઉવ્વેહં મુણસુ લવણજલે. .... ૧૯૬  
 હિટ્ઠુવરિ સહસદસગં, પિહુલા મૂલાઉ સતર-સહસુચ્ચ્યા;  
 લવણસિહા સા તદુવરિ, ગાઉદુગં વડ્ઢઇ દુવેલં. .... ૧૯૭  
 બહુમજ્જે ચઉદિસિ ચઉ, પાયાલા વયરક્લસસંઠાણા;  
 જોઅણસહસ્સ જડા, તદસ-ગુણ હિટ્ઠુવરિ રુંદા. .... ૧૯૮  
 લક્ખં ચ મજ્જિ પિહુલા, જોઅણલક્ખં ચ ભૂમિમોગાઢા;  
 પુવ્વાઇસુ વડવામુહ-કેજુવ જૂવેસર-ભિહાણા. .... ૧૯૯



- અને લહુપાયાલા, સગ સહસા અડસયા સચુલસીઆ;  
 પુવ્વુત્ત-સયંસ-પમાણા, તત્થ તત્થ પ્પએસેસુ. .... ૨૦૦
- કાલો અ મહાકાલો, વેલંબ પભંજણો અ ચઉસુ સુરા;  
 પલિઓવમાઉણ્ણો તહ, સેસેસુ સુરા તયદ્દાગિ. .... ૨૦૧
- સવ્વેસિમહોભાગે, વાગિ મજ્જિલ્લયમ્મિ જલવાગિ;  
 કેવલ-જલમુવરિલ્લે, ભાગદ્દુગે તત્થ સાસુવ્વ. .... ૨૦૨
- બહવે ઉદારવાયા, મુચ્છંતિ ખુહંતિ દુન્નિવારાઓ;  
 એગ-અહોરતંતો, તયા તયા વેલપરિવુડ્ડી. .... ૨૦૩
- બાયાલ સદ્દિઠ-દુસયરિ, સહસા નાગાણ મજ્જુવરિ બાહિં;  
 વેલં ધરંતિ કમસો, ચઉહત્તરુલકખુ તે સવ્વે. .... ૨૦૪
- બાયાલ સહસ્સેહિં, પુવ્વેસાણાઘ-દિસિવિદિસિ લવણે;  
 વેલંધરાણુવેલં ધરરાઈણં ગિરિસુ વાસા. .... ૨૦૫
- ગોથૂભે દગભાસે, સંખે દગસીમ નામિ દિસિ સેલે;  
 ગોથૂભો સિવદેવો, સંખો ઁ મણ્ણોસિલો રાયા. .... ૨૦૬
- કક્કોડે વિજ્જુપભે, કેલાસ રુણપ્પહે વિદિસિ સેલે;  
 કક્કોડગુ કદ્દમઓ, કેલાસ રુણપ્પહો સામી. .... ૨૦૭
- એએ ગિરિણો સવ્વે, બાવીસ-હિઆ ય દસસયા મૂલે;  
 ચઉસય ચઉવીસહિઆ, વિચ્છિન્ના હુંતિ સિહરતલે. .... ૨૦૮
- સતરસસય ઇગવીસા, ઉચ્ચત્તે તે સવેઈઆ સવ્વે;  
 કણાગંક રયય ફાલિહ, દિસાસુ વિદિસાસુ રયણમયા. . ૨૦૯

શવ ગુણહત્તરિજોઅણ, બહિજલુવરિચત્ત પણ નવઇ ભાયા;  
 એએ મજ્જે નવસય, તેસટ્ઠા ભાગ સગસયરિ..... ૨૧૦  
 હિમવંતંતા વિદિસી સાણાઇગયાસુ ચઉસુ દાઢાસુ;  
 સગ સગ અંતરદીવા, પઢમચઉક્કં ચ જગઇઓ..... ૨૧૧  
 જોઅણતિસએહિં તઓ, સયસયવુડ્ઢી અ છસુ ચઉક્કેસુ;  
 અનુત્તજગઇઅંતરિ, અંતરસમવિત્થરા સવ્વે..... ૨૧૨  
 પઢમચઉક્કુચ્ચ બહિં, અડ્ઢાઇઅજોઅણે અ વીસંસા;  
 સયરિંસ વુડ્ઢિપરઓ, મજ્જાદિસિં સવ્વિ કોસદ્દુગં..... ૨૧૩  
 સવ્વે સવેઇઅંતા, પઢમ-ચઉક્કમ્મિ તેસિ નામાઇં;  
 એગોરુઅ આભાસિઅ, વેસાણિઅ ચેવ લંગૂલે..... ૨૧૪  
 બીઅચઉક્કે હયગયં, ગોસક્કુલિપુવ્વ કણ્ણનામાણો;  
 આયંસ મિંઢગ અઓ-ગોપુવ્વમુહા ય તઇઅમ્મિ..... ૨૧૫  
 હય ગય હરિ વગ્ઘ મુહા, ચઉત્થએ આસકણ્ણુ હરિકણ્ણો;  
 અકણ્ણ કણ્ણ પાવરણુ, દીઓ પંચમચઉક્કમ્મિ..... ૨૧૬  
 ઉક્કમુહો મેહમુહો, વિજ્જુમુહો વિજ્જુદંત છટ્ઠમ્મિ;  
 સત્તમગે દંતંતા, ઘણ-લટ્ઠ-નિગૂઢ-સુદ્ધા ય..... ૨૧૭  
 એમેવ ય સિહરિમ્મિ વિ, અડવીસં સવ્વિ હુંતિ છપ્પત્તા;  
 એએસુ જુઅલડ્ડવા, પલિઆ સંખંસ-આઉ નરા..... ૨૧૮  
 જોઅણ દસમંસત્તણુ, પિટ્ઠિઠ કરંડાણ મેસિ ચઉસટ્ઠી;  
 અસણં ય ચઉત્થાઓ ગુણસીદ્ધિણ વચ્ચ પાલણયા..... ૨૧૯  
 પચ્છિમદિસિ સુત્થિઅ, લવણસામિણો ગોઅમુત્તિઈગુદીવો;  
 ઉભઓ વિ જંબુલાવણ, દુ દુ રવિ દીવા ય તેસિં ચ... ૨૨૦

જગદપરુષ્પરઅંતરિ, તહ વિત્થર બાર જોઅણ સહસ્સા;  
 એમેવ ય પુવ્વદિસિં, ચંદ્રચઉક્કસ્સ ચઉ દીવા. .... ૨૨૧  
 એવં ચિઅ બાહિરઓ, દીવા અટ્ઠટ્ઠપુવ્વપચ્છિમઓ;  
 દુ દુ લવણ છ છ ધાયછ સંડ સસીણં રવીણં ચ. .... ૨૨૨  
 એએ દીવા જલુવરિ, બહિ જોઅણ સડ્ઢઅટ્ઠસીઈ તહા;  
 ભાગા વિ અ ચાલીસા, મજ્જે પુણ કોસદુગમેવ. .... ૨૨૩  
 કુલગિરિપાસાયસમા, પાસાયા એસુ ણિઅણિઅપહૂણં;  
 તહ લાવણ-જોઈસિઆ, દગફાલિહ ઉડ્ઢલેસાગા. .... ૨૨૪  
 જામુત્તરદીહેણં દસસય-સમ-પિહુલ પણસયુચ્ચેણં;  
 ઉસુચાર ગિરિદુગેણં, ધાયછસંડો દુહવિહત્તો. .... ૨૨૫  
 ખંડદુગે છ છ ગિરિણો, સગ સગ વાસા ય અરવિવરરૂવા;  
 ધુરિ અંતિ સમા ગિરિણો, વાસા પુણ પિહુલપિહુલયરા. ૨૨૬  
 દહકુંડુંડુત્તમમે રુમુસ્સયં વિત્થરં વિઅડ્ઢાણં;  
 વટ્ઠગિરીણં ચ સુમેરુવજ્જમિહ જાણ પુવ્વસમં. .... ૨૨૭  
 મેરુદુગં પિ તહ ચ્ચિઅ, નવરં સોમણસ હિટ્ઠુવરિ-દેસે;  
 સગ-અડ-સહસ ઊણુ ત્તિ, સહસપણસીઈ ઉચ્ચત્તે. .... ૨૨૮  
 તહ પણનવઈ ચઉણઉઅ, અદ્દચઉણાઉઅ અટ્ઠતીસા ય;  
 દસ સયાઈ કમેણં, પણાઠાણ પિહુત્તિ હિટ્ઠાઓ. .... ૨૨૯  
 ણાઈકુંડદીવવણમુહ, દહ-દીહરસેલ-કમલવિત્થારં;  
 ણાઈઉડત્તં ચ તહા, દહ-દીહત્તં ચ ઈહ દુગુણં. .... ૨૩૦

ઇગલકખુ સત્તસહસા, અડસય ગુણસીઈ ભદસાલવણં;  
 પુવ્વાવરદીહં તં, જામુત્તર અદ્ઠસી ભઈઅં. .... ૨૩૧  
 ખહિ ગયદંતા દીહા, પણ લકખૂણસયરિસહસ દુગુણદ્ઠા;  
 ઇઅરે તિલકખ છપ્પત્ત, સહસ્સ સય દુત્તિ સગવીસા. . ૨૩૨  
 ખિત્તાણુમાણઓ સેસ, સેલ-નઈ-વિજય-વણમુહાયામો;  
 ચઉલકખ-દીહ વાસા, વાસ વિજય-વિત્થરો ઉ ઇમો... ૨૩૩  
 ખિત્તંક-ગુણ-ધુવંકે, દો સય બારુત્તરેહિ પવિભતે;  
 સવ્વત્થ વાસવાસો, હવેઈ ઇહ પુણ ઇય ધુવંકા. .... ૨૩૪  
 ધુરિ ચઉદ લકખ દુસહસ, દોસગણઉઆ ધુવં તહા મજ્જે;  
 દુસય અડુત્તર સત્ત-સદ્દિઠ સહસ છવ્વીસ લકખા ય. . ૨૩૫  
 ગુણવીસ સયં બત્તીસ, સહસ ગુણયાલ લકખ ધુવમંતે;  
 નઈગિરિવણમાણવિસુદ્ધ, ખિત્તસોલંસપિહુ વિજયા. ... ૨૩૬  
 નવસહસા છસય તિઉ-ત્તરા ય છચ્ચેવ સોલભાયા ય;  
 વિજયપિહુતં નઈગિરિ, વણવિજયસમાસિ ચઉલકખા. ૨૩૭  
 પુવ્વં વ પુરી અ તરુ, પરમુત્તરકુરુસુ ધાઈ મહધાઈ;  
 રુકખા તેસુ ર સણ-પિયદંસણનામયા દેવા. .... ૨૩૮  
 ધુવરાસીસુ અ મિલિઆ, એગો લકખો ય અડસયરિ સહસા;  
 અદ્ઠ સયા બામાલા, પરિહિતિગં ધાયઈસંડે. .... ૨૩૯  
 કાલોઓ સવ્વત્થ વિ, સહસુંડો વેલવિરહિઓ તત્થ;  
 સુન્નિઅચ્ચ કાલ મહા-કાલ સુરા પુવ્વ પચ્છિમઓ. .. ૨૪૦

લવણમ્મિ વ જહસંભવ, સસિરવિદીવા ઇહં પિ નાયવ્વા;  
 નવરં સમંતઓ તે, કોસદ્દુગુચ્ચા જલસ્સુવરિં..... ૨૪૧  
 પુકખરદલબહિજગઇવ્વ, સંઠિઓ માણુસુતરો સેલો;  
 વેલંધરગિરિમાણો, સીહનિસાઇ નિસઢવત્તો. .... ૨૪૨  
 જહ ખિત્તનગાઈણાં, સંઠાણો ધાઇએ તહેવ ઇહં;  
 દુગુણો અ ભદસાલો, મેરુસુયારા તહા ચેવ..... ૨૪૩  
 ઇહ બાહિરગયદંતા, ચઉરો દીહત્તિ વીસ-સયસહસા;  
 તેઆલીસ સહસ્સા, ઉણવીસહિઆસયા દુન્નિ. .... ૨૪૪  
 અબ્બિંતરગયદંતા, સોલસલકખા ય સહસ ઇવ્વીસા;  
 સોલહિઅં સયમેગં, દીહત્તે હુંતિ ચઉરો વિ..... ૨૪૫  
 સેસા પમાણઓ જહ, જંબૂદીવાઉ ધાઇએ ભણિઆ;  
 દુગુણા સમા ય તે તહ, ધાયઇસંડાઉ ઇહ નેયા..... ૨૪૬  
 અડસીલકખા ચઉદસ સહસા તહ નવસયા ય ઇગવીસા;  
 અબ્બિંતરધુવરાસી, પુવ્વુત્તવિહીઇ ગણિઅવ્વો. .... ૨૪૭  
 ઇગ કોડિ તેરલકખા, સહસા ચઉચત્ત સગસય તિયાલા;  
 પુકખવરદીવડ્ઢે, ધુવરાસી એસ મજ્જમ્મિ. .... ૨૪૮  
 એગા કોડિ અડતીસ, લકખા ચઉહત્તરી સહસ્સા ય;  
 પંચસયા પણસટ્ઠા, ધુવરાસી પુકખરદંતે. .... ૨૪૯  
 ગુણવીસસહસ સગસય, ચઉંનઉંઅ સવાય વિજ્જયવિકખંભો;  
 તહ ઇહ બહિવહસલિલા, પવિસંતિ અ નરનગસ્સાહો. ૨૫૦


પુકખરદલપુવ્વાવર-ખંડંતો સહસદ્ગુપિહુ દુ કુંડા;  
 ભણિયા તટ્ઠાણં પુણ, બહુસ્સુયા એવ જાણંતિ..... ૨૫૧  
 ઇહ પઉમ મહાપઉમા, રુકખા ઉત્તરકુરુસુ પુવ્વં વ;  
 તેસુ વિ વસંતિ દેવા, પઉમો તહ પુંડરીઓ અ. .... ૨૫૨  
 દોગુણહત્તરિ પઢમે, અડ લવણો બીઅદિવિ તઇઅદ્દે;  
 પિહુ પિહુ પણસયયાલા, ઇઅ નરખિત્તે સયલગિરિણો. ૨૫૩  
 તેરહસય સગવન્ના, તે પણમેરુહિ વિરહિઆ સવ્વે;  
 ઉસ્સેહપાયકંદા, માણુસસેલો વિએ મેવ. .... ૨૫૪  
 ધુવરાસીસુ તિલકખા, પણપત્ર સહસ્સ ઇસય ચુલસીઆ;  
 મિલિઆ હવંતિ કમસો, પરિહિતિગં પુકખરદ્ધસ્સ. .... ૨૫૫  
 નઇદહપણથણિઆગણિ-જિણાઇણરજમ્મમરણકાલાઇ;  
 પણયાલલકખજોઅણ-નરખિત્તં મુત્તુ નો પુરઓ. .... ૨૫૬  
 ચઉસુ વિ ઉસુઆરેસુ, ઇકિંકકં નરનગમ્મિ ચત્તારિ;  
 કૂડોવરિજિણાભવણા, કુલગિરિજણાભવણપરિમાણા.... ૨૫૭  
 તત્તો દુગુણપમાણા, ચઉદારા થુત્તવણિઅસરુવે;  
 નંદીસરિ બાવન્ના, ચઉ કુંડલિ રુઅગિ ચત્તારિ..... ૨૫૮  
 બહુસંખવિગખ્પે રુઅગ-દીવિ ઉચ્ચત્તિ સહસ ચુલસીઇ;  
 નરનગસમરુઅગો પુણ, વિત્થરિ સયઠાણિ સહસંકો. . ૨૫૯  
 તસ્સ સિહરમ્મિ ચઉદિસિ, બીઅસહસ્સિગિગુ ંઉત્થિ અટ્ઠટ્ઠઠ;  
 વિદિસિ ચગિ ઇઅ ચત્તા, દિસિકુમરી કૂડ સહસંકા. ... ૨૬૦

ઇં ઇવય દીવોદહિ વિઆરલેસો મએ વિમઇણાવિ;  
 લિહિઓ જિણગણહરગુરુ સુઅ સુઅદેવીપસાએણ. ... ૨૬૧  
 સેસાણ દીવાણ તહોદહીણં, વિઆરવિત્યારમણોરપારં;  
 સયા સુંઆઓ પરિભાવયંતુ, સવ્વં પિ સવ્વન્નુ મઇક્કચિત્તા. ૨૬૨  
 સૂરીહિં જં રયણસેહરનામએહિં,  
 અપ્પત્થમેવ રઇઅં નરખિત્તવિકખં;  
 સંસોહિઅં પયરણં સુઅણોહિ લોએ,  
 પાવેઉ તં કુસલરંગમઇં પસિદ્ધિં. .... ૨૬૩

### મીઠું સચિત-અચિત ક્યારે?

(૧) મીઠું વાટવા કે પીસવાથી અચિત થાય નહિ (૨)  
 તાવડી ઉપર શેકેલું લાલ બને તોજ અચિત થાય, અને તે  
 ચોમાસામાં ૭ દિન, શિયાળામાં ૧૫ દિન અને ઉનાળામાં એક  
 માસ સુધી અચિત રહે (૩) પાણીમાં નાખી એકરસ કરી  
 ઉકાળી ને ઠારી બનાવેલું અચિત થાય, પરંતુ બે-ચાર માસ  
 પછી સચિત થવાનો સંભવ છે, માટે વધારે ટાઈમ ન રાખવું  
 (૪) નિભાડામાં પકવેલું બે-ચાર વર્ષ સુધી પણ અચિત રહે.

# श्री द्वादशांग पुरुषः





## श्री सरस्वती यंत्र-मंत्र




ॐ ॐ हसौं हम्ल्यू हस्प्रेँ ॐ ऐं  
त्रिपुर शारदायै भैरव्यै देवतायै नमः



ॐ ॐ श्रीं क्लीं वाग्वादिनी सरस्वती मम  
जिह्वाग्रे वासं कुरु-कुरु स्वाहा

ACHARYA SRISHRI KAILASSAGARSURI GYANMANDIR  
KOBATIRTH  
Koba  
Phone : (079) 22211112, 22211113, 22211114

ॐ ऐं नमः





**કેલાસ-પન્ન સ્વાધ્યાય સાગર ભાગ-૧**  
નવરમરણાદિ સ્તોત્ર

**કેલાસ-પન્ન સ્વાધ્યાય સાગર ભાગ-૨**  
ચાર પ્રકરણ, ત્રણ ભાષ્ય, ૬ કર્મગ્રંથ, તત્વાર્થ, પંચસૂત્ર (સંપૂર્ણ)

**કેલાસ-પન્ન સ્વાધ્યાય સાગર ભાગ-૩**  
શ્રમણક્રિયાના સૂત્રો, ઉપયોગી માહિતી

**કેલાસ-પન્ન સ્વાધ્યાય સાગર ભાગ-૪**  
દશવૈકલિક સૂત્ર, બૃહત્સંગ્રહણી, લઘુ ક્ષેત્રસમાસ

**કેલાસ-પન્ન સ્વાધ્યાય સાગર ભાગ-૫**  
વીતરાગ સ્તોત્ર, મહાદેવ સ્તોત્ર, ઈન્દ્રિય પરાજય શતક,  
વૈરાગ્ય શતક, જ્ઞાનસાર, પ્રશમરતિ, શિષ્યોપનિષદ,  
જૈનોપનિષદ આત્માવબોધકુલક, ગુણાનુરાગકુલક,  
ગૌતમકુલક, ભાવકુલક, વિકારનિરોધકુલક, સાધુનિયમકુલક

**કેલાસ-પન્ન સ્વાધ્યાય સાગર ભાગ-૬**  
શાંતસુધારસ, યોગશાસ્ત્ર, અષ્ટક્રમકરણ, ચઉશરણ પયન્ના,  
આઉર પચ્ચક્ષ્માણ પયન્ના

**કેલાસ-પન્ન સ્વાધ્યાય સાગર ભાગ-૭**  
યોગસાર પ્રકરણ, સિંદુર પ્રકરણ  
અધ્યાત્મ ઉપનિષદ, અધ્યાત્મ કલ્પદ્રુમ

**કેલાસ-પન્ન સ્વાધ્યાય સાગર ભાગ-૮**  
દેવવંદન, જ્ઞાનપૂજા, મૌનએકાદશી ગણણું, દિવાળી ગણણું

**કેલાસ-પન્ન સ્વાધ્યાય સાગર ભાગ-૯**  
પ્રવજ્યા તીર્થ તપમાળ વિધિ, વિવિધ વિધિ,  
સંખ્યા, ઉપયોગી સંગ્રહ

